

আস সুন্নাহর অপরিহার্যতা

ড. মুহাম্মাদ সাইফুল ইসলাম

গবেষণাপত্র সংকলন-১৯

আস্ সুন্নাহর অপরিহার্যতা

ড. মুহাম্মাদ সাইফুল ইসলাম

গবেষণা বিভাগ
বাংলাদেশ ইসলামিক সেন্টার
ঢাকা

প্রকাশক

এ.কে.এম. নাজির আহমদ

পরিচালক

বাংলাদেশ ইসলামিক সেন্টার

২৩০ নিউ এলিফ্যান্ট রোড, ঢাকা-১২০৫

ফোন : ৮৬২৭০৮৬, ফ্যাক্স : ০২-৯৬৬০৬৪৭

সেল্‌স এণ্ড সার্কুলেশন :

কাঁটাবন মসজিদ ক্যাম্পাস, ঢাকা-১০০০

ফোন : ৮৬২৭০৮৭, ০১৭৩২৯৫৩৬৭০

Web : www.bicdhaka.com ই-মেইল : info@bicdhaka.com



গ্রন্থস্বত্ব : বিআইসি কর্তৃক সংরক্ষিত

প্রকাশকাল : অগাস্ট, ২০১১

ভদ্র, ১৪১৭

রমাদান, ১৪৩২

ISBN 984-843-029-0 set

মুদ্রণ : আল ফালাহ প্রিন্টিং প্রেস

বড় মগবাজার, ঢাকা-১২১৭

মূল্য : পঁয়তাল্লিশ টাকা মাত্র

Gobesanapatra Sankalan-19 Written by Dr Muhammad Saiful Islam and
Published by AKM Nazir Ahmad Director Bangladesh Islamic Centre 230 New
Elephant Road Dhaka-1205 Sales and Circulation Katabon Masjid Campus
Dhaka-1000 1st Edition August-2011 Price Taka 45.00 only

প্রারম্ভিক কথা

ইসলামী বিশ্ববিদ্যালয়, কুষ্টিয়া-এর আরবী বিভাগের অধ্যাপক ড. মুহাম্মাদ সাইফুল ইসলাম সেপ্টেম্বর ৩০, ২০১০ তারিখে বাংলাদেশ ইসলামিক সেন্টার কর্তৃক আয়োজিত স্টাডি সেশনে “আস্ সুন্নাহর অপরিহার্যতা” শীর্ষক একটি গবেষণা পত্র উপস্থাপন করেন। এই গবেষণা পত্রের মানোন্নয়নের লক্ষ্যে মূল্যবান পরামর্শ দিয়ে জ্ঞানগর্ভ বক্তব্য রাখেন ড. মুহাম্মাদ আবদুল মাবুদ, ড. মুহাম্মাদ আবদুস সামাদ, ড. হাসান মুহাম্মাদ মুঈনুদ্দীন, ড. মুহাম্মাদ নজীবুর রহমান, ড. মুহাম্মাদ শফীউল আলম ভূঁইয়া, ড. মুহাম্মাদ ছামিউল হক ফারুকী, ড. মুহাম্মাদ আবদুল্লাহ, জনাব মুহাম্মাদ শাফী উদ্দীন, জনাব মুহাম্মাদ রফিকুল ইসলাম এবং জনাব মুহাম্মাদ আতহার উদ্দীন।

সম্মানিত আলোচকদের পরামর্শের নিরিখে ড. মুহাম্মাদ সাইফুল ইসলাম তাঁর গবেষণাপত্রটিকে বেশ পরিমার্জিত করে নেন। গবেষণাপত্রটি আস্ সুন্নাহ-র অনুসরণের গুরুত্ব সম্পর্কে সম্মানিত পাঠক-পাঠিকাদের অধিকতর সচেতনতা সৃষ্টিতে সহায়ক হবে বলে আমাদের বিশ্বাস।

আল্লাহ আমাদের সহান হোন!

এ.কে.এম. নাজির আহমদ

সূচিপত্র

ভূমিকা ॥ ৭

সুন্নাহর পরিচয় ॥ ৮

আল কুরআনুল কারীমে সুন্নাহ শব্দের ব্যবহার ॥ ৯

মহানবী (সাল্লাল্লাহু ‘আলাইহি ওয়া সাল্লাম)-এর বাণীতে সুন্নাহ শব্দের ব্যবহার ॥ ১১

পারিভাষিক অর্থ ॥ ১৩

মুহাদ্দিছগণের পরিভাষায় সুন্নাহ হলো ॥ ১৪

উছুলবিদদের পরিভাষায় সুন্নাহ হলো ॥ ১৫

ফিকহবিদগণের মতে সুন্নাহ ॥ ১৬

আল-কুরআন ও আস্ সুন্নাহর মধ্যে পার্থক্য ॥ ১৮

সুন্নাহর গুরুত্ব ও তা অনুসরণের অপরিহার্যতা ॥ ২১

সুন্নাহর অপরিহার্যতা সম্পর্কে আল-কুরআনের দলীল ॥ ২২

সুন্নাহর অপরিহার্যতা সম্পর্কে হাদীছের দলীল ॥ ২৭

ইসলামী আইনে সুন্নাতে রাসূলের স্থান ॥ ৩৪

সুন্নাহ দ্বারা আইন প্রণয়ন মূলক কাজের কয়েকটি দৃষ্টান্ত ॥ ৩৬

সুন্নাহ শরী‘আতের দলীল হওয়া সম্পর্কে সাহাবায়ে কিরাম ও মনীষীগণের অবস্থান ॥ ৪৩

সাহাবায়ে কিরামের (রা) অবস্থান ॥ ৪৪

আবু বাকর (রা)-এর অবস্থান ॥ ৪৫

‘উমার (রা)-এর অবস্থান ॥ ৪৬

‘উসমান (রা)-এর অবস্থান ॥ ৪৮

‘আলীর (রা)-অবস্থান ॥ ৪৮

‘আবদুল্লাহ ইবন মাস‘উদ (রা)-এর অবস্থান ॥ ৪৯

‘আবদুল্লাহ ইবন ‘আব্বাস (রা)-এর অবস্থান ॥ ৫০

ইবন ‘উমারের (রা) অবস্থান ॥ ৫০

‘ইমরান ইবন হুসাইন (রা)-এর অবস্থান ॥ ৫১

জাবির (রা)-এর অবস্থান ॥ ৫৩

সুন্নাহকে দলীল হিসেবে গ্রহণের ক্ষেত্রে মনীষীগণের অবস্থান ॥ ৫৩

সুন্নাহ দলীল হওয়ার ব্যাপারে সংশয় ও তার নিরসন ॥ ৫৮

উপসংহার ॥ ৭২

الحمد لله والصلاة والسلام على رسول الله وعلى آله وصحبه ومن والاه ، وبعد:

ভূমিকা

সমস্ত প্রশংসা আল্লাহ তা'আলার প্রতি। অতপর দরুদ ও সালাম প্রিয় নবী মুহাম্মাদুর রাসূলুল্লাহ (সাল্লাল্লাহু 'আলাইহি ওয়া সাল্লাম)-এর প্রতি, যিনি বিশ্বমানবতার মুক্তিদাতা। সর্বকালের সর্বশ্রেষ্ঠ মহামানব। মহানবী (সাল্লাল্লাহু 'আলাইহি ওয়া সাল্লাম) তাঁর তেইশ বছরের নবুওয়াতি জীবনে আল্লাহ প্রদত্ত রিসালাতের দায়িত্ব পালন করতে গিয়ে যা কিছু বলেছেন, করেছেন এবং সমর্থন দিয়েছেন তাই হলো সুন্নাহ। তাঁর কথা, কাজ, মৌন সমর্থন, দৈহিক গঠন প্রকৃতি, নৈতিক গুণাবলী, আচার-আচরণ ও জীবন চরিত সকল কিছুই সুন্নাহর অন্তর্ভুক্ত। সুন্নাহর পরিভাষাগত অপর নাম হলো হাদীস। ইসলামী আইন ব্যবস্থায় আল-কুরআনের পরেই সুন্নাহর স্থান। সুন্নাহ হলো ইসলামী শরী'আতের দ্বিতীয় মূল উৎস। এটি হল আল-কুরআনের বিস্তারিত ব্যাখ্যা ও বিশ্লেষণ। আল-কুরআনে বর্ণিত সংক্ষিপ্ত মৌল নির্দেশনাবলীর প্রায়োগিক রূপ। এটি ব্যতীত আল-কুরআনের উপর 'আমল করা অসম্ভব। কেননা আল-কুরআনের ব্যাখ্যা বিশ্লেষণ সমগ্র মানব জাতির কাছে উপস্থাপন করাই ছিল মহানবী (সাল্লাল্লাহু 'আলাইহি ওয়া সাল্লাম)-এর দায়িত্ব। ইসলামী আইনে সুন্নাহর দলীল হওয়ার ব্যাপারে আধুনিক যুগের অনেকেই বিভ্রান্তির মধ্যে রয়েছেন। তাঁদের বিভ্রান্তি নিরসন কল্পে ইসলামী আইন ব্যবস্থায় সুন্নাহর অপরিহার্যতা ও প্রকৃত অবস্থান কোথায় তা তুলে ধরাই এ প্রবন্ধের মূল লক্ষ্য। বিষয়বস্তুর দিকে লক্ষ্য রেখে প্রবন্ধটি নিম্ন বর্ণিত কয়েকটি ভাগে ভাগ করা হয়েছে :

- ক. সুন্নাহর পরিচয় (আভিধানিক ও পারিভাষিক)
- খ. কুরআন ও সুন্নাহর মধ্যে পার্থক্য
- গ. সুন্নাহর গুরুত্ব ও তা অনুসরণের অপরিহার্যতা
- ঘ. ইসলামী আইনে সুন্নাহর স্থান
- ঙ. সুন্নাহকে শরী'আতের দলীল হিসেবে গ্রহণের ক্ষেত্রে সাহাবী ও মনীষীগণের অবস্থান

চ. সূন্নাহর দলীল হওয়ার ব্যাপারে সংশয় ও তার নিরসন

ছ. উপসংহার।

সূন্নাহর পরিচয়

সূন্নাহর আভিধানিক অর্থ : সূন্নাহ্ (السنة) একটি আরবি শব্দ। এর আভিধানিক অর্থ: রীতি, পদ্ধতি^১, পথ, পন্থা, নিয়ম, স্বভাব^২- তা ভালো হোক বা মন্দ, কর্মধারা ইত্যাদি।

বিখ্যাত অভিধানবিদ ইবনুল মানযুর বলেন:

السنة وما تصرف منها والأصل فيه الطريقة والسيرة

“সূন্নাহ এবং এ শব্দ থেকে গঠিত অন্যান্য শব্দের মূল অর্থ হলো রীতি-পদ্ধতি ও জীবন-চরিত”।^৩ মূলত: (السنة) শব্দটি (الطريقة) এবং (السيرة) এর প্রতি শব্দ। যার অর্থ রীতি পদ্ধতি। ইসলামী শরী‘আতে ব্যবহারের দিক থেকে সূন্নাহ শব্দের দু’ধরনের প্রয়োগ লক্ষ্য করা যায়।

ক. সূন্নাহ শব্দের প্রথম প্রয়োগ হলো রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর সকল প্রকার নির্দেশ, কথা, কাজ, অনুমোদন - এক কথায় তাঁর সামগ্রিক জীবনাদর্শ অর্থে। এছাড়া সাহাবায়ে কিরামের আদর্শ ও কর্মকেও সূন্নাহ বলা হয়। সাহাবী এবং তাবি‘ঈগণের যুগে সূন্নাহ দ্বারা এ অর্থই বুঝানো হতো।

খ. সূন্নাহ শব্দের দ্বিতীয় ও প্রচলিত অর্থ হলো - ইসলামী শরী‘আতে যে সকল কাজ ফারয ও ওয়াজিব নয় তবে তা ভালো কাজ হিসেবে মহানবী (সাল্লাল্লাহু ‘আলাইহি ওয়া সাল্লাম) করেছেন, উম্মাতের জন্য তা করা উত্তম এমন কাজকে সূন্নাহ বলা হয়। দ্বিতীয় শতাব্দি ও তৎপরবর্তীকালের ফকীহগণ সূন্নাহর এ অর্থ গ্রহণ করেছেন; এ দু’অর্থের মধ্যে মূলত: কোন বৈপরীত্ব নেই। প্রথম অর্থে রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর সামগ্রিক জীবনাদর্শকে সূন্নাহ বলা হয়েছে। আর দ্বিতীয় অর্থে তাঁর সামগ্রিক কর্মকাণ্ডের একটি পর্যায়কে সূন্নাহ^৪

১. ইবনুল মানযুর, লিসানুল আরব, বৈরুত: দারু ইহইয়াউত্ তুরাইল আরাবী, ২য় সংস্করণ, ১৯৯৩ ইং, ৬ষ্ঠ খণ্ড, পৃষ্ঠা-৩৯৯।
২. আবদা‘ আলী মিহাননা, লিসানুললিসান, বৈরুত: দারুল কুতুব আল ইলমিয়াহ, ১ম সংস্করণ, ১৯৯৩ইং, ১ম খণ্ড, পৃষ্ঠা-৬৩২।
৩. লিসানুল আরব, ১৩শ খণ্ড, পৃষ্ঠা - ২২০।
৪. বর্তমান সময়ে অনেকে মহানবী সাল্লাল্লাহু ‘আলাইহি ওয়া সাল্লামের ব্যবহৃত পোশাক-পরিচ্ছদকে সূন্নাহ বলে থাকেন। যেমন - লম্বা গোলজামা, পাগড়ী ও চুপি ব্যবহার করা ইত্যাদি। এগুলো

আস্ সূন্নাহর অপরিহার্যতা ❖ ৮

নাম দেয়া হয়েছে।

আল কুরআনুল কারীমে সুন্নাহ শব্দের ব্যবহার:

আল কুরআনুল কারীমে ১১টি আয়াতে سنة শব্দটি ১৪ বার এবং سنن শব্দটি ২বার এসেছে। এসকল আয়াতে سنة বিভিন্ন অর্থে ব্যবহৃত হয়েছে। যেমন:

قَدْ خَلَتْ مِنْ قَبْلِكُمْ سُنَنٌ فَسِيرُوا فِي الْأَرْضِ فَانظُرُوا كَيْفَ كَانَ عَاقِبَةُ
الْمُكَذِّبِينَ

“তোমাদের পূর্বে বহু বিধান ব্যবস্থা গত হয়েছে, সুতরাং তোমরা পৃথিবী ভ্রমণ কর এবং দেখ মিথ্যাবাদীদের কি পরিণাম”।^৬ এ আয়াতে সুন্নাহ বিধি-বিধানের অর্থে ব্যবহার করা হয়েছে।

يُرِيدُ اللَّهُ لِيُبينَ لَكُمْ وَيَهْدِيَكُمْ سُنَنَ الَّذِينَ مِنْ قَبْلِكُمْ وَيَتُوبَ عَلَيْكُمْ وَاللَّهُ عَلِيمٌ حَكِيمٌ

“আল্লাহ তা‘আলা তোমাদের নিকট তোমাদের পূর্ববর্তীদের রীতি-নীতি বিশদভাবে বর্ণনা করে তোমাদেরকে অবহিত করতে এবং তোমাদেরকে ক্ষমা করে দিতে চান। আল্লাহ মহা জ্ঞানী, পরম প্রাজ্ঞ”।^৭ এ আয়াতে সুন্নাহ রীতি-নীতি অর্থে ব্যবহার করা হয়েছে।

قُلْ لِلَّذِينَ كَفَرُوا إِنْ يَنْتَهُوا يُغْفَرْ لَهُمْ مَا قَدْ سَلَفَ وَإِنْ يَعُودُوا فَقَدْ مَضَتْ سُنَّتُهُ
الْأُولَىٰ ۝

“যারা কুফরী করে তাদেরকে বল, যদি তারা বিরত হয় তাহলে তাদের অতীতে যা হয়েছে আল্লাহ তা ক্ষমা করবেন। আর যদি তারা অন্যায়ের পুনরাবৃত্তি করে তাহলে পূর্ববর্তীদের দৃষ্টান্ত তো রয়েছে”।^৮ এ আয়াতে সুন্নাহ দৃষ্টান্ত অর্থে ব্যবহার করা হয়েছে।

মূলত: কোন গুরুত্বপূর্ণ বিষয় নয়। কেউ যদি মহানবী সাল্লাল্লাহু ‘আলাইহি ওয়া সাল্লামের-প্রতি মুহাব্বাত করে এগুলো ব্যবহার করেন তাহলে তার প্রতিদান তিনি আল্লাহর কাছে পাবেন। তবে শর্ত হলো তাকে মহানবী সাল্লাল্লাহু ‘আলাইহি ওয়া সাল্লামের সামগ্রিক জীবনাদর্শের অনুসারী হতে হবে

৫. সূরা আলে ‘ইমরান : ১৩৭

৬. সূরা আন নিসা : ২৬

৭. সূরা আল আনফাল : ৩৮

আস সুন্নাহর অপরিহার্যতা ❖ ৯

كَذَلِكَ نَسُلكُهُ فِي قُلُوبِ الْمُجْرِمِينَ . لَا يُؤْمِنُونَ بِهِ وَقَدْ خَلَتْ سُنَّةُ الْأَوَّلِينَ

“তারা কুরআনের প্রতি ঈমান আনবেনা এবং অতীতে পূর্ববর্তীদেরও এ আচরণ ছিল। এভাবেই আমি অপরাধীদের অন্তরে তা (বিক্রম প্রবণতা) সঞ্চার করি”^৮ এ আয়াতে সুন্নাহ আচরণ অর্থে ব্যবহার করা হয়েছে।

سُنَّةٌ مِّنْ قَدْ أَرْسَلْنَا قَبْلَكَ مِنْ رُّسُلِنَا وَلَا تَجِدُ لِسُنَّتِنَا تَحْوِيلًا

“আমার রাসূলগণের মধ্যে তোমার পূর্বে যাদেরকে পাঠিয়েছিলাম তাদের ক্ষেত্রেও ছিল একরূপ নিয়ম, আর তুমি আমার নিয়মে কোন পরিবর্তন পাবেনা”^৯ এ আয়াতে সুন্নাহ নিয়ম-নীতি অর্থে ব্যবহার করা হয়েছে।

وَمَا مَنَعَ النَّاسَ أَنْ يُؤْمِنُوا إِذْ جَاءَهُمُ الْهُدَىٰ وَيَسْتَغْفِرُوا رَبَّهُمْ إِلَّا أَنْ تَأْتِيَهُمْ سُنَّةُ الْأَوَّلِينَ أَوْ يَأْتِيَهُمُ الْعَذَابُ قُبُلًا

“যখন তাদের নিকট পথনির্দেশ আসে তখন তাদের ঈমান আনা এবং তাদের প্রতিপালকের কাছে ক্ষমা প্রার্থনা থেকে বিরত রাখে কেবল এটা যে, তাদের নিকট তাদের পূর্ববর্তীদের বেলায় অনুসৃত (নাফরমানির কারণে ধংস করার) রীতি আসুক অথবা তাদের কাছে সরাসরি আযাব আসুক”^{১০} এ আয়াতে সুন্নাহ নিয়ম-রীতি অর্থে ব্যবহার করা হয়েছে।

مَا كَانَ عَلَى النَّبِيِّ مِنْ حَرَجٍ فِيمَا فَرَضَ اللَّهُ لَهُ سُنَّةَ اللَّهِ فِي الَّذِينَ خَلَوْا مِنْ قَبْلُ
وَكَانَ أَمْرُ اللَّهِ قَدْرًا مُّقَدَّرًا

“আল্লাহ নবীর জন্য যা বিধিসম্মত করেছেন তা করতে তার জন্য কোন বাধা নেই। পূর্বে যে সব নবী অতীত হয়ে গেছে তাদের ক্ষেত্রেও এটাই ছিল আল্লাহর বিধান। আল্লাহর বিধান সুনির্ধারিত”^{১১} এ আয়াতে সুন্নাহ বিধান অর্থে ব্যবহার করা হয়েছে।

৮. সূরা আল হিজর : ১২-১৩

৯. সূরা আল ইসরা : ৭৭

১০. সূরা আল কাহফ : ৫৫

১১. সূরা আল আহযাব : ৩৮

سُنَّةَ اللَّهِ فِي الَّذِينَ خَلَوْا مِنْ قَبْلُ وَلَنْ تَجِدَ لِسُنَّةِ اللَّهِ تَبْدِيلًا

“পূর্বে যারা অতীত হয়ে গেছে তাদের ব্যাপারে এটাই ছিল আল্লাহর রীতি। তুমি কখনও আল্লাহর রীতিতে কোন পরিবর্তন পাবেনা”।^{১২} এ আয়াতে সুন্নাহ রীতি অর্থে ব্যবহার করা হয়েছে।

উল্লেখিত আয়াত সমূহে ব্যবহৃত সুন্নাহ শব্দের অর্থের দিকে লক্ষ্য করলে দেখা যায়, কুরআনুল কারীমে সুন্নাহ শব্দটি অধিকাংশ ক্ষেত্রেই রীতি-পদ্ধতি, বিধান ও চিরাচরিত নিয়ম ইত্যাদি অর্থে ব্যবহৃত হয়েছে।

মহানবী (সাল্লাল্লাহু ‘আলাইহি ওয়া সাল্লাম)-এর বাণীতে সুন্নাহ শব্দের ব্যবহার:

মহানবী (সাল্লাল্লাহু ‘আলাইহি ওয়া সাল্লাম)-এর মুখনিসৃত বাণী হাদীছে সুন্নাহ শব্দটি রীতি-পদ্ধতি, পথ-পন্থা, জীবনাদর্শ, রাষ্ট্রীয় বিধি-বিধান ও রাষ্ট্র পরিচালন নীতি ইত্যাদি অর্থে ব্যবহৃত হয়েছে। যেমন:-

রাসূলুল্লাহ (সাল্লাল্লাহু ‘আলাইহি ওয়া সাল্লাম) বলেছেন :

مَنْ سَنَّ فِي الْإِسْلَامِ سُنَّةً حَسَنَةً فَعَمِلَ بِهَا بَعْدَهُ كُتِبَ لَهُ مِثْلُ أَجْرِ مَنْ عَمِلَ بِهَا
وَلَا يَنْقُصُ مِنْ أَجْرِهِمْ شَيْءٌ وَمَنْ سَنَّ فِي الْإِسْلَامِ سُنَّةً سَيِّئَةً فَعَمِلَ بِهَا بَعْدَهُ
كُتِبَ عَلَيْهِ مِثْلُ وِزْرِ مَنْ عَمِلَ بِهَا وَلَا يَنْقُصُ مِنْ أَوْزَارِهِمْ شَيْءٌ

“যে ব্যক্তি ইসলামে কোন ভালো রীতি-পদ্ধতি চালু করবে পরবর্তীতে তার ওপরে আমল করা হলে যারা তার ওপর আমল করবে তাদের সমপরিমাণ প্রতিদান তাকেও দেয়া হবে। অথচ তাদের প্রতিদান থেকে কিছুই কমানো হবেনা। আর যে ব্যক্তি ইসলামে কোন খারাপ রীতি-পদ্ধতি চালু করবে পরবর্তীতে তার ওপর আমল করা হলে যারা তার ওপর আমল করবে তাদের সমপরিমাণ পাপ তাকেও দেয়া হবে, অথচ তাদের পাপের বোঝা সামান্য পরিমাণও কম করা হবেনা”।^{১৩}

রাসূলুল্লাহ (সাল্লাল্লাহু ‘আলাইহি ওয়া সাল্লাম) অপর এক হাদীছে বলেছেন :

لَتَتَّبِعَنَّ سُنَنَ مَنْ قَبْلَكُمْ شَبْرًا بِشِيرٍ وَذِرَاعًا بِذِرَاعٍ حَتَّىٰ لَوْ سَلَكَوْا جُحْرَ صَبٍّ
سَلَكَتُمْوَهُ

১২. সূরা আল আহযাব : ৬২

১৩. সহীহ মুসলিম, আল মাকতাবাতুশ শামিলাহ ,২য় সংস্করণ, বাবু মান সান্না সুন্নাতান হাসানাভান, হাদীছ নং ৪৮৩০

“তোমরা অবশ্যই তোমাদের পূর্ববর্তীদের রীতি-পদ্ধতির ছবছ অনুকরণ করবে- এমনকি তারা এক বিঘৎ পরিমাণ করলে তোমরাও এক বিঘৎ করবে, তারা এক হাত পরিমাণ করলে তোমরাও এক হাত পরিমাণ করবে। এমনকি তারা যদি গুইসাপের গর্তে প্রবেশ করে তাহলে তোমরাও তাতে প্রবেশ করবে।”^{১৪}

উল্লেখিত হাদীছ দুটিতে সুন্নাহ শব্দটি রীতি, পদ্ধতি, পথ ও পন্থা অর্থে ব্যবহৃত হয়েছে।

রাসূলুল্লাহ (সাল্লাল্লাহু ‘আলাইহি ওয়া সাল্লাম) অপর এক হাদীছে বলেছেন :

تَرَكْتُ فِيكُمْ أَمْرَيْنِ لَنْ تَضِلُّوا مَا تَمَسَّكْتُمْ بِهِمَا كِتَابَ اللَّهِ وَسُنَّةَ نَبِيِّهِ

“আমি তোমাদের মাঝে দু’টি জিনিস রেখে গেলাম, যা আঁকড়ে ধরে থাকলে তোমরা কখনো পথভ্রষ্ট হবেনা। একটি হলো আল্লাহর কিতাব অপরটি হলো তাঁর নবীর সুন্নাহ”^{১৫} এ হাদীছে সুন্নাহ শব্দটি রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর বাণী ও কর্ম অর্থে ব্যবহৃত হয়েছে।

রাসূলুল্লাহ (সাল্লাল্লাহু ‘আলাইহি ওয়া সাল্লাম) অপর এক হাদীছে বলেছেন :

النَّكَاحُ مِنْ سُنَّتِي، فَمَنْ لَمْ يَعْمَلْ بِسُنَّتِي فَلَيْسَ مِنِّي

“বিয়ে আমার সুন্নাহ (আদর্শ)। সুতরাং যে আমার এ সুন্নাহর উপর আমল করবেনা সে আমার উম্মাহর অন্তর্ভুক্ত নয়”^{১৬} এ হাদীছে সুন্নাহ শব্দটি রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর জীবনাদর্শ অর্থে ব্যবহৃত হয়েছে।

অপর এক হাদীছে সুন্নাহ শব্দটি রাষ্ট্র পরিচালন নীতি ও রাষ্ট্রীয় বিধি-বিধান অর্থে ব্যবহৃত হয়েছে। যেমন রাসূলুল্লাহ (সাল্লাল্লাহু ‘আলাইহি ওয়া সাল্লাম) বলেছেন:

أَوْصِيَكُمْ بِتَقْوَى اللَّهِ وَالسَّمْعِ وَالطَّاعَةِ وَإِنْ عَبْدًا حَبَشِيًّا فَإِنَّهُ مِنْ يَعِشُ مِنْكُمْ بَعْدِي فَسِيرَى اخْتِلَافًا كَثِيرًا فَعَلَيْكُمْ بِسُنَّتِي وَسُنَّةِ الْخُلَفَاءِ الْمَهْدِيِّينَ الرَّاشِدِينَ تَمَسَّكُوا بِهَا وَعَضُّوا عَلَيْهَا بِالنَّوَاجِذِ

১৪. সহীহ আল বুখারী, বাবু মা যুকিরু ‘আন বানি ইসরাইল, হাদীছ নং ৩১৯৭

১৫. ইমাম মালিক আলমুয়াত্তা, ৫ম খণ্ড, পৃষ্ঠা- ২৩১৩, হাদীছ নং-৩৩৩৮।

১৬. সুনানু ইবন মাজাহ, ১ম খণ্ড, পৃষ্ঠা-৫৯২, হাদীছ নং- ১৮৪৬।

“আমি তোমাদের আল্লাহকে ভয় করার নির্দেশ দিচ্ছি। যদি হাবশী গোলামও তোমাদের নেতৃত্বে থাকে তোমাদের কর্তব্য শোনা ও আনুগত্য করা। আমার পর তোমাদের মধ্য থেকে যারা বেঁচে থাকবে তারা অনেক মতভেদ দেখতে পাবে। তখন তোমাদের অবশ্য করণীয় হবে আমার এবং খুলাফায়ে রাশেদীনের সুন্নাহর অনুসরণ করা। তা দাঁতে কামড়ে ধরার মত শক্তভাবে আঁকড়ে ধরবে”।^{১৭}

এ হাদীছে সুন্নাহ বলতে রাসূলুল্লাহ (সাল্লাল্লাহু ‘আলাইহি ওয়া সাল্লাম) ও খুলাফায়ে রাশিদীনের রাষ্ট্রপরিচালনা নীতিকেই বুঝানো হয়েছে। কারণ রাসূলুল্লাহ (সাল্লাল্লাহু ‘আলাইহি ওয়া সাল্লাম) এখানে কেবল খুলাফায়ে রাশিদীনের সুন্নাহ অনুসরণের কথা বলেছেন, অন্য সকল সাহাবীর সুন্নাহ অনুসরণের কথা বলেননি। এথেকে বুঝা যায়, এখানে খুলাফায়ে রাশিদীনের এমন কোন সুন্নাহর কথা বলা হচ্ছে যা অন্য কোন সাহাবীর নেই। সুতরাং নির্দিষ্ট বলা যায় যে, খুলাফায়ে রাশিদীনের সেই বিশেষ সুন্নাহ হলো তাঁদের রাষ্ট্রনীতি ও রাষ্ট্র পরিচালন পদ্ধতি। অতএব হাদীছটির অর্থ হবে: তখন তোমাদের করণীয় হবে আমার এবং খুলাফায়ে রাশিদীনের রাষ্ট্রনীতি ও পরিচালন পদ্ধতি অনুসরণ করা।^{১৮}

সুন্নাহ শব্দটি ইসলাম পূর্ব যুগে সাধারণত: আদর্শ ও নীতিভিত্তিক সামাজিক প্রথা ও সর্বসম্মত রীতি বা প্রণালী অর্থে ব্যবহৃত হ’ত। উপর্যুক্ত আলোচনা থেকে আমরা এ সিদ্ধান্তে আসতে পারি যে, সুন্নাহ শব্দটি আভিধানিক ভাবে আদর্শ, আচরণ, নজির, পদ্ধতি ইত্যাদি অর্থে ব্যবহৃত হয়। তবে ইসলাম এ শব্দটিকে আভিধানিক অর্থে ব্যবহার করলেও পরবর্তীতে শুধুমাত্র রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর রীতি-পদ্ধতি ও জীবনাদর্শ অর্থেই বিশেষ ভাবে ব্যবহার করেছে।

পারিভাষিক অর্থ :

সুন্নাহর পারিভাষিক অর্থের ব্যাপারে হাদীছবিদ ও ফিক্‌হবিদগণের মধ্যে কিছুটা মতপার্থক্য পরিলক্ষিত হয়। প্রত্যেক দলই নিজেদের অধ্যয়নের বিষয় ও লক্ষ্য-উদ্দেশ্য অনুযায়ী সুন্নাহর অর্থ নির্ধারণের চেষ্টা করেছেন।

১৭. সুনানু আবি দাউদ, বাব ফী লুযুমিস্‌সুন্নাহ, ৪র্থ খণ্ড, পৃষ্ঠা-৩২৯, হাদীছ নং- ৪৬০৯।

১৮. ড. মুহাম্মদ আবদুল মাবুদ, সুন্নাতু রাসূলিল্লাহ (সা), ঢাকা: বাংলাদেশ ইসলামিক সেন্টার, ১ম সংস্করণ, পৃষ্ঠা-১৫।

মুহাদ্দিছগণের পরিভাষায় সুন্নাহ হলো :

كل ما أثر عن النبي صلى الله عليه وسلم من قول أو فعل أو تقرير أو وصفة خلقية أو خلقية أو سرية —سواء كان ذلك قبل البعثة أو بعدها

রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর নবুওয়াত পূর্ব অথবা পরবর্তী জীবনের কোন কথা, কাজ, মৌন সমর্থন, দৈহিক গঠন প্রকৃতি, নৈতিক গুণাবলী ও জীবন চরিত সম্পর্কে যা কিছু বর্ণিত হয়েছে তাই সুন্নাহ।^{১৯} মুহাদ্দিছগণের এরূপ সংগা দেয়ার কারণ হলো তাঁরা তাঁর জীবনের সকল দিক সম্পর্কেই অনুসন্ধান করেন। কেননা আল্লাহ তা‘আলা বলেছেন রাসূলুল্লাহর পূর্ণ জীবনই আমাদের জন্য অনুকরণীয় আদর্শ।^{২০} এজন্য নবুওয়াতের পূর্ববর্তী ও পরবর্তী সকল কিছুই এমনকি তাঁর দৈহিক গঠন প্রকৃতিও সুন্নাহর অন্তর্ভুক্ত। তা দ্বারা কোন শর‘ঈ বিধান প্রতিষ্ঠিত হোক বা না হোক। মহানবী (সাল্লাল্লাহু ‘আলাইহি ওয়া সাল্লাম)-এর নবুওয়াত পূর্ববর্তী সংগুণাবলীও সুন্নাহ। যেমন- উস্মুল মু‘মিনীন খাদিজা (রা) এর উক্তি-

فَقَالَتْ خَدِيجَةٌ كَلَّا وَاللَّهِ مَا يَخْزِيكَ اللَّهُ أَبَدًا إِنَّكَ لَتَصِلُ الرَّحِمَ وَتَحْمِلُ الْكَلَّ وَتَكْسِبُ الْمَدْمُومَ وَتَقْرِي الضَّيْفَ وَتَعِينُ عَلَى نَوَائِبِ الْحَقِّ

“খাদিজা (রা) বললেন, না! আল্লাহর কসম! আল্লাহ আপনাকে অপমান করবেননা। কেননা আপনি আত্মীয়তার হক আদায় করেন, অপরের ক্লাস্তি দূর করেন, বস্ত্রহীনকে বস্ত্র দান করেন, মেহমানের মেহমানদারী করেন এবং বিপদগ্রস্ত ব্যক্তির সাহায্য করেন।”^{২১}

মহানবী (সাল্লাল্লাহু ‘আলাইহি ওয়া সাল্লাম)-এর এ সকল গুণ তাঁর নবুওয়াত প্রাপ্তির পূর্বের জীবনের। এ সকল গুণও সুন্নাহর অন্তর্ভুক্ত যা ঈমানদারদের পালন করা আবশ্যিক।

১৯. ড. মুস্তফা আস-সিব্বানী, আস-সুন্নাহ ওয়া মাকানাতুহা ফীত তাশরী‘ আল ইসলামী, কায়রো : দারুস-সালাম, ৩য় সংস্করণ, ২০০৬ ইং, পৃষ্ঠা- ৫৭

২০. আল্লাহ তা‘আলা বলেন-“لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ” নিচয় রাসূলুল্লাহর জীবনের মধ্যে রয়েছে তোমাদের জন্য অনুকরণীয় আদর্শ। সূরা আল আহযাব : ২১

২১. সহীহ আল-বুখারী, প্রথম খণ্ড, পৃষ্ঠা-৪, হাদীস নং- ৩

অনেকের মতে এ অর্থে সুন্নাহ হাদীছের সমার্থক। মুহাদ্দিছগণের মতে সুন্নাহ, হাদীছ, খবর এবং আছার সমার্থবোধক।

উছুলবিদদের পরিভাষায় সুন্নাহ হলো :

كل ما صدر عن الرسول صلى الله عليه وسلم من قول أو فعل أو تقرير

রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর কথা অথবা কাজ অথবা মৌন সমর্থন সম্পর্কে যা কিছু বর্ণিত হয়েছে তাই সুন্নাহ।^{২২}

কথার দৃষ্টান্ত হলো : বিভিন্ন সময়ে বিভিন্ন উপলক্ষে রাসূলুল্লাহ (সাল্লাল্লাহু ‘আলাইহি ওয়া সাল্লাম) বিধি-বিধান সম্বলিত যে সকল কথা বলেছেন। যেমন :
إِنَّمَا الْأَعْمَالُ بِالنِّيَّاتِ “সকল কর্মের ভিত্তি হলো নিয়্যাত”।^{২৩}

البيعان بالخيار ما لم يتفرقا

“ক্রেতা-বিক্রেতা যতক্ষণ পর্যন্ত ক্রয়-বিক্রয়ের স্থান ত্যাগ না করবে ততক্ষণ উভয়ের ক্রয়-বিক্রয় চুক্তি বহাল রাখা বা না রাখার ইখতিয়ার আছে”।^{২৪}

কাজের দৃষ্টান্ত হলো : সাহাবায়ে কিরাম রাদিয়াল্লাহু তা‘আলা ‘আনহুম রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর ‘ইবাদাত বন্দেগী তথা সালাত, সাওম, হাজ্জ, বিচার কার্য ইত্যাদি সম্পর্কে যা কিছু বর্ণনা করেছেন।

মৌন সমর্থনের দৃষ্টান্ত হলো : রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর সামনে অথবা তাঁর জ্বাতসারে কোন সাহাবী কোন কাজ করেছেন কিন্তু রাসূলুল্লাহ (সাল্লাল্লাহু ‘আলাইহি ওয়া সাল্লাম) চুপ থেকেছেন। এতে তাঁর সম্মতি আছে তা বুঝা গেছে। অথবা তার প্রতি তিনি সরাসরি সমর্থন প্রকাশ করেছেন। যেমন :-
বনী কুরাইযার যুদ্ধের সময় রাসূলুল্লাহ (সাল্লাল্লাহু ‘আলাইহি ওয়া সাল্লাম) সাহাবায়ে কিরামকে বললেন -

لا يصلين أحد العصر إلا في بني قريظة “তোমাদের কেউই বানু কুরাইযাহ ছাড়া আসরের নামায় আদায় করবেনা”।^{২৫}

সাহাবায়ে কিরামের অনেকেই মনে করলেন এ নিষেধাজ্ঞা আক্ষরিক অর্থেই।

২২. ড. ওহবাহ আযযুহাইলী, উছুলুল ফিকহিল ইসলামী, দামেশক : দারুল ফিক্কা, ৩য় সংস্করণ, ২০০৫ইং, পৃষ্ঠা-৪৩২

২৩. সহীহ আল-বুখারী, ১ম খণ্ড, পৃষ্ঠা-৩

২৪. সহীহ আল-বুখারী, ২য় খণ্ড, পৃষ্ঠা-৭৩২

২৫. সহীহ আল-বুখারী, ১ম খণ্ড, পৃষ্ঠা-৩২১

সুতরাং তাঁরা যথাসময়ে আসরের নামায আদায় না করে বানু কুরাইযায় পৌঁছে মাগরিবের পর আসর আদায় করলেন। অপর সাহাবীগণ এ কথার অর্থ এই বুঝলেন যে, যথাসম্ভব দ্রুত সেখানে পৌঁছতে বলেছেন। তাই তাঁরা যথাসময়ে আসরের সালাত আদায় করেন এবং দ্রুত বানু কুরাইযায় পৌঁছেন। রাসূলুল্লাহ (সাল্লাল্লাহু ‘আলাইহি ওয়া সাল্লাম) উভয় দলের কর্মকাণ্ড সম্পর্কে অবগত হন। কারো কর্মই প্রত্যাখ্যান করেননি বরং মৌনতা অবলম্বনের মাধ্যমে উভয় দলের কর্মেরই স্বীকৃতি দান করেন।^{২৬}

উছুলবিদগণের মতে এমন কিছুকেও সূন্নাহ বলা হয় যা কোন শর’ঈ দলীল দ্বারা প্রমাণিত। সে দলীল আল-কুরআন হোক অথবা রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর কোন বাণী বা কর্ম হোক অথবা তা হোক কোন সাহাবীর ইজতিহাদ। যেমন; আল-কুরআন মাসহাফে একত্রিকরণ, একই নিয়মে মানুষকে কুরআন পাঠের জন্য ঐক্যবদ্ধ করণ, বিভিন্ন দিওয়ান প্রতিষ্ঠা করা ইত্যাদি। উপরোক্ত সবকিছুই সূন্নাহর অন্তর্ভুক্ত। এর বিপরীত শব্দ হলো বিদ’আত (البدعة)। এ প্রসঙ্গে রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর বাণী :

فعلیکم بسنتی وسنة الخلفاء الراشدين المهديين

“আমার সূন্নাহ ও খুলাফা-ই-রাশিদীনের সূন্নাহ অনুসরণ করা তোমাদের জন্য আবশ্যিক”।^{২৭}

ফিকহবিদগণের মতে সূন্নাহ:

আর ফকীহদের মতে রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর মাধ্যমে ফরয ও ওয়াজিব ছাড়া অন্য যা কিছু প্রমাণিত ও প্রতিষ্ঠিত হয়েছে তাই সূন্নাহ। আর তাঁদের নিকট এর বিপরীত শব্দ হলো আল-বিদ’আহ। যেমন : তাঁরা বলেন : سُنَّاتٌ تَالَاكُ اَمَنٌ، وَبِدْعَةٌ كُذَابٌ - সূন্নাত তালাক এমন, বিদ’আত তালাক এমন। অর্থাৎ রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর বর্ণিত নিয়ম অনুযায়ী প্রদত্ত তালাক হলো সূন্নাত তালাক, আর এর বিপরীতটি হলো বিদ’আত তালাক।

সূন্নাহর পারিভাষিক অর্থে এই ভিন্নতা ‘আলিম ব্যক্তিদের প্রতিটি দলের উদ্দেশ্য ও লক্ষ্যের ভিন্নতার কারণে হয়েছে। হাদীছ বিশারদগণ রাসূল (সাল্লাল্লাহু ‘আলাইহি ওয়া সাল্লাম)-কে একজন নেতা, সত্যপথের দিশারী, যাকে আল্লাহ রাসূল

২৬. ড. মুত্তাফা আস-সিবাসী, প্রাণ্ড, পৃষ্ঠা-৫৭

২৭. সুনানুত তিরমিযী, ৫ম খণ্ড, পৃষ্ঠা- ৪৪, হাদিছ নং- ২৬৭৬

‘আলামীন মানব জাতির জন্য উত্তম আদর্শ বলে ঘোষণা করেছেন, সে হিসেবেই তাঁর জীবন-ইতিহাস অনুসন্ধান ও গবেষণা করেন। সুতরাং তাঁরা তাঁর জীবনী, দৈহিক গঠন, চরিত্র, নৈতিক গুণাবলী, কথা, কাজ ইত্যাদি বর্ণনা করেন। এসব কিছু কোন শর’ঈ হুকুম প্রমাণ করুক বা না করুক।

আর রাসূল (সাল্লাল্লাহু ‘আলাইহি ওয়া সাল্লাম)-কে একজন বিধানদাতা, যিনি পরবর্তী কালের মুজতাহিদগণের জন্য মূলনীতির প্রতিষ্ঠাতা এবং মানব জীবনের সংবিধান প্রদানকারী হিসেবে বিবেচনা করেছেন। সুতরাং তাঁরা রাসূল (সাল্লাল্লাহু ‘আলাইহি ওয়া সাল্লাম)-এর এমন সকল কথা, কাজ ও মৌন সমর্থন বর্ণনা ও গবেষণার প্রতি গুরুত্ব প্রদান করেন যা দ্বারা শরী’আতের কোন বিধান প্রতিষ্ঠিত হয়।

আর ফিক্‌হবিদগণ রাসূলুল্লাহ (সাল্লাল্লাহু ‘আলাইহি ওয়া সাল্লাম) সম্পর্কে এভাবে বিবেচনা করেছেন যে, তাঁর কোন কাজই যে কোন শর’ঈ হুকুম প্রতিষ্ঠা ও প্রমাণ থেকে বাইরে নয়। তাঁরা বান্দার কাজের ব্যাপারে শর’ঈ হুকুমকে ওয়াজিব, হারাম, মুবাহ, মাকরুহ ইত্যাদি হিসেবে বিবেচনা করেন।^{২৮}

আবার ফকীহগণের মাযহাবের ভিন্নতার কারণে সুন্নাহর সংগার মধ্যেও কিছুটা তারতম্য পরিলক্ষিত হয়। যেমন: হানাফী ফকীহগণের মতে রাসূলুল্লাহ (সাল্লাল্লাহু ‘আলাইহি ওয়া সাল্লাম) যে সকল কাজ সর্বদাই করেছেন, তবে বিনা কারণে কখনো কখনো ছেড়ে দিয়েছেন এমন কাজকে সুন্নাহ বলা হয়।

অধিকাংশ শাফি’ঈ ফকীহগণের মতে সুন্নাহ হলো মুস্তাহাব, মানদুব, নফল ইত্যাদী শব্দের সমার্থবোধক শব্দ।

মালিকী এবং হাম্বলী ফকীহগণের মতে ঐ সকল কর্ম-কাণ্ডকে সুন্নাহ বলে, যা পালন করলে সাওয়াব হয়। কিন্তু পালন না করলে কোন গুনাহ হয়না।^{২৯}

হাদীছবিদ, উছুলবিদ ও ফিক্‌হবিদগণ নিজ নিজ অধ্যয়নের বিষয় ও লক্ষ্য-উদ্দেশ্য অনুযায়ী সুন্নাহর অর্থ নির্ধারণের চেষ্টা করেছেন। ফলে সুন্নাহর পারিভাষিক অর্থের ব্যাপারে তাঁদের মধ্যে কিছুটা মতপার্থক্য পরিলক্ষিত হয়। তবে প্রকৃত অর্থে তাঁরা এ ব্যাপারে একমত যে, সুন্নাহ হলো মহানবী (সাল্লাল্লাহু ‘আলাইহি ওয়া সাল্লাম)-এর অনুসৃত অনুকরণীয় পথ।

২৮. ড. মুহাম্মদ আবদুল মা’বুদ, প্রাণ্ডক্ত, পৃষ্ঠা-১৮

২৯. ড. মুহাম্মাদ রুহুল আমিন, আস-সুন্নাহ ওয়া ‘আলাকাভুহা বিল কুরআনিল কারীম, ঢাকা : মা’হাদ বাংলাদেশ লিটফিকরিল ইসলামী, ১ম সংস্করণ, ২০০৮ইং, পৃষ্ঠা-৩৩

মূলত: সুন্নাহ হলো সেই উচ্চতর আইন যা সর্বোচ্চ বিধানদাতার (অর্থাৎ আল্লাহ তা'আলার) মর্জি ও ইচ্ছার প্রতিনিধিত্ব করে। এই বিধান মুহাম্মাদ (সাল্লাল্লাহু 'আলাইহি ওয়া সাল্লাম) থেকে আমাদের নিকট দুইটি মাধ্যমে পৌঁছেছে। এক, কুরআন মজীদ যা অক্ষরে অক্ষরে মহান আল্লাহর বিধান ও তাঁর হিদায়াতের সমষ্টি। দুই, মুহাম্মাদ (সাল্লাল্লাহু 'আলাইহি ওয়া সাল্লাম) এর উসওয়া-ই হাসানা (অনুসরণীয় উত্তম আদর্শ), অথবা তাঁর সুন্নাত যা কুরআন মজীদের উদ্দেশ্যের ব্যাখ্যা বিশ্লেষণ করে। মুহাম্মাদ (সাল্লাল্লাহু 'আলাইহি ওয়া সাল্লাম) শুধুমাত্র আল্লাহর পত্রবাহকই ছিলেন না যে, তাঁর কিতাব পৌঁছে দেয়া ব্যতীত তাঁর আর কোন দায়িত্ব ছিলনা, বরং তিনি তাঁর মনোনীত পথপ্রদর্শক, আইনপ্রণেতা ও শিক্ষকও ছিলেন। তাঁর দায়িত্ব ছিল কানুনে ইলাহীর ব্যাখ্যা প্রদান করা, তার সঠিক উদ্দেশ্য বুঝিয়ে দেয়া, তার উদ্দেশ্য অনুযায়ী লোকদের প্রশিক্ষণ দেয়া। অতপর প্রশিক্ষণপ্রাপ্ত লোকদের সমন্বয়ে একটি সুসংগঠিত জামা'আতের রূপ দান করে সমাজের সংশোধন ও সংস্কারের উদ্দেশ্যে প্রচেষ্টা চালানো। অতপর এই সংশোধিত সমাজকে একটি সং ও সংশোধনকারী রাষ্ট্রের রূপ দান করে দেখিয়ে দেয়া যে, ইসলামের আদর্শ ও নীতিমালার উপর একটি পূর্ণাঙ্গ সভ্যতা কিভাবে প্রতিষ্ঠিত হয়। মহানবী (সাল্লাল্লাহু 'আলাইহি ওয়া সাল্লাম)-এর এই সমগ্র কাজই হচ্ছে সুন্নাত যা তিনি তেইশ বছরের নবুওয়াতী জীবনে আঞ্জাম দিয়েছেন। তাঁর এই সুন্নাত কুরআনের সাথে মিলিত হয়ে সর্বোচ্চ আইন প্রণেতার উচ্চতর আইনের রূপায়ন ও পূর্ণতা বিধান করে। আর ইসলামী পরিভাষায় এই উচ্চতর আইনের নাম শরীয়াত।^{৩০}

আল-কুরআন ও আস্ সুন্নাহর মধ্যে পার্থক্য

সুন্নাহ ও কুরআনের মধ্যে পার্থক্য নির্ণয়ের পূর্বে কুরআনের পরিচিতি দেয়া প্রয়োজন। কুরআনের পরিচিতি সম্পর্কে আল্লাহ তা'আলা বলেন-

وَإِنَّهُ لَتَنْزِيلُ رَبِّ الْعَالَمِينَ. نَزَلَ بِهِ الرُّوحُ الْأَمِينُ. عَلَى قَلْبِكَ لِتَكُونَ مِنَ الْمُنذِرِينَ. بِلِسَانٍ عَرَبِيٍّ مُبِينٍ.

“আর নিশ্চয় এ কুরআন জগতসমূহের রবেরই নাযিলকৃত। বিশ্বস্ত আত্মা

৩০. সাইয়েদ আবুলআ'লা মওদুদী, সুন্নাতে রাসূলের আইনগত মর্বাদা, ঢাকা : শতাব্দী প্রকাশনী, ৩য় সংস্করণ, ২০০৪ ইং, পৃষ্ঠা-৩২

জিবরীল এটা নিয়ে অবতরণ করেছে। তোমার হৃদয়ে, যাতে তুমি সতর্ককারীদের অন্তর্ভুক্ত হও। এটা নাযিল করা হয়েছে সুস্পষ্ট আরবী ভাষায়”।^{৩১}

পবিত্র কুরআনের বর্ণনা অনুযায়ী এক কথায় কুরআনের সংগা এভাবে দেয়া যেতে পারে-

القرآن هو الكتاب المنزل من الله تعالى على محمد صلى الله عليه وسلم
بواسطة جبريل الأمين بلسان عربي مبين

আল কুরআন হলো সেই মহাগ্রন্থ যা আল্লাহ তা‘আলার পক্ষ থেকে মুহাম্মাদ (সাল্লাল্লাহু ‘আলাইহি ওয়া সাল্লাম)-এর প্রতি জিবরীল আমীনের মাধ্যমে আরবী ভাষায় নাযিল করা হয়েছে।

আল-কুরআন ও আস্ সুন্নাহর মধ্যে পার্থক্য নিম্নরূপ:

১. আল-কুরআনুল কারীম ওহী মাতলু - যা তিলাওয়াত করা হয় এবং ছালাতে পাঠ করা হয়। কিন্তু সুন্নাহ ওহী গায়র মাতলু-যা তিলাওয়াত করা হয়না এবং ছালাতে পাঠ করা হয়না।
২. আল-কুরআনুল কারীম শব্দ ও অর্থ সহ মহানবী (সাল্লাল্লাহু ‘আলাইহি ওয়া সাল্লাম)-এর প্রতি নাযিল করা হয়েছে। যার ভাষা, শব্দ, শৈল্পিক রূপ, অলংকারিক সৌন্দর্য সকল কিছুই আরব অনারব সবার জন্য চ্যালেঞ্জ।^{৩২} এটা কিয়ামাত পর্যন্ত স্থায়ী মুজিয়া। কিন্তু সুন্নাহর মূল বক্তব্য আল্লাহর^{৩৩} তবে

৩১. সূরা আশ-শু‘আরা : ১৯২-১৯৫

৩২. আল্লাহ তা‘আলা বলেন-

وَأِنْ كُنْتُمْ فِي رَيْبٍ مِمَّا نَزَّلْنَا عَلَىٰ عَبْدِنَا فَأْتُوا بِسُورَةٍ مِثْلِهِ وَادْعُوا شُهَدَاءَكُمْ مِنْ دُونِ اللَّهِ إِنْ كُنْتُمْ صَادِقِينَ فَإِنْ لَمْ تَفْعَلُوا وَلَنْ تَفْعَلُوا فَاتَّقُوا النَّارَ الَّتِي وَقُودُهَا النَّاسُ وَالْحِجَارَةُ
أَعَدَّتْ لِلْكَافِرِينَ

আমি আমার বান্দার প্রতি যা অবতীর্ণ করেছি তাতে তোমাদের কোন সন্দেহ থাকলে তোমরা এর অনুরূপ কোন সূরা তৈরি করে আন যদি তোমরা সত্যবাদী হও। তবে আল্লাহ ব্যতীত তোমাদের সকল সাহায্যকারীকে আহ্বান কর। যদি তোমরা তৈরি করতে না পার তাহলে কখনও তৈরি করতে পারবেনা। তাহলে সে আঙনকে ভয় কর, মানুষ ও পাথর হবে যার ইন্ধন, যা কাফিরদের জন্য প্রস্তুত করে রাখা হয়েছে। (সূরা আল বাকারাহ : ২৩-২৪)

৩৩. মহানবী (সাল্লাল্লাহু ‘আলাইহি ওয়া সাল্লাম) নিজ থেকে কোন কথা বলেননি। তিনি যা বলতেন সবই অহী। আল্লাহ তা‘আলা বলেন -

وَمَا يَنْطِقُ عَنِ الْهَوَىٰ إِنْ هُوَ إِلَّا وَحْيٌ يُوحَىٰ

ভাষা ও শব্দ মহানবী (সাল্লাল্লাহু ‘আলাইহি ওয়া সাল্লাম)-এর নিজস্ব।

৩. আল-কুরআনের শব্দ ও অর্থ সবই আল্লাহর, পক্ষান্তরে সুন্নাহর শব্দ মুহাম্মাদ (সাল্লাল্লাহু ‘আলাইহি ওয়া সাল্লাম)-এর এবং অর্থ আল্লাহর।^{৪৪}
৪. আল-কুরআন তিলাওয়াত এমন একটি ‘ইবাদাত যার বিনিময়ে আল্লাহ তা‘আলা নির্দিষ্ট পরিমাণ ছাওয়াব প্রদান করবেন।^{৪৫} সালাতে কুরআন তিলাওয়াত বাধ্যতামূলক করা হয়েছে।^{৪৬} পক্ষান্তরে সুন্নাহর তিলাওয়াত ‘ইবাদাত নয় এবং সালাতে সুন্নাহর তিলাওয়াত বিধি সম্মত করা হয়নি।
৫. আল-কুরআন প্রকাশ্য ওহী (الوحي الظاهر)। অর্থাৎ অন্যান্য নবীগণের উপর যেমনভাবে জিবরীল ‘আলাইহিস সালামের মাধ্যমে ওহী নাযিল করা হয়েছিল, আল-কুরআনও তেমনভাবে জিবরীল ‘আলাইহিস সালামের মাধ্যমে মুহাম্মাদ (সাল্লাল্লাহু ‘আলাইহি ওয়া সাল্লাম)-এর উপর নাযিল করা হয়েছে। যেমন আল্লাহ তা‘আলার বাণী :

إِنَّا أَوْحَيْنَا إِلَيْكَ كَمَا أَوْحَيْنَا إِلَى نُوحٍ وَالنَّبِيِّينَ مِنْ بَعْدِهِ

“আমি তোমার কাছে ওহী পাঠিয়েছি ; যেমন ওহী পাঠিয়েছিলাম নুহের কাছে ও তাঁর পরবর্তী নবীদের কাছে।”^{৪৭}

আর সুন্নাহ অপ্রকাশ্য ওহী (الوحي الباطن)। অর্থাৎ জিবরীল ‘আলাইহিস সালামের মাধ্যমে নাযিল করা হয়নি। বরং মহানবী (সাল্লাল্লাহু ‘আলাইহি ওয়া সাল্লাম) আল্লাহর পক্ষ থেকে ইংগিতপ্রাপ্ত হয়ে তা বলতেন। যেমন

“তিনি মনগড়া কোন কথা বলেন না। এ তো অহী যা তাঁর প্রতি প্রত্যাদেশ করা হয়।” (সূরা আন-নাজম : ৩-৪)

৩৪. ইবনুস সালাহ , ‘উলুযুল হাদীছ, দামেশক : দারুল ফিক্কা, ৩য় সংস্করণ, ১৯৮৪ ইং .পৃষ্ঠা- ১৯।

৩৫. রাসূলুল্লাহ (সাল্লাল্লাহু ‘আলাইহি ওয়া সাল্লাম) বলেছেন-

من قرأ حرفاً من كتاب الله فله به حسنة والحسنة بعشر أمثالها لا أقول آلم حرف ولكن ألف حرف ولام حرف وميم حرف

যে ব্যক্তি কিতাবুল্লাহর একটি অক্ষর পাঠ করবে তার জন্য এর বিনিময়ে রয়েছে নেকী। প্রত্যেকটি নেকী দশগুণ করে দেয়া হবে। আমি এ কথা বলিনি যে, আলিফ-লাম-মীম একটি অক্ষর বরং আলিফ একটি অক্ষর, লাম একটি অক্ষর, মীম একটি অক্ষর। (ইমাম তিরমিযি ইবন মাস‘উদ থেকে বর্ণনা করেন। হাদীছ নং-২৯১০)

৩৬. আল্লাহ তা‘আলা বলেন- فَأَقْرءُوا مَا تَمْسُرُونَ مِنَ الْقُرْآنِ সুতরাং কুরআনের যতটুকু পাঠ করা তোমাদের জন্য সহজ ততটুকু পাঠ কর। -সূরা আল-মুযাযিল : ২০

৩৭. সূরা আন-নিসা : ১৬৩

আস সুন্নাহর অপরিহার্যতা ❖ ২০

আল্লাহ তা'আলার বাণীঃ

وَمَا يَنْطِقُ عَنِ الْهَوَىٰ إِنْ هُوَ إِلَّا وَحْيٌ يُوحَىٰ

“তিনি মনগড়া কোন কথা বলেন না। এ তো ওহী যা তাঁর প্রতি প্রত্যাদেশ করা হয়।”^{৩৮}

৬. বিনা অযুতে কুরআন স্পর্শ করা এবং নাপাক অবস্থায় আল-কুরআন তিলাওয়াত করা বৈধ নয়। আল্লাহ তা'আলা বলেন-**لَا يَمَسُّهُ إِلَّا الْمُطَهَّرُونَ** “পবিত্র ব্যক্তি ছাড়া কেউ তা স্পর্শ করতে পারবেনা”। (সূরা আল ওয়াকি'আহ : ৭৯)। কিন্তু সুন্নাহর ব্যাপারে এ ধরনের কোন নির্দেশনা নেই। সুন্নাহ অযু ছাড়াও স্পর্শ করা যায়।
৭. আল-কুরআনের সকল সূরা ও আয়াত মহানবী (সাল্লাল্লাহু 'আলাইহি ওয়া সাল্লাম) তাঁর জীবদ্দশায়ই আল্লাহর নির্দেশে সুবিন্যস্তভাবে লিখার ব্যবস্থা করেন। কিন্তু সুন্নাহ তাঁর জীবদ্দশায় সুবিন্যস্তভাবে লিপিবদ্ধ করার ব্যবস্থা করা হয়নি। বরং কোন কোন সাহাবী বিক্ষিপ্তভাবে কিছু কিছু সুন্নাহ লিখে রাখতেন। কেননা কুরআন ও সুন্নাহ একই সাথে লিপিবদ্ধ করলে উভয়ের মধ্যে সংমিশ্রণ হওয়ার আশংকা ছিল বিধায় মহানবী (সাল্লাল্লাহু 'আলাইহি ওয়া সাল্লাম) তা লিপিবদ্ধ করতে নিষেধ করেছেন। তবে ক্ষেত্র বিশেষে কোন কোন সাহাবীকে সুন্নাহ লিপিবদ্ধ করার অনুমতি দিয়েছেন।
৮. আল-কুরআনের কোন আয়াতই ভাবার্থে বর্ণনা করা হয়নি বরং আল্লাহ তা'আলার নাযিলকৃত শব্দ দ্বারাই তা বর্ণিত হয়েছে। কিন্তু সুন্নাহর বর্ণনার ক্ষেত্রে অনেক জায়গায়ই মহানবী (সাল্লাল্লাহু 'আলাইহি ওয়া সাল্লাম)-এর কথিত শব্দের পরিবর্তে তার ভাবার্থে বর্ণনা করা হয়েছে :

সুন্নাহর গুরুত্ব ও তা অনুসরণের অপরিহার্যতা

ইসলামী শরী'আতের মূল উৎস আল-কুরআন। কেননা সেটি আল্লাহর বাণী, মহান আল্লাহ মানব জাতির হিদায়াতের জন্য, তাদেরকে সিরাতুল মুসতাকীমে পরিচালিত করার জন্য এবং দুনিয়ায় জীবন যাপনের জন্য পথ প্রদর্শক ও আইন বিধান হিসেবে অবতীর্ণ করেছেন। এটি মহানবী (সাল্লাল্লাহু 'আলাইহি ওয়া সাল্লাম) এর উপরে নাযিলকৃত একটি বড় মু'জিয়া। যার প্রতিটি শব্দ, বাক্য এমনকি প্রতিটি বর্ণও অবিকৃত অবস্থায় সংরক্ষিত আছে। এটি অবিকৃত অবস্থায়

৩৮. সূরা আন-নাজম : ৩-৪

সংরক্ষণের দায়িত্ব আল্লাহ তা'আলা নিজেই গ্রহণ করেছেন। আল্লাহ তা'আলা বলেন- **إِنَّا نَحْنُ نَزَّلْنَا الذِّكْرَ وَإِنَّا لَهُ لَحَافِظُونَ** “নিশ্চয় আমি যিকর (আল-কুরআন) অবতীর্ণ করেছি এবং আমিই এর সংরক্ষণকারী”।^{৩৯} আর আল-কুরআনের বিস্তারিত বর্ণনার দায়িত্ব আল্লাহ তা'আলা মহানবী (সাল্লাল্লাহু 'আলাইহি ওয়া সাল্লাম) কে দিয়েছেন। আল্লাহ তা'আলা বলেন-

وَأَنْزَلْنَا إِلَيْكَ الذِّكْرَ لِتُبَيِّنَ لِلنَّاسِ مَا نُزِّلَ إِلَيْهِمْ وَلَعَلَّهُمْ يَتَفَكَّرُونَ

“আমি তোমার প্রতি এ উপদেশবাণী (আল-কুরআন) এজন্য অবতীর্ণ করেছি যেন তুমি মানুষের জন্য অবতীর্ণ এ গ্রন্থ তাদের সামনে বর্ণনা কর। এবং তারা এ নিয়ে চিন্তা করে”।^{৪০}

সুতরাং বলা যেতে পারে যে, আল-কুরআনের বিধান সমূহের বিস্তারিত বর্ণনাই হলো সুন্নাহ। আর এ সুন্নাহর আনুগত্য করা ফরয করা হয়েছে। তা অস্বীকার করার কোন সুযোগ নেই। অতএব কুরআনের অনুসরণ করা যেমন অপরিহার্য সুন্নাহর অনুসরণ করা তেমনই অপরিহার্য। কেননা সুন্নাহর পূর্ণাঙ্গ অনুসরণ ছাড়া আল্লাহর আনুগত্য ও কুরআনের অনুসরণ সম্ভব নয়। জীবনের সকল ক্ষেত্রে সুন্নাহর অনুসরণই মুক্তি, সফলতা ও হিদায়াতের মাধ্যম। আল-কুরআনের আয়াত সমূহ পর্যালোচনা করলে দেখা যায় সুন্নাহর গুরুত্ব ও তা অনুসরণের অপরিহার্যতা সম্পর্কে আল্লাহ তা'আলা কঠোরভাবে নির্দেশ দিয়েছেন। আল-কুরআনুল কারীমে বিভিন্নভাবে এ বিষয়ে নির্দেশ দেয়া হয়েছে।

সুন্নাহর অপরিহার্যতা সম্পর্কে আল-কুরআনের দলীল :

১. মহানবী (সাল্লাল্লাহু 'আলাইহি ওয়া সাল্লাম)-এর আনুগত্য ও অনুসরণই মাগফিরাত, নাজাত ও আল্লাহর রাহমাত লাভের একমাত্র অসীলা। আল্লাহ তা'আলা বলেন-

قُلْ إِنْ كُنْتُمْ تُحِبُّونَ اللَّهَ فَاتَّبِعُونِي يُحْبِبْكُمُ اللَّهُ وَيَغْفِرْ لَكُمْ ذُنُوبَكُمْ وَاللَّهُ غَفُورٌ رَحِيمٌ قُلْ أَطِيعُوا اللَّهَ وَالرَّسُولَ فَإِنْ تَوَلَّوْا فَإِنَّ اللَّهَ لَا يُحِبُّ الْكَافِرِينَ

“বল, যদি তোমরা আল্লাহকে ভালবাস, তাহলে আমাকে অনুসরণ কর। তাহলে

৩৯. সূরা আন-নাহল : ৯

৪০. সূরা আন নাহল : ৪৪

আল্লাহ তোমাদেরকে ভালবাসবেন এবং তোমাদের পাপ মার্জনা করবেন। আর আল্লাহ ক্ষমাকারী দয়ালু। বল, আল্লাহ ও রাসূলের আনুগত্য কর। যদি তারা মুখ ফিরিয়ে নেয় তবে জেনে রাখ, আল্লাহ কাফিরদেরকে পছন্দ করেননা”।^{৪১}

এ আয়াতে সূন্যের আনুগত্য বর্জন কারীদেরকে কাফির বলা হয়েছে।

২. আল্লাহর রাহমাত লাভের উপায় হলো আল্লাহ ও তাঁর রাসূলের আনুগত্য। আল্লাহ তা‘আলা বলেন-

“وَأَطِيعُوا اللَّهَ وَالرَّسُولَ لَعَلَّكُمْ تُرْحَمُونَ” তোমরা আল্লাহ ও তাঁর রাসূলের আনুগত্য কর, যাতে তোমাদের উপর রাহমাত করা হয়”।^{৪২}

৩. জান্নাত লাভের শর্ত হলো আল্লাহ ও তাঁর রাসূলের আনুগত্য। আল্লাহ বলেন-

وَمَنْ يُطِعِ اللَّهَ وَرَسُولَهُ يُدْخِلْهُ جَنَّاتٍ تَجْرِي مِنْ تَحْتِهَا الْأَنْهَارُ خَالِدِينَ فِيهَا
وَذَلِكَ الْفَوْزُ الْعَظِيمُ

“কেউ আল্লাহ ও তাঁর রাসূলের আনুগত্য করলে আল্লাহ তাকে এমন জান্নাতে প্রবেশ कराবেন, যার তলদেশে নদী প্রবাহিত। সেখানে তারা স্থায়ী হবে। আর এটা মহা সাফল্য”।^{৪৩}

৪. ঈমানের শর্ত হলো আল্লাহ ও তাঁর রাসূলের আনুগত্য। আল্লাহ তা‘আলা বলেন-

يَا أَيُّهَا الَّذِينَ آمَنُوا أَطِيعُوا اللَّهَ وَأَطِيعُوا الرَّسُولَ وَأُولِي الْأَمْرِ مِنْكُمْ فَإِنْ تَنَازَعْتُمْ
فِي شَيْءٍ فَرُدُّوهُ إِلَى اللَّهِ وَالرَّسُولِ إِنْ كُنْتُمْ تُؤْمِنُونَ بِاللَّهِ وَالْيَوْمِ الْآخِرِ ذَلِكَ
خَيْرٌ وَأَحْسَنُ تَأْوِيلًا

“হে ঈমানদারগণ! তোমরা আনুগত্য কর আল্লাহর, আনুগত্য কর রাসূলের, এবং তাদের যারা তোমাদের মধ্যে ক্ষমতার অধিকারী। কোন বিষয়ে যদি তোমরা মতবিরোধে লিপ্ত হও তাহলে তা প্রত্যর্পণ কর আল্লাহ ও রাসূলের প্রতি যদি তোমরা আল্লাহ ও আখিরাতের প্রতি ঈমান রাখ। বস্তুত: এটাই উত্তম এবং পরিণামে প্রকৃষ্টতর”।^{৪৪}

৪১. সূরা আলে ইমরান : ৩১-৩২

৪২. সূরা আলে ইমরান : ১৩২

৪৩. সূরা আন-নিসা : ১৩

৪৪. সূরা আন-নিসা : ৫৯

এ প্রসঙ্গে আল্লাহ আরেক আয়াতে বলেন-

فَلَا وَرَبِّكَ لَا يُؤْمِنُونَ حَتَّىٰ يُحَكِّمُوكَ فِيمَا شَجَرَ بَيْنَهُمْ ثُمَّ لَا يَجِدُوا فِي أَنفُسِهِمْ
حَرَجًا مِّمَّا قَضَيْتَ وَيُسَلِّمُوا تَسْلِيمًا

“না তোমার পালনকর্তার শপথ! তারা ঈমানদার হবেনা যতক্ষন না তারা তাদের মধ্যে সৃষ্ট বিবাদের ব্যাপারে তোমাকে বিচারক হিসেবে গ্রহণ করবে। অত:পর তোমার মীমাংসার ব্যাপারে তাদের মনে কোন রকম দ্বিধা না থাকে এবং সর্বান্ত :করণে তা মেনে নেয়”।^{৪৫}

বস্তুত: এ আয়াতে আল্লাহ তা‘আলা মহানবী (সাল্লাল্লাহু ‘আলাইহি ওয়া সাল্লাম) কে এমন একজন বিচারক হিসেবে উপস্থাপন করেছেন, যাঁর নিকট মীমাংসার জন্য যাওয়া এবং তাঁর সিদ্ধান্ত শুধু বাহ্যত মেনে নেয়া নয় . বরং দ্বিধাহীন চিন্তে আন্তরিকভাবে গ্রহণ করা ঈমানের শর্ত হিসেবে গণ্য করা হয়েছে।

আল্লাহ তা‘আলা বলেন- وَأَطِيعُوا اللَّهَ وَرَسُولَهُ إِن كُنْتُمْ مُؤْمِنِينَ “আল্লাহ ও তাঁর রাসূলের আনুগত্য কর যদি তোমরা মুমিন হও”।^{৪৬}

৫. ঈমানদারদের দলভুক্ত হওয়ার জন্য সুন্নাহর অনুসরণ শর্ত : আল্লাহ তা‘আলা বলেন-

وَمَنْ يُطِيعِ اللَّهَ وَالرَّسُولَ فَأُولَٰئِكَ مَعَ الَّذِينَ أَنْعَمَ اللَّهُ عَلَيْهِمْ مِنَ النَّبِيِّينَ
وَالصَّادِقِينَ وَالشُّهَدَاءِ وَالصَّالِحِينَ وَحَسُنَ أُولَٰئِكَ رَفِيقًا

“আর কেউ আল্লাহ এবং রাসূলের আনুগত্য করলে সে নবী, ছিদ্দীক, শহীদ ও সৎকর্মপরায়ণ-যাদের প্রতি আল্লাহ অনুগ্রহ করেছেন - তাদের সংগী হবে। আর তারা কত উত্তম সংগী! ”^{৪৭}

৬. সফলতা লাভের জন্য সুন্নাতে রাসূলের অনুসরণ অপরিহার্য। আল্লাহ তা‘আলা বলেন-

وَمَنْ يُطِيعِ اللَّهَ وَرَسُولَهُ وَيَخْشَ اللَّهَ وَيَتَّقْهُ فَأُولَٰئِكَ هُمُ الْفَائِزُونَ

৪৫. সূরা আন-নিসা : ৬৫

৪৬. সূরা আল-আনফাল : ১

৪৭. সূরা আন-নিসা : ৬৯

“যারা আল্লাহ ও তাঁর রাসূলের আনুগত্য করে , আল্লাহকে ভয় করে এবং তাঁর অবাধ্যতা থেকে সাবধান থাকে তারাই সফলকাম”।^{৪৮}

আল্লাহ তা‘আলা বলেন :

يَا أَيُّهَا الَّذِينَ آمَنُوا أَطِيعُوا اللَّهَ وَرَسُولَهُ وَلَا تَوَلُّوا عَنْهُ وَأَنْتُمْ تَسْمَعُونَ

“হে ঈমানদারগণ! তোমরা আল্লাহ ও তাঁর রাসূলের আনুগত্য কর। শোনার পর তা থেকে মুখ ফিরিয়ে নিওনা।^{৪৯}”

৭. হিদায়াতের জন্য সূন্নাহর অনুসরণ শর্ত। আল্লাহ তা‘আলা বলেন-

قُلْ أَطِيعُوا اللَّهَ وَأَطِيعُوا الرَّسُولَ فَإِنْ تَوَلَّوْا فَإِنَّمَا عَلَيْهِ مَا حُمِّلَ وَعَلَيْكُمْ مِمَّا حَمَلْتُمْ وَإِنْ تُطِيعُوا تَهْتَدُوا وَمَا عَلَى الرَّسُولِ إِلَّا الْبَلَاغُ الْمُبِينُ.

“বল ! তোমরা আল্লাহর আনুগত্য কর এবং রাসূলের আনুগত্য কর। আর যদি তোমরা মুখ ফিরিয়ে নাও, তবে তাঁর উপর ন্যস্ত দায়িত্বের জন্য তিনি দায়ী এবং তোমাদের উপর ন্যস্ত দায়িত্বের জন্য তোমরা দায়ী। তোমরা যদি তাঁর আনুগত্য কর তাহলে সঠিক পথ পাবে। রাসূলের দায়িত্ব তো কেবল সুস্পষ্টরূপে পৌছে দেয়া”।^{৫০}

৮. রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর আদর্শই মু‘মিনের একমাত্র অনুকরণীয় আদর্শ। আল্লাহ তা‘আলা বলেন-

لَقَدْ كَانَ لَكُمْ فِي رَسُولِ اللَّهِ أُسْوَةٌ حَسَنَةٌ لِمَنْ كَانَ يَرْجُو اللَّهَ وَالْيَوْمَ الْآخِرَ
وَذَكَرَ اللَّهَ كَثِيرًا

“তোমাদের মধ্যে যারা আল্লাহ ও আখিরাতকে ভয় করে এবং আল্লাহকে অধিক স্মরণ করে, তাদের জন্য রাসূলুল্লাহর মধ্যে রয়েছে উত্তম আদর্শ।^{৫১}”

৯. সূন্নাহর অনুসরণ ব্যতীত আল্লাহর আনুগত্য হয়না। আল্লাহ বলেন-

مَنْ يُطِيعِ الرَّسُولَ فَقَدْ أَطَاعَ اللَّهَ وَمَنْ تَوَلَّى فَمَا أَرْسَلْنَاكَ عَلَيْهِمْ حَفِيظًا

৪৮. সূরা আন-নূর : ৫২

৪৯. সূরা আল-আনফাল : ২০

৫০. সূরা আন-নূর : ৫৪

৫১. সূরা আল-আহযাব : ২১

“যে রাসূলের হুকুম মান্য করল সে আল্লাহরই হুকুম মান্য করল। আর যে মুখ ফিরিয়ে নিল আমি আপনাকে তাদের জন্য রক্ষণাবেক্ষণকারী নিযুক্ত করে পাঠাইনি”।^{৫২}

১০. সুন্নাহর অনুসরণ না করা ধ্বংসের কারণ। আল্লাহ তা‘আলা বলেন-

يَا أَيُّهَا الَّذِينَ آمَنُوا أَطِيعُوا اللَّهَ وَأَطِيعُوا الرَّسُولَ وَلَا تُبَدِّلُوا أَعْمَالَكُمْ

“হে ঈমানদারগণ! তোমরা আল্লাহর আনুগত্য কর এবং রাসূলের আনুগত্য কর। আর (আনুগত্য থেকে বিমুখ থেকে) তোমাদের ‘আমলসমূহ বিনষ্ট করোনা”।^{৫৩}

১১. রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর বিরুদ্ধাচরণের পরিণতি সম্পর্কে আল্লাহ তা‘আলা কঠোরভাবে সতর্ক করে দিয়েছেন। আল্লাহ তা‘আলা বলেন-

فَلْيَخْذِرِ الَّذِينَ يَخَالِفُونَ عَنْ أَمْرِهِ أَنْ تُصِيبَهُمْ فِتْنَةٌ أَوْ يُصِيبَهُمْ عَذَابٌ أَلِيمٌ

“সুতরাং যারা তাঁর আদেশের বিরুদ্ধাচরণ করে তারা সতর্ক হোক এ ব্যাপারে যে, তাদের উপর আপত্তি হবে বিপর্যয় অথবা তাদের উপর আপত্তি হবে মর্মান্বন শাস্তি”।^{৫৪}

১২. মু‘মিনদের জন্য রাসূলুল্লাহ (সাল্লাল্লাহু ‘আলাইহি ওয়া সাল্লাম) এর সিদ্ধান্ত মানা না মানার কোন ইখতিয়ার নেই। আল্লাহ বলেন-

وَمَا كَانَ لِمُؤْمِنٍ وَلَا لِمُؤْمِنَةٍ إِذَا قَضَى اللَّهُ وَرَسُولُهُ أَمْرًا أَنْ يَكُونَ لَهُمُ الْخِيَرَةُ مِنْ أَمْرِهِمْ وَمَنْ يَعْصِ اللَّهَ وَرَسُولَهُ فَقَدْ ضَلَّ ضَلَالًا مُّبِينًا

“আল্লাহ ও তাঁর রাসূল কোন বিষয়ে নির্দেশ দিলে কোন মু‘মিন পুরুষ কিংবা মু‘মিন নারীর তা মানা না মানার কোন ইখতিয়ার নেই। (নির্দিধায় তা মেনে নিতে হবে) কেউ আল্লাহ ও তাঁর রাসূলকে অমান্য করলে স্পষ্টতই পথভ্রষ্ট হবে”।^{৫৫}

উপর্যুক্ত আলোচনা থেকে এ বিষয়টি স্পষ্ট হলো যে, সুন্নাহর অনুসরণ ও রাসূলুল্লাহ (সাল্লাল্লাহু ‘আলাইহি ওয়া সাল্লাম) এর আনুগত্য উম্মাতের জন্য

৫২. সূরা আন-নিসা : ৮০

৫৩. সূরা মুহাম্মাদ : ৩৩

৫৪. সূরা আন-নূর : ৬৩

৫৫. সূরা আল-আহযাব : ৩৬

অপরিহার্য। সূন্যহর অনুসরণ ছাড়া কুরআনের অনুসরণও সম্ভব নয় এবং ঈমানদার থাকাও সম্ভব নয়। ঈমানদার হিসেবে জীবনযাপন করে পরকালে মুক্তি পেতে হলে অবশ্যই সূন্যহর অনুসরণ করতে হবে।

সূন্যহর অপরিহার্যতা সম্পর্কে হাদীছের দলীল :

রাসূলুল্লাহ (সাল্লাল্লাহু ‘আলাইহি ওয়া সাল্লাম) থেকে প্রাপ্ত সূন্যহর ইসলামী শরী‘আতের দলীল হওয়ার ব্যাপারে মতবিরোধ করার কোন সুযোগ নেই। কোন মুসলিমের পক্ষে সূন্যহকে অস্বীকার করা বা তাতে সন্দেহ করার কোন অবকাশ নেই। কেননা ঈমানের অর্থ হলো রাসূলুল্লাহ (সাল্লাল্লাহু ‘আলাইহি ওয়া সাল্লাম) দ্বীনের ব্যাপারে যা কিছু নিয়ে এসেছেন তার সকল কিছুকেই সংশয় ও দ্বিধাহীন চিন্তে বিশ্বাস করা এবং তা মেনে নেয়া। তা অস্বীকার করা কুফরী। সূন্যহ শরী‘আতের দলীল হওয়ার ব্যাপারে রাসূলুল্লাহ (সাল্লাল্লাহু ‘আলাইহি ওয়া সাল্লাম) এর অসংখ্য হাদীছ রয়েছে। উদাহরণ স্বরূপ নিম্নে কয়েকটি দৃষ্টান্ত পেশ করছি -

১. রাসূলুল্লাহ (সাল্লাল্লাহু ‘আলাইহি ওয়া সাল্লাম) বলেছেন :

عن أبي هريرة قال : - قال رسول الله صلى الله عليه وسلم (ما أمرتكم به فخذوه . وما نهيتكم عنه فانتهوا)

“আবু হুরাইরাহ (রা) থেকে বর্ণিত তিনি বলেন : রাসূলুল্লাহ (সাল্লাল্লাহু ‘আলাইহি ওয়া সাল্লাম) বলেছেন আমি তোমাদেরকে যা নির্দেশ দিয়েছি তা পালন কর আর যা নিষেধ করেছি তা থেকে বিরত থাক”।^{৫৬}

এ হাদীছে রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর আদেশ মেনে চলা এবং নিষেধ বর্জন করার হুকুম দেয়া হয়েছে। যদি সূন্যহ শরী‘আতের দলীল না হয় তাহলে রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর দেয়া কোন হুকুম পালন করার এবং কোন নিষেধ বর্জন করার আবশ্যিকতা থাকেনা। যদি বিষয়টি এমনই হয় তাহলে শরী‘আতের কোন কিছুই অবশিষ্ট থাকবেনা।

২. রাসূলুল্লাহ (সাল্লাল্লাহু ‘আলাইহি ওয়া সাল্লাম) বলেছেন :

عن أبي هريرة قال : - قال رسول الله صلى الله عليه وسلم (ذروني ما تركتكم . فإنما هلك من كان قبلكم بسؤالهم واختلافهم على أنبيائهم . فإذا

৫৬. সূনানু ইবনু মাজাহ, বাবু ইত্তিবা‘ই সূন্যতি রাসূলিল্লাহ, হাদীছ নং-১

أمرتكم بشيء فخذوا منه ما استطعتم . وإذا هيئتم عن شيء فانتهوا)

“আবু হুরাইরাহ (রা) থেকে বর্ণিত তিনি বলেন, রাসূলুল্লাহ (সাল্লাল্লাহু ‘আলাইহি ওয়া সাল্লাম) বলেছেন : আমি তোমাদেরকে যে অবস্থায় রেখেছি আমাকে সে অবস্থায়ই থাকতে দাও, কেননা তোমাদের পূর্ববর্তীগণ (বেশি বেশি) প্রশ্ন করা এবং তাদের নবীদের সাথে মতবিরোধের কারণে ধ্বংস হয়েছে। অতএব আমি যখন তোমাদেরকে কোন নির্দেশ দেই তা তোমাদের সাধ্যানুযায়ী পালন কর। আর যখন কোন কিছু থেকে নিষেধ করি তা বর্জন কর।”^{৫৭}

উক্ত হাদীছে সুস্পষ্টভাবে বর্ণনা করা হয়েছে যে, মহানবী (সাল্লাল্লাহু ‘আলাইহি ওয়া সাল্লাম) যা নির্দেশ দিয়েছেন তা পালন করা এবং যা নিষেধ করেছেন তা বর্জন করা ওয়াজিব। যদি সুন্নাহ শরী‘আতের দলীল না হয় তাহলে মহানবী (সাল্লাল্লাহু ‘আলাইহি ওয়া সাল্লাম) কিভাবে তাঁর নির্দেশ পালন করা এবং নিষেধ বর্জন করার হুকুম দিলেন? মহানবী (সাল্লাল্লাহু ‘আলাইহি ওয়া সাল্লাম) এর আদেশ - নিষেধ কি সুন্নাহ নয়? এগুলো অস্বীকার করা কি সুন্নাহকে অস্বীকার করা নয়?

৩. অপর দিকে মহানবী (সাল্লাল্লাহু ‘আলাইহি ওয়া সাল্লাম) তাঁর সুন্নাহর অনুসরণ করার নির্দেশ দিয়েছেন, এবং তাঁর আনুগত্য আল্লাহর আনুগত্য ও তাঁর নাফরমানী আল্লাহর নাফরমানী বলে উল্লেখ করেছেন। সুতরাং যদি সুন্নাহ শরী‘আতের দলীল না হতো তাহলে মহানবী (সাল্লাল্লাহু ‘আলাইহি ওয়া সাল্লাম) কখনও তাঁর সুন্নাহর আনুগত্যের নির্দেশ দিতেননা; এবং তাঁর আনুগত্য আল্লাহর আনুগত্য ও তাঁর নাফরমানী আল্লাহর নাফরমানী বলে উল্লেখ করতেননা; ইবনে মাজাহর অপর এক হাদীছে বর্ণিত হয়েছে-

عن أبي هريرة قال : - قال رسول الله صلى الله عليه وسلم من أطاعني فقد أطاع الله ومن عصاني فقد عصى الله

“আবু হুরাইরাহ (রা) থেকে বর্ণিত তিনি বলেন, রাসূলুল্লাহ (সাল্লাল্লাহু ‘আলাইহি ওয়া সাল্লাম) বলেছেন : যে আমার আনুগত্য করলো সে আল্লাহর আনুগত্য করলো। আর যে আমার নাফরমানী করলো সে আল্লাহর নাফরমানী করলো।”^{৫৮}

৫৭. ইবনে মাজাহ, হাদীছ নং -২; সুনানুত তিরমিযি, বৈরুত : দারুল ফিকর, ৩য় সংস্করণ, ১৯৭৮ইং, ৪র্থ খণ্ড, পৃষ্ঠা-১৫২

৫৮. ইবনে মাজাহ, হাদীছ নং -৩

৪. হাদীছে সুস্পষ্টভাবে উল্লেখ করা হয়েছে যে, মহানবী (সাল্লাল্লাহু ‘আলাইহি ওয়া সাল্লাম) কে আল-কুর’আন দেয়া হয়েছে এবং তার সাথে অনুরূপ আরেকটি বস্তু দেয়া হয়েছে, তা হলো সুন্নাহ । আর উভয়টিকে আঁকড়ে ধরার নির্দেশ দেয়া হয়েছে। সুতরাং সুন্নাহকে আঁকড়ে ধরা আল-কুরআনকে আঁকড়ে ধরার মতই আবশ্যিক ও গুরুত্বপূর্ণ ।

عن المقدم بن معدي كرب عن النبي صلى الله عليه وسلم أنه قال : ألا إني أوتيت الكتاب ومثله معه ، ألا إني أوتيت القرآن ومثله ، ألا يوشك الرجل شبعان على أريكته ، يقول : عليكم بهذا القرآن ، فما وجدتم فيه من حلال فأحلوه ، وما وجدتم فيه من حرام فحرموه ، ألا لا يحل لكم الحمار الأهلي ولا كل ذي ناب من السباع ولقطة مال معاهد .

‘মিকদাম বিন মা’দী কারব (রা) থেকে বর্ণিত তিনি বলেন, রাসূলুল্লাহ (সাল্লাল্লাহু ‘আলাইহি ওয়া সাল্লাম) বলেছেন : সাবধান! আমাকে আল-কিতাব এবং তার সাথে অনুরূপ আরেকটি জিনিষ দেয়া হয়েছে। সাবধান! আমাকে আল-কুরআন এবং তার সাথে অনুরূপ আরেকটি জিনিষ দেয়া হয়েছে। সাবধান ! অচিরেই দেখতে পাবে কিছু লোক আরাম কেদারায় বসে বলতে থাকবে : তোমাদের উচিত শুধু এই আল-কুরআনের উপর আমল করা। আল-কুরআনের মধ্যে যা কিছু হালালের বর্ণনা পাবে তাকে হালাল হিসেবে গ্রহণ কর। আর আল-কুরআনের মধ্যে যা কিছু হারামের বর্ণনা পাবে তাকে হারাম হিসেবে বর্জন কর। সাবধান! তোমাদের জন্য গৃহপালিত গাধা, হিংস্র প্রাণী ও কুড়িয়ে পাওয়া বস্তু হারাম করা হয়েছে।”৫৯

প্রখ্যাত মুহাদ্দিছ ‘আল্লামা খাত্তাবী **وَأُوتِيَ الْكِتَابَ وَمِثْلَهُ مَعَهُ** এর ব্যাখ্যা করতে গিয়ে বলেন- এর অর্থ দু’রকম হতে পারে :

ক. মহানবী (সাল্লাল্লাহু ‘আলাইহি ওয়া সাল্লাম) কে প্রকাশ্য ওহীয়ে মাতলুর অনুরূপ অপ্রকাশ্য ওহীয়ে গায়রে মাতলু দেয়া হয়েছে ।

খ. মহানবী (সাল্লাল্লাহু ‘আলাইহি ওয়া সাল্লাম) কে ওহীয়ে মাতলু হিসেবে আল-কিতাব দেয়া হয়েছে, অনুরূপভাবে তাঁকে এ কিতাবের বর্ণনার ইখতিয়ার দেয়া হয়েছে। সুতরাং তিনি কুরআনে বর্ণিত সাধারণ হুকুমকে বিশেষভাবে এবং বিশেষ

৫৯. সুনানু আবি দাউদ, মিসর : মুস্তাফা আল বাবি আলহালবী, ৪র্থ খণ্ড, পৃষ্ঠা- ২৭৯

হুকুমকে সাধারণভাবে বর্ণনা করতে পারবেন। প্রয়োজনবোধে তিনি কুরআনে বর্ণিত কোন বিষয়ের ব্যাখ্যার জন্য কিছু বৃদ্ধি করেও বর্ণনা করতে পারবেন। তখন তা গ্রহণ করা এবং তার উপরে ‘আমল করা আবশ্যিক হবে। যেমন প্রকাশ্য ওহীয়ে মাতলু আল-কুরআনের উপর ‘আমল করা আবশ্যিক।’^{৬০}

৫. হাদীছে স্পষ্টভাবে উল্লেখ করা হয়েছে যে, রাসূলুল্লাহ (সাল্লাল্লাহু ‘আলাইহি ওয়া সাল্লাম) যা হারাম করেছেন তা আল্লাহ তা‘আলা যা হারাম করেছেন তার অনুরূপ। এ দুয়ের মধ্যে পার্থক্য করার কোন সুযোগ নেই। যেমন ইবনে মাজাহর বর্ণনায় পাওয়া যায়-

عن المقدم بن معد يكرب الكندي أن رسول الله صلى الله عليه وسلم قال: يوشك الرجل متكنا على أريكته يحدث بحديث من حديثي فيقول بيننا وبينكم كتاب الله عز وجل . فما وجدنا فيه من حلال استحللناه . وما وجدنا فيه من حرام استحرمناه . ألا وإن ما حرم رسول الله صلى الله عليه وسلم مثل ما حرم الله.

“মিকদাম বিন মা‘দী কারব (রা) থেকে বর্ণিত তিনি বলেন, রাসূলুল্লাহ (সাল্লাল্লাহু ‘আলাইহি ওয়া সাল্লাম) বলেছেন : শীঘ্রই তোমরা দেখতে পাবে যে, কিছু লোক তার খাটে হেলান দিয়ে বসে আমার হাদীছ সম্পর্কে কথা বলবে। তারা বলবে আমাদের ও তোমাদের মাঝে আল্লাহর কিতাব রয়েছে। (হিদায়াতের জন্য এটাই যথেষ্ট) সুতরাং তার মধ্যে হালালের যে বর্ণনা পাব আমরা তাই হালাল মনে করব। আর তার মধ্যে হারামের যে বর্ণনা পাব আমরা তাই হারাম মনে করব। তবে তোমরা মনে রেখ! নিশ্চই রাসূলুল্লাহ (সাল্লাল্লাহু ‘আলাইহি ওয়া সাল্লাম) যা হারাম করেছেন তা আল্লাহ তা‘আলা যা হারাম করেছেন তার অনুরূপ”।^{৬১}

৬. মিকদাম বিন মা‘দী কারব (রা) বলেন, মহানবী (সাল্লাল্লাহু ‘আলাইহি ওয়া সাল্লাম) খাইবারের দিন এমন অনেক কিছুই হারাম করেছেন যার হারাম হওয়ার ঘোষণা আল-কুরআনে নেই। যেমন- গৃহপালিত গাধা এবং হিংস্র শ্রাণী। অতঃপর তিনি বললেন : শীঘ্রই তোমরা দেখতে পাবে যে, কিছু লোক খাটে হেলান দিয়ে

৬০. আল কুরতুবী, আল-জামি‘ লি আহকামিল কুরআন, বৈরুত : দারু ইহইয়ায়িত তুরাছিল ইসলামী, ১ম খণ্ড, পৃষ্ঠা-৩৮

৬১. সুনানু ইবনে মাজাহ, প্রথম খণ্ড, পৃষ্ঠা-৬

বসে আমার হাদীছ সম্পর্কে কথা বলবে। তারা বলবে আমাদের ও তোমাদের মাঝে আল্লাহর কিতাব রয়েছে। (হিদায়াতের জন্য এটাই যথেষ্ট) সুতরাং তার মধ্যে হালালের যে বর্ণনা পাব আমরা তাই হালাল মনে করব। আর তার মধ্যে হারামের যে বর্ণনা পাব আমরা তা-ই হারাম মনে করব। তবে তোমরা মনে রেখ! নিশ্চই রাসূলুল্লাহ (সাল্লাল্লাহু ‘আলাইহি ওয়া সাল্লাম) যা হারাম করেছেন তা আল্লাহ যা হারাম করেছেন তার অনুরূপ।^{৬২}

এ প্রসঙ্গে মুহাম্মাদ বিন আবু শুহবাহ বলেন : এসকল হাদীছ মহানবী (সাল্লাল্লাহু ‘আলাইহি ওয়া সাল্লাম) এর মু‘জিয়া হিসেবে প্রমাণিত হয়েছে। কারণ অতীতে এবং বর্তমানেও এমন অনেক দলের আবির্ভাব হয়েছে, যারা নিকৃষ্ট পথ তথা সুন্নাহকে বাদ দিয়ে শুধু আল-কুরআনের প্রতি মানুষকে আহ্বান জানায়। তারা বলে আল-কুরআনই যথেষ্ট, সুন্নাহর কোন প্রয়োজন নেই। তাদের মূল উদ্দেশ্য হলো দীন ইসলামের অর্ধেককে ধ্বংস করা।^{৬৩}

উপরোক্ত হাদীছসমূহ দ্বারা সুস্পষ্টভাবে প্রমাণিত হয় যে, শরী‘আতের দলীল হিসেবে গ্রহণের ক্ষেত্রে সুন্নাহ আল-কুরআনের মতই গুরুত্বপূর্ণ। সুন্নাহকে অস্বীকার করার অর্থ আল-কুরআনকেই অস্বীকার করা। সুতরাং কুরআনের অনুসারী বলে যারা নিজেদেরকে দাবী করে তারা শরী‘আতের দলীল হিসাবে সুন্নাহকে অস্বীকার করার মাধ্যমে প্রকৃতপক্ষে আল-কুরআনকেই অস্বীকার করে। কেননা আল-কুরআনই মহানবী (সাল্লাল্লাহু ‘আলাইহি ওয়া সাল্লাম) এর আনুগত্য ও তাঁর আদেশ-নিষেধ মেনে চলার নির্দেশ দিয়েছে :

৭. মহানবী (সাল্লাল্লাহু ‘আলাইহি ওয়া সাল্লাম) বিদায় হজ্জের সময় মুসলিম উম্মাহর জন্য দ্ব্যর্থহীনভাবে ঘোষণা দিয়েছেন তোমাদের হিদায়াতের জন্য কুরআন ও সুন্নাহ সমভাবে প্রযোজ্য। যেমন-

عن أبي هريرة قال قال رسول الله صلى الله عليه وسلم إني قد خلفت فيكم شيئين لن تضلوا بعدهما أبدا كتاب الله وسنتي (أخرجه البزار في مسنده)

“আবু হুরাইরাহ (রা) থেকে বর্ণিত তিনি বলেন, রাসূলুল্লাহ (সাল্লাল্লাহু ‘আলাইহি

৬২. আস সুযুতি, আবু বকর ‘আবদুর রহমান, মিফতাহুল জান্নাহ, মদীনা আল মুনাওয়ারা : আল জামি‘আতুল ইসলামিয়াহ. ৩য় সংস্করণ, পৃষ্ঠা- ৯।

৬৩. মুহাম্মাদ বিন মুহাম্মাদ আবু শুহবাহ, দিফা‘উন ‘আনিস সুন্নাহ, কায়রো : মাকতাবাতুস সুন্নাহ, প্রথম সংস্করণ, ১৯৮৯ ইং পৃষ্ঠা- ১৫।

ওয়া সাল্লাম) বলেছেন : আমি তোমাদের জন্য এমন দুটি জিনিস রেখে গেলাম যা ধরে থাকলে কক্ষনো তোমরা পথভ্রষ্ট হবেনা। তা হলো আল্লাহর কিতাব ও আমার সুন্নাহ”^{৬৪}। (মুসনাদে বায্‌যার)

عَنْ ابْنِ عَبَّاسٍ رَضِيَ اللَّهُ عَنْهُمَا : أَنَّ رَسُولَ اللَّهِ -صَلَّى اللَّهُ عَلَيْهِ وَسَلَّمَ- خَطَبَ النَّاسَ فِي حَجَّةِ الْوَدَاعِ فَقَالَ :

يَا أَيُّهَا النَّاسُ إِنِّي قَدْ تَرَكْتُ فِيكُمْ مَا إِنْ اِعْتَصَمْتُمْ بِهِ فَلَنْ تَضِلُّوا أَبَدًا كِتَابَ اللَّهِ وَسُنَّةَ نَبِيِّهِ (أَخْرَجَهُ الْبَيْهَقِيُّ)

‘আবদুল্লাহ ইবন ‘আব্বাস (রা) থেকে বর্ণিত তিনি বলেন- রাসূলুল্লাহ (সাল্লাল্লাহু ‘আলাইহি ওয়া সাল্লাম) বিদায় হজ্জের ভাষণে বলেছেন : হে মানবমন্ডলী! নিশ্চয়ই আমি তোমাদের মধ্যে এমন দুটি জিনিস রেখে গেলাম যা তোমরা যদি আঁকড়ে ধরে থাক তাহলে তোমরা কখনো পথভ্রষ্ট হবেনা। আর তা হলো আল্লাহর কিতাব এবং তাঁর নবীর সুন্নাহ।^{৬৫}

৮. ইরবাদ ইবন সারিয়াহ (রা) কর্তৃক বর্ণিত হাদীছ থেকেও প্রমাণিত হয় যে, সুন্নাহ শরী‘আতের দলীল। তিনি বলেন, রাসূলুল্লাহ (সাল্লাল্লাহু ‘আলাইহি ওয়া সাল্লাম) বলেছেন :

أَوْصِيَكُمْ بِتَقْوَى اللَّهِ وَالسَّمْعِ وَالطَّاعَةِ وَإِنْ عَبْدٌ حَبَشِي فَإِنَّهُ مِنْ يَئِشٍ مِنْكُمْ يَرَى اخْتِلَافًا كَثِيرًا وَإِيَّاكُمْ وَمُحَدَّثَاتِ الْأُمُورِ فَإِنَّهَا ضَلَالَةٌ فَمَنْ أَدْرَكَ ذَلِكَ مِنْكُمْ فَعَلَيْكُمْ بِسُنَّتِي وَسُنَّةِ الْخُلَفَاءِ الرَّاشِدِينَ الْمُهْتَدِينَ عَضُوا عَلَيْهَا بِالنَّوَاجِذِ

“আমি তোমাদের আল্লাহকে ভয় করার ও নেতার কথা শোনার, তার আনুগত্য করার নির্দেশ দিচ্ছি, যদিও সে হাবশী গোলাম হয়। তোমাদের মধ্যে যারা বেঁচে থাকবে তারা অনেক মতবিরোধ দেখতে পাবে। তোমরা (দীনের বিষয়ে) নবসৃষ্ট কর্মকান্ড থেকে সাবধান থাকবে, কেননা তা হলো পথভ্রষ্টতা। তোমাদের মধ্য থেকে যারা ঐ সময় থাকবে তখন অবশ্যই তোমরা আমার সুন্নাহকে এবং খুলাফায়ে রাশিদীনের সুন্নাহকে মজবুত ভাবে আঁকড়ে ধরবে”।^{৬৬}

৬৪. মুসনাদু বায্‌যার, হাদীছ নং-৮৯৯৩

৬৫. সুনানু আল বাইহাকী, হাদীছ নং- ২০৮৩৩

৬৬. সুনানুত তিরমিযী, হাদীছ নং- ২৬৭৬, বাব আল আখযু বিসুন্নাহ

সুন্নাহ শরী'আতের দলীল হওয়ার জন্য এ হাদীছটিও সুস্পষ্ট প্রমাণ। কুরআন দ্বারা প্রতিষ্ঠিত বিধানসমূহ পালন করা যেমন আবশ্যিক, সুন্নাহ দ্বারা প্রতিষ্ঠিত আহকামসমূহ পালন করা তেমনই আবশ্যিক। সুতরাং যে ব্যক্তি শুধু আল-কুরআনের উপর নির্ভর করে সুন্নাহকে উপেক্ষা করতে চায় হাদীছের মধ্যে তাকে নিন্দাবাদ করা হয়েছে।

৯. ইসলামী বিচার ব্যবস্থার ক্ষেত্রেও সুন্নাহ দলীল। মু'আয ইবন জাবাল (রা)-এর হাদীছ এ ব্যাপারে অত্যন্ত মজবুত প্রমাণ। সুন্নাহ আবি দাউদে বর্ণিত -

أَنَّ رَسُولَ اللَّهِ -صلى الله عليه وسلم- لَمَّا أَرَادَ أَنْ يَبْعَثَ مُعَاذًا إِلَى الْيَمَنِ قَالَ « كَيْفَ تَقْضِي إِذَا عَرَضَ لَكَ قَضَاءٌ ». قَالَ أَقْضِي بِكِتَابِ اللَّهِ. قَالَ « فَإِنْ لَمْ تَجِدْ فِي كِتَابِ اللَّهِ ». قَالَ فَبِسُنَّةِ رَسُولِ اللَّهِ -صلى الله عليه وسلم-. قَالَ « فَإِنْ لَمْ تَجِدْ فِي سُنَّةِ رَسُولِ اللَّهِ -صلى الله عليه وسلم- وَلَا فِي كِتَابِ اللَّهِ ». قَالَ أَجْتَهِدُ رَأْيِي وَلَا أَلُو. فَضَرَبَ رَسُولُ اللَّهِ -صلى الله عليه وسلم- صَدْرَهُ وَقَالَ « الْحَمْدُ لِلَّهِ الَّذِي وَفَّقَ رَسُولَ رَسُولِ اللَّهِ لِمَا يُرْضَى رَسُولَ اللَّهِ..

রাসূলুল্লাহ (সাল্লাল্লাহু 'আলাইহি ওয়া সাল্লাম) যখন মু'আয ইবন জাবাল (রা) কে ইয়ামানে পাঠানোর মনস্থ করলেন, তখন তিনি তাঁকে জিজ্ঞাসা করলেন : যখন তোমার কাছে কোন বিচার আসবে তখন তুমি কিভাবে বিচার করবে? তিনি বললেন আমি আল্লাহর কিতাব দ্বারা বিচার করব। রাসূলুল্লাহ (সাল্লাল্লাহু 'আলাইহি ওয়া সাল্লাম) বললেন- তুমি যদি ঐ বিষয়ের কোন কিছু আল্লাহর কিতাবে না পাও তাহলে কি করবে? তিনি বললেন তাহলে রাসূলুল্লাহ (সাল্লাল্লাহু 'আলাইহি ওয়া সাল্লাম) এর সুন্নাহ দ্বারা বিচার করব। রাসূলুল্লাহ (সাল্লাল্লাহু 'আলাইহি ওয়া সাল্লাম) বললেন- তুমি যদি রাসূলুল্লাহ (সাল্লাল্লাহু 'আলাইহি ওয়া সাল্লাম) এর সুন্নাহ এবং আল্লাহর কিতাবেও না পাও তাহলে কি করবে? তিনি বললেন তখন আমি নিজের মত অনুসারে ইজতিহাদ করব আর আমি এ বিষয়ে কোন কমবেশ করবোনা। তখন রাসূলুল্লাহ (সাল্লাল্লাহু 'আলাইহি ওয়া সাল্লাম) তাঁর বুক চাপড়িয়ে বাহবা দিয়ে বললেন : সকল প্রশংসা আল্লাহ তা'আলার জন্য যিনি রাসূলুল্লাহ (সাল্লাল্লাহু 'আলাইহি ওয়া সাল্লাম) এর প্রতিনিধিকে এমন

বিষয়ের ত্রাণফীক দিয়েছেন যা রাসূলুল্লাহ (সাল্লাল্লাহু ‘আলাইহি ওয়া সাল্লাম) কে খুশি করে।^{৬৭}

এ হাদীছটি সুন্নাহ শরী‘আতের দলীল হওয়ার বিষয়টি আরোও নিশ্চিত করে। কেননা যদি সুন্নাহ দলীল না হয় তাহলে কিভাবে রাসূলুল্লাহ (সাল্লাল্লাহু ‘আলাইহি ওয়া সাল্লাম) বিচার ফয়সালার ক্ষেত্রে এটাকে উৎস হিসেবে গ্রহণ করার অনুমোদন দিলেন!

ইসলামী আইনে সুন্নাতে রাসূলের স্থান

আস সুন্নাহ ইসলামী আইনের দ্বিতীয় মূল উৎস। প্রথম মূল উৎস আল-কুরআনের পরেই তার স্থান। সকল যুগের ইসলামী চিন্তাবিদগণের মন্তব্য হলো:

أما الشريعة الإسلامية، فإنها تستمد أحكامها من القرآن الكريم ، ومن السنة النبوية الشريفة

“ইসলামী শরী‘আতের সকল বিধান আল কুর‘আনুল কারীম এবং সুন্নাতে রাসূলের (সাল্লাল্লাহু ‘আলাইহি ওয়া সাল্লাম) উপরে নির্ভরশীল”^{৬৮}

ولا خلاف في أن السنة مصدر للتشريع كما قدمنا ولكن رتبها في ذلك تالية لرتبة الكتاب ، بمعنى أن الاحتجاج بالكتاب مقدم على الاحتجاج بالسنة فإن المجتهد يبحث عن الحكم في الكتاب أولاً فإن وجده أخذ به وإن لم يجده تحول إلى السنة ليتعرف على الحكم فيها دل على هذا الترتيب ما روى عن النبي صلى الله عليه وسلم أنه قال لمعاذ : « كيف تقضي إذا عرض لك قضاء؟ قال أقضي بكتاب الله ، قال : فإن لم تجد في كتاب الله؟ قال : فبسنة رسول الله صلى الله عليه وسلم » الحديث وما روى عن عمر بن الخطاب رضي الله عنه أنه كتب إلى القاضي شريح : (أن اقض بما في كتاب الله فإن لم يكن في كتاب الله فبسنة رسول الله صلى الله عليه وسلم) ولا يعرف مخالف لهذا .

“এ ব্যাপারে কারো কোন দ্বিমত নেই যে, সুন্নাতে রাসূল (সাল্লাল্লাহু ‘আলাইহি

৬৭. সুনানু আবি দাউদ, বাবু ইজতিহাদুর রায় ফিল ক্বাদা, হাদীছ নং-৩৫৯৪

৬৮. মাফাহীম ইসলামিয়াছ, ১ম খণ্ড, পৃষ্ঠা - ১৮৭

ওয়া সাল্লাম) ইসলামী শরী'আতের একটি উৎস ; তবে ক্রমধারা অনুসারে আল-কুরআনের পর সুন্নাহর স্থান। অর্থাৎ আল-কুরআনের দলীল সুন্নাহর দলীলের চেয়ে অগ্রগণ্য হবে। মুজতাহিদ যে কোন ফায়সালার জন্য প্রথমে আল-কুরআনের বিধান তালাশ করবে। যদি সেখানে পাওয়া যায় তা গ্রহণ করতে হবে। আর যদি সেখানে পাওয়া না যায় তাহলে ঐ বিধানের জন্য সুন্নাহর দিকে প্রত্যাবর্তন করতে হবে। এ ধারাবাহিকতার নির্দেশনা মহানবী (সাল্লাল্লাহু 'আলাইহি ওয়া সাল্লাম) এর হাদীছ থেকেই পাওয়া যায়। যেমন তিনি মু'আয (রা) কে জিজ্ঞাসা করলেন: যখন তোমার নিকট কোন বিচার আসবে তখন তুমি কিভাবে বিচার করবে? উত্তরে তিনি বললেন: আমি আল্লাহর কিতাব দ্বারা বিচার করবো। তিনি আবার প্রশ্ন করলেন: তুমি যদি আল্লাহর কিতাবে না পাও? তিনি উত্তর দিলেন : তাহলে রাসূলুল্লাহ (সাল্লাল্লাহু 'আলাইহি ওয়া সাল্লাম) এর সুন্নাহ দ্বারা বিচার করবো।”

অপরদিকে 'উমার (রা) থেকে বর্ণিত আছে যে, তিনি কাজী গুরাইহকে লিখে পাঠালেন: “তুমি আল্লাহর কিতাবে বর্ণিত বিধান অনুযায়ী বিচার করবে। আর যদি আল্লাহর কিতাবে ঐ বিধান না থাকে তাহলে রাসূলুল্লাহ (সাল্লাল্লাহু 'আলাইহি ওয়া সাল্লাম) এর সুন্নাহ দ্বারা বিচার করবে”। এর বিপরীত কোন বক্তব্যের কথা জানা যায়না।^{৬৯}

'আবদুল্লাহ ইবন মাস'উদ (রা) বলেন:

من عرض له منكم قضاء فليقض بما في كتاب الله ، فإن جاءه أمر ما ليس في كتاب الله فليقض بما قضى به نبيه صلى الله عليه وسلم.

“তোমাদের কারো কাছে বিচার কার্য আসলে সে যেন কিতাবুল্লাহর বিধান অনুযায়ী বিচার করে। আর যদি তার কাছে এমন বিচার আসে যার বিধান কিতাবুল্লাহতে নেই তাহলে সে যেন রাসূলুল্লাহ (সাল্লাল্লাহু 'আলাইহি ওয়া সাল্লাম) এর বিচারের বিধান অনুযায়ী বিচার করে।”^{৭০}

আল্লাহ তা'আলা কুরআন মজীদে সংক্ষিপ্তাকারে যে সকল বিধান ও পথনির্দেশনা দান করেছেন অথবা যে সকল মূলনীতি বর্ণনা করেছেন, মহানবী (সাল্লাল্লাহু 'আলাইহি ওয়া সাল্লাম) সুন্নাহর মাধ্যমে তার বিস্তারিত বর্ণনা দিয়েছেন। অথবা

৬৯. আল ফিকহ ওয়াশ শারী'আহ, ১ম খণ্ড, পৃঃ-৩৬

৭০. ড. ওয়াহ্বাহ আয যুহাইলী, উছুলুল ফিকহিল ইসলামী, দামেশক : দারুলফিকর, ৩য় সংস্করণ, ২০০৫, পৃঃ-৪৪২

নিজের পছন্দ ও অপছন্দের কথা প্রকাশ করে তাঁর রাসূলের উপর এ দায়িত্ব অর্পণ করেছেন যে, তিনি শুধু আক্ষরিকভাবেই এই আইনের বিস্তারিত রূপ দান করবেন না, বরং বাস্তবে তা কার্যকর করে তদনুযায়ী আমল করেও দেখিয়ে দেবেন। আল্লাহ তা'আলা বলেন-

وَأَنْزَلْنَا إِلَيْكَ الذِّكْرَ لَتُبَيِّنَ لِلنَّاسِ مَا نُزِّلَ إِلَيْهِمْ

“(হে নবী) আমি তোমার প্রতি এ উপদেশবাণী (আল-কুরআন) এ জন্য অবতীর্ণ করেছি যেন তুমি মানুষের জন্য অবতীর্ণ এ গ্রন্থের ব্যাখ্যা-বিশ্লেষণ তাদের সামনে তুলে ধরতে পার।”^{৭১}

আল্লাহ তা'আলার এ নির্দেশনার পর এ বিষয়টি স্পষ্ট হয়ে গেল যে, মহানবী (সাল্লাল্লাহু 'আলাইহি ওয়া সাল্লাম) এর বক্তব্য ও কর্মমূলক বর্ণনা কুরআন মজীদ থেকে পৃথক কোন জিনিস নয়। মূলত: তা কুরআনের আলোকে এ আইনেরই একটি অংশ। তা অস্বীকার করা স্বয়ং কুরআনকে এবং আল্লাহর নির্দেশনামাকে অস্বীকার করার নামান্তর। এ বিষয়টি আরোও স্পষ্ট করার জন্য মহানবী (সাল্লাল্লাহু 'আলাইহি ওয়া সাল্লাম) কর্তৃক আল-কুরআনুল কারীমের ব্যাখ্যা-বিশ্লেষণকৃত আইন প্রণয়নমূলক কাজের কয়েকটি দৃষ্টান্ত পেশ করছি।

সুন্নাহ দ্বারা আইন প্রণয়ন মূলক কাজের কয়েকটি দৃষ্টান্ত:

১. আল-কুরআনে আল্লাহ তা'আলা বলেছেন- **اللَّهُ يُحِبُّ الْمُطَهَّرِينَ** - “আল্লাহ তা'আলা পবিত্রতা অর্জনকারীদের পছন্দ করেন”। (আত-তাওবাহ : ১০৮) এবং আল্লাহ তা'আলা মহানবী (সাল্লাল্লাহু 'আলাইহি ওয়া সাল্লাম) কে তাঁর নিজের পোশাক পবিত্র রাখার নির্দেশ দিয়েছেন - **وَيَأْتِكَ فَطَهِّرْ** - “তুমি তোমার পোশাক পবিত্র রাখ”। (আল-মুদাসসির : ৪) মহানবী (সাল্লাল্লাহু 'আলাইহি ওয়া সাল্লাম) উক্ত আয়াতদ্বয়ের লক্ষ্য ও উদ্দেশ্য নির্ধারণ পূর্বক তা কার্যে পরিণত করার জন্য পায়খানা-পেশাবের পর পরিচ্ছন্নতা অর্জন এবং দেহ ও পরিধেয় বস্ত্র পবিত্র রাখার ব্যাপারে বিস্তারিত বর্ণনা দান করেছেন এবং তদনুযায়ী কাজ করে দেখিয়ে দিয়েছেন।

২. কুরআন মজীদে আল্লাহ তা'আলা নির্দেশ দিয়েছেন যে, তোমরা যদি (সহবাস জনিত কারণে) অপবিত্র হয়ে যাও, তাহলে পবিত্রতা অর্জন না করে ছালাত আদায় করোনা (দ্র. সূরা আন-নিসা:৪৩; আল-মায়িদা: ৬)। মহানবী (সাল্লাল্লাহু

‘আলাইহি ওয়া সাল্লাম) বিস্তারিতভাবে বলে দিয়েছেন যে, এখানে নাপাক অর্থ কি? এ নাপাক কোন অবস্থার উপর প্রযোজ্য, আর কোন অবস্থার উপর প্রযোজ্য নয় এবং এ নাপাকি থেকে পাক হওয়ার পন্থা কি?

৩. সালাত আদায়ের পূর্বে পবিত্রতা অর্জনের নিমিত্তে কুরআন মাজীদে আল্লাহ তা‘আলা হুকুম করেছেন-

يَا أَيُّهَا الَّذِينَ آمَنُوا إِذَا قُمْتُمْ إِلَى الصَّلَاةِ فَاغْسِلُوا وُجُوهَكُمْ وَأَيْدِيَكُمْ إِلَى الْمَرَافِقِ وَامْسَحُوا بِرُءُوسِكُمْ وَأَرْجُلَكُمْ إِلَى الْكَعْبَيْنِ

হে ঈমানদারগণ! তোমরা যখন ছালাতের জন্য উঠ তখন নিজেদের মুখ এবং কনুই পর্যন্ত উভয় হাত ধৌত কর। মাথা মাসেহ কর এবং পদদ্বয় ধৌত কর বা মাসেহ কর।^{৯২} রাসূলুল্লাহ (সাল্লাল্লাহু ‘আলাইহি ওয়া সাল্লাম) বলে দেন যে, মুখ ধৌত করার নির্দেশের মধ্যে কুলকুচা করা ও নাক পরিষ্কার করাও অন্তর্ভুক্ত রয়েছে। কান মাথার একটি অংশ, তাই মাথার সাথে কানও মাসেহ করতে হবে। পদদ্বয়ে মোজা পরিহিত থাকলে তা মাসেহ করবে এবং মোজা পরিহিত না থাকলে তা ধৌত করবে। সাথে সাথে তিনি এটাও বর্ণনা করেছেন যে, কোন অবস্থায় উয়ু ছুটে যায় এবং কোন অবস্থায় তা অবশিষ্ট থাকে।

৪. কুরআনুল কারীমে আল্লাহ তা‘আলা বলেন যে, রোযাদার ব্যক্তি রাতের বেলা ফজরের সময় কালো সূতা সাদা সূতা থেকে পৃথক না হয়ে যাওয়া পর্যন্ত পানাহার করতে পারবে। আল্লাহ তা‘আলা বলেন-

وَكُلُّوا وَأَشْرَبُوا حَتَّى يَتَبَيَّنَ لَكُمُ الْخَيْطُ الْأَبْيَضُ مِنَ الْخَيْطِ الْأَسْوَدِ مِنَ الْفَجْرِ

“তোমরা পানাহার কর যতক্ষণ না ফজরের সময় সাদা সূতা থেকে কালো সূতা পৃথক হয়ে যায়।”^{৯৩}

মহানবী (সাল্লাল্লাহু ‘আলাইহি ওয়া সাল্লাম) বলেন, এর অর্থ রাতের অন্ধকার থেকে ভোরের শুভ্র আলো উদ্ভাসিত হওয়া।

৫. আল-কুরআনে আল্লাহ তা‘আলা পানাহারের জিনিসসমূহের মধ্যে কোন কোন জিনিস হালাল এবং কোন কোন জিনিস হারাম হওয়ার কথা বলার পর অবশিষ্ট

৯২. সূরা আল-মায়িদা : ৬

৯৩. সূরা আল-বাকারাহ : ১৮৭

জিনিসসমূহের ব্যাপারে এ সাধারণ নির্দেশ দেন যে, “তোমাদের জন্য পাক জিনিস হালাল এবং নাপাক জিনিস হারাম করা হয়েছে। আল্লাহ তা‘আলা বলেন :

يَسْأَلُونَكَ مَاذَا أَحِلَّ لَهُمْ قُلْ أَحِلَّ لَكُمْ الطَّيِّبَاتُ

“(হে রাসূল) তারা তোমাকে জিজ্ঞাসা করবে তাদের জন্য কি কি হালাল করা হয়েছে? তুমি বলে দাও তোমাদের জন্য পবিত্র জিনিসসমূহ হালাল করা হয়েছে”।^{৭৪}

মহানবী (সাল্লাল্লাহু ‘আলাইহি ওয়া সাল্লাম) স্বীয় বক্তব্য ও বাস্তব কর্মের মাধ্যমে এর বিস্তারিত বর্ণনা দান করেছেন যে, পাক জিনিস কি যা আমরা খেতে পারি এবং নাপাক জিনিস কি যা থেকে আমাদের দূরে থাকা উচিত।

৬. কুরআনুল কারীমে উত্তরাধিকার আইনের বর্ণনা প্রসঙ্গে আল্লাহ তা‘আলা বলেন :

فَإِنْ كُنَّ نِسَاءً فَوْقَ اثْنَتَيْنِ فَلَهُنَّ ثُلُثَا مَا تَرَكَ وَإِنْ كَانَتْ وَاحِدَةً فَلَهَا النِّصْفُ

মৃত ব্যক্তির যদি কোন পুত্র সন্তান না থাকে এবং একটি মাত্র কন্যা সন্তান থাকে, তবে সে তার পরিত্যক্ত সম্পদের অর্ধেক পাবে এবং তাদের সংখ্যা দুইয়ের অধিক হলে তারা সকলে মিলে পরিত্যক্ত সম্পত্তির দুই-তৃতীয়াংশ পাবে।^{৭৫} এখানে এ কথা বলে দেয়া হয়নি যে, যদি দুইজন কন্যা সন্তান থাকে তবে তারা কতটুকু অংশ পাবে? মহানবী (সাল্লাল্লাহু ‘আলাইহি ওয়া সাল্লাম) ব্যাখ্যা করে বলে দেন যে, দুই কন্যা সন্তানও দুইয়ের অধিক কন্যা সন্তানের সমান অংশ পাবে।

৭. আল্লাহ তা‘আলা একই সময় একই ব্যক্তির বিবাহাধীনে দুই সহোদর বোনকে একত্র করতে নিষেধ করেছেন; আল্লাহ তা‘আলা বলেন : وَأَنْ تَجْمَعُوا بَيْنَ الْأُخْتَيْنِ “আর তোমাদের জন্য হারাম করা হয়েছে একত্রে দুই সহোদরকে বিবাহ করা।”^{৭৬} মহানবী (সাল্লাল্লাহু ‘আলাইহি ওয়া সাল্লাম) বলেছেন যে, ফুফু-ভাইঝি এবং খালা- বোনঝিও এই হুকুমের মধ্যে शामिल রয়েছে।

৮. কুরআন মাজীদে আল্লাহ তা‘আলা পুরুষদের জন্য একসঙ্গে দুই দুই, তিন তিন অথবা চার চার মহিলাকে বিবাহ করার অনুমতি প্রদান করেছেন। আল্লাহ

৭৪. সূরা আল-মায়িদাহ : ৪

৭৫. সূরা আন- নিসা : ১১

৭৬. সূরা আন-নিসা : ২৩

তা'আলা বলেন :

فَالْكُحُومَ مَا طَابَ لَكُمْ مِنَ النِّسَاءِ مَثْنَى وَثُلَاثَ وَرُبَاعَ

“অর্থাৎ তোমরা তোমাদের পছন্দ মত দুই দুই, তিন তিন ও চার চারটা করে বিয়ে কর”।^{৭৭} এ আয়াতে চূড়ান্তভাবে সুস্পষ্ট করা হয়নি যে, এক ব্যক্তি একই সময় নিজের বিবাহাধীনে চারের অধিক স্ত্রী রাখতে পারবেনা। হুকুমের এ উদ্দেশ্য ও ব্যাখ্যা মহানবী (সাল্লাল্লাহু ‘আলাইহি ওয়া সাল্লাম) প্রদান করেছেন। যাদের বিবাহাধীনে চারের অধিক স্ত্রী ছিল, মহানবী (সাল্লাল্লাহু ‘আলাইহি ওয়া সাল্লাম) তাদেরকে চারের অধিক স্ত্রীদের তালাক দেয়ার নির্দেশ দেন।

৯. আল্লাহ তা'আলা হজ্ব ফরয হওয়া সম্পর্কে সাধারণ নির্দেশ দিয়ে বলেন :

وَلِلَّهِ عَلَى النَّاسِ حِجُّ الْبَيْتِ مَنِ اسْتَطَاعَ إِلَيْهِ سَبِيلًا

“যারা বাইতুল্লাহ পর্যন্ত পৌছতে সক্ষম তাদের উপরে আল্লাহর উদ্দেশ্যে হজ্ব করা ফরয”।^{৭৮}

এ আয়াতে হজ্ব ফরয হওয়া সম্পর্কে সাধারণ নির্দেশ দেয়া হয়েছে। এখানে পরিষ্কার ভাবে বলা হয়নি যে, এ ফরয কার্যকর করার জন্য প্রত্যেক মুসলিমকে প্রতি বছর হজ্ব করতে হবে, নাকি জীবনে একবার হজ্ব করাই যথেষ্ট, অথবা একাধিকবার হজে যাওয়া উচিত? এটা আমরা মহানবী (সাল্লাল্লাহু ‘আলাইহি ওয়া সাল্লাম) এর ব্যাখ্যার মাধ্যমে জানতে পারি যে, জীবনে একবার মাত্র হজ্ব করেই কোন ব্যক্তি হজ্জের ফরযিয়াত থেকে অব্যাহতি পেতে পারে।^{৭৯}

উপর্যুক্ত উদাহরণ সমূহ থেকে এ বিষয়টি স্পষ্ট হলো যে, মহানবী (সাল্লাল্লাহু ‘আলাইহি ওয়া সাল্লাম) আল্লাহ তা'আলার প্রদত্ত আইন প্রণয়নের ইখতিয়ার প্রয়োগ করে কুরআন মাজীদে বিধানসমূহ, পথনির্দেশ, ইশারা-ইংগিত ও অন্তর্নিহিত বিষয়সমূহের ব্যাখ্যা প্রদান করেছেন। যা ইসলামের আবশ্যিক বিধানের অর্ন্তভুক্ত। তা মেনে নেয়া প্রত্যেক মুসলিমের ঈমানী কর্তব্য। এ বিষয়গুলো যেহেতু কুরআন মাজীদে ক্ষমতা অর্পণের নির্দেশের উপর ভিত্তিশীল, তাই তা

৭৭. সূরা আন-নিসা : ৩

৭৮. সূরা আলে- ইমরান : ৯৭

৭৯. দ্রষ্টব্য. সাইয়েদ আবুল আ'লা মওদুদী, সুন্নাতে রাসূলের আইনগত মর্যাদা, (ঢাকা : শতাব্দী প্রকাশনী, ৩য় সংস্করণ, ২০০৪ইং), পৃষ্ঠা- ৭৭-৭৯।

কুরআন থেকে স্বতন্ত্র কোন বিধান নয়, বরং কুরআনের বিধানেরই অংশ। অথচ তা প্রতিষ্ঠিত হয়েছে মহানবী (সাল্লাল্লাহু ‘আলাইহি ওয়া সাল্লাম) এর সুন্নাহ দ্বারা।

১০. আবার কখনো কখনো স্বতন্ত্রভাবেও সুন্নাহ দ্বারা বিধান প্রতিষ্ঠিত হয়েছে যার উল্লেখ কুরআনে নেই। যেমন দাদীর উত্তরাধিকারী স্বত্ব- মহানবী (সাল্লাল্লাহু ‘আলাইহি ওয়া সাল্লাম) দাদীর জন্য এক ষষ্ঠাংশ নির্ধারণ করে দিয়েছেন। তবে এটাই শতসিদ্ধ কথা যে, সুন্নাহ দ্বারা প্রতিষ্ঠিত আইনের মূল উৎসও আল-কুরআন। কুরআনের বিধান অনুধাবন ও তা বাস্তবায়নের জন্য-সুন্নাহ অপরিহার্য। সুন্নাহকে বাদ দিয়ে কুরআন বুঝা ও তার উপর আমল করা কখনও সম্ভব নয়।

আল্লাহ তা‘আলা ঘোষণা করেছেন যে, রাসূলুল্লাহ (সাল্লাল্লাহু ‘আলাইহি ওয়া সাল্লাম) যেন মানুষকে দীনের বিধি-বিধান শিক্ষা দিতে পারেন সে জন্য তাঁকে আল-কুরআন ও আল-হিকমাহ দান করা হয়েছে। আল্লাহ তা‘আলা বলেন-

لَقَدْ مَنَّ اللَّهُ عَلَى الْمُؤْمِنِينَ إِذْ بَعَثَ فِيهِمْ رَسُولًا مِنْ أَنْفُسِهِمْ يَتْلُو عَلَيْهِمْ آيَاتِهِ وَيُزَكِّيهِمْ وَيُعَلِّمُهُمُ الْكِتَابَ وَالْحِكْمَةَ وَإِنْ كَانُوا مِنْ قَبْلُ لَفِي ضَلَالٍ مُبِينٍ

“অবশ্যই আল্লাহ তা‘আলা মুমিনদের প্রতি অনুগ্রহ করেছেন যে, তিনি তাদের নিজেদের মধ্য থেকে এমন একজন রাসূল পাঠিয়েছেন, যিনি তাঁর আয়াতসমূহ তাদের নিকট তিলাওয়াত করেন, তাদেরকে পরিষ্কৃত করেন এবং কিতাব ও হিকমাহ শিক্ষা দেন, যদিও তারা পূর্বে স্পষ্ট পথভ্রষ্ট ছিল”।^{৮০} এ আয়াতে উল্লেখিত “হিকমাহ” বলতে সুন্নাহ বুঝানো হয়েছে।

এ প্রসঙ্গে ‘আস্ সুন্নাহ ওয়া মাকানাতুহা’ নামক গ্রন্থ প্রণেতা ড. মুস্তাফা আসসিবাঈ বলেন- জামহুর ‘আলিম ও কুরআন বিশেষজ্ঞগণ বলেছেন, আয়াতে উল্লেখিত হিকমাহ হলো কুরআন থেকে ভিন্ন একটি জিনিস। আর তা হলো আল্লাহ তাঁর রাসূলকে (সাল্লাল্লাহু ‘আলাইহি ওয়া সাল্লাম) দীনের যে সকল গোপন বিষয় ও শরী‘আতের বিধি-বিধান অবহিত করেছেন তা-ই। আর ‘আলিমগণ তাকে আস্ সুন্নাহ বলে অভিহিত করে থাকেন। ইমাম আশ-শাফি‘ঈ (রহ) বলেন: “আল্লাহ “আল-কিতাব” উল্লেখ করেছেন, সেটা হলো আল-কুরআন। তিনি “আল-হিকমাহ” উল্লেখ করেছেন, আমি কুরআন বিশেষজ্ঞদের বলতে শুনেছি আল-হিকমাহ হলো রাসূলুল্লাহ (সাল্লাল্লাহু ‘আলাইহি ওয়া সাল্লাম) এর সুন্নাহ।

কেননা আল-কুরআন উল্লেখ করার পরই আলহিকমাহর উল্লেখ করা হয়েছে। আর আল্লাহ তাঁর সৃষ্টিকে আল-কিতাব ও আল-হিকমাহ শিক্ষা নানের অনুগ্রহের কথা বলেছেন। সুতরাং এখানে আল-হিকমাহ অর্থ রাসূলুল্লাহ (সাল্লাল্লাহু ‘আলাইহি ওয়া সাল্লাম) এর সুন্নাহ ছাড়া আর কিছু বলা সংগত হবেনা। কারণ, আল-হিকমাহ শব্দটি আল-কিতাবের সাথে সংযুক্তভাবে এসেছে। তাছাড়া আল্লাহ তা‘আলা তাঁর রাসুলের আনুগত্য ও অনুসরণ ফরয করেছেন এবং মানুষের জন্য তাঁর আদেশ-নিষেধ মানা অপরিহার্য করেছেন। সুতরাং কিতাবুল্লাহ ও সুন্নাতু রাসূলিল্লাহ (সাল্লাল্লাহু ‘আলাইহি ওয়া সাল্লাম) ফরয হওয়ার কথা ছাড়া অন্য কিছু বলা সংগত হবেনা। যেমন আমরা বলেছি আল্লাহ তাঁর উপর ঈমান আনার সাথে তাঁর রাসুলের প্রতি ঈমানের কথাও বলেছেন।”^{৮১}

ইমাম শাফি‘ঈর (রহ) উপরোক্ত বক্তব্য দ্বারা বুঝা যায় যে, আয়াতে উল্লেখিত আল-হিকমাহ দ্বারা যে সুন্নাহ বুঝায় সে ব্যাপারে তিনি দৃঢ় প্রত্যয় ব্যক্ত করেছেন। কারণ আল্লাহ তা‘আলা আল-হিকমাহকে সংযোজক অব্যয়ের মাধ্যমে আল-কিতাবের সাথে যুক্ত করেছেন। ফলে দু’টি যে ভিন্ন জিনিস তা বুঝা যায়। তা কেবল সুন্নাহ ছাড়া আর কিছু হতে পারেনা। কারণ আল্লাহ আমাদেরকে শিক্ষা দানের যে অনুগ্রহের কথা বলেছেন, তার মধ্যে সুন্নাহ একটি। আর সত্য ও সঠিক জিনিস ছাড়া আল্লাহর অনুগ্রহ হতে পারেনা। সুতরাং আল-কুরআনের মত সুন্নাহর অনুসরণও ওয়াজিব। আমাদের উপর কেবল আল-কুরআন এবং রাসুলের (সাল্লাল্লাহু ‘আলাইহি ওয়া সাল্লাম) আনুগত্য আবশ্যিক করা হয়েছে। অতএব এ কথা দ্বারা প্রমাণিত হলো যে, হিকমাহ হলো আইন ও বিধানের ক্ষেত্রে রাসূলুল্লাহ (সাল্লাল্লাহু ‘আলাইহি ওয়া সাল্লাম) এর যে সকল কথা ও সিদ্ধান্ত বর্ণিত হয়েছে তা-ই।^{৮২}

উপর্যুক্ত আলোচনা থেকে এ বিষয়টি পরিষ্কার হলো যে, রাসূলুল্লাহকে (সাল্লাল্লাহু ‘আলাইহি ওয়া সাল্লাম) আল-কুরআন ও তার সাথে অন্য যে জিনিসটি দান করা হয়েছে তার (সুন্নাহ) আনুগত্য করা ওয়াজিব। রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর পরিচয় দিতে গিয়ে আল্লাহ তা‘আলা সে কথা এ ভাবে

৮১. দেখুন আস-সুন্নাহ ওয়া মাকানাতুহা, পৃষ্ঠা-৫৯-৬০

৮২. প্রাণ্ডক্ত, পৃষ্ঠা- ৬০

স্পষ্টভাবে বর্ণনা করেছেন :

يَأْمُرُهُم بِالْمَعْرُوفِ وَيَنْهَاهُمْ عَنِ الْمُنْكَرِ وَيُحِلُّ لَهُمُ الطَّيِّبَاتِ وَيُحَرِّمُ عَلَيْهِمُ
الْخَبَائِثَ

“সে নবী তাদেরকে সংকাজের নির্দেশ দেয়, অসৎকাজ করতে নিষেধ করে, তাদের জন্য পবিত্র বস্ত্রসমূহ হালাল করে এবং অপবিত্র বস্ত্রসমূহ হারাম করে”।^{৮৩}

এ আয়াত দ্বারা স্পষ্টভাবে প্রতীয়মান হয় যে, আল্লাহ তা‘আলা মহানবীকে (সাল্লাল্লাহু ‘আলাইহি ওয়া সাল্লাম) আইন প্রণয়নের ক্ষমতাও দিয়েছেন। তাঁর ক্ষমতাকে শুধুমাত্র আল-কুরআনের বিধানের ব্যাখ্যা-বিশ্লেষণ পর্যন্ত সীমিত করার কোন কারণ নেই। এ প্রসংগে মিকদাম ইবন মা‘দীকারাব (রা) থেকে বর্ণিত হাদিছ প্রণিধানযোগ্য। তিনি বলেন :

ألا وإني أوتيت الكتاب و مثله معه

“তোমরা জেনে রাখ, আমাকে আল-কিতাব ও আল-কিতাবের অনুরূপ আরেকটি জিনিস দেয়া হয়েছে।”^{৮৪}

আল্লাহ তা‘আলা আরোও বলেন :

وَمَا آتَاكُمُ الرَّسُولُ فَخُذُوهُ وَمَا نَهَاكُمْ عَنْهُ فَانْتَهُوا وَاتَّقُوا اللَّهَ إِنَّ اللَّهَ شَدِيدُ
الْعِقَابِ

“রাসূলুল্লাহ (সাল্লাল্লাহু ‘আলাইহি ওয়া সাল্লাম) তোমাদেরকে যা দেন তা গ্রহণ কর এবং যা থেকে বিরত থাকতে বলেন তা থেকে বিরত থাক। আর আল্লাহকে ভয় কর, নিশ্চয় আল্লাহ তা‘আলা কঠিন শাস্তি দাতা।”^{৮৫}

এ আয়াতের মধ্যেও এমন কোন ইংগিত নেই যার দ্বারা একথা বলা যেতে পারে যে, মহানবী (সাল্লাল্লাহু ‘আলাইহি ওয়া সাল্লাম) কুরআনের আয়াতের আকারে যা কিছু দেবেন শুধু তা-ই গ্রহণ করতে হবে। বরং তিনি যা কিছুই দেন তা

৮৩. সূরা আল-আ‘রাফ : ১৫৭

৮৪. আস-সুন্নাহ ওয়া মাকানাতুহা : পৃষ্ঠা- ৬০

৮৫. সূরা আল হাশর : ৭

কুরআনের আয়াত হোক কিংবা কুরআনের আয়াতের কোন ব্যাখ্যা হোক কিংবা কুরআনে নেই এমন কিছু হোক সকল কিছুরই আনুগত্য করা উম্মাতের উপর ওয়াজিব। সুতরাং তাঁর সুন্নাহকে অমান্য করার কোন সুযোগই নেই। রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর সুন্নাহ না মানলে আল-কুরআনও মানা সম্ভব হবে না। কুরআনের অনেক বিষয়ই অজানা থেকে যাবে। কেননা আল-কুরআনে যে বিষয় সংক্ষিপ্ত পরিসরে বর্ণিত হয়েছে সুন্নাহর মাধ্যমেই তার বিস্তারিত ব্যাখ্যা দেয়া হয়েছে। যেমন-

الَّذِينَ آمَنُوا وَلَمْ يَلْبِسُوا إِيمَانَهُمْ بِظُلْمٍ أُولَٰئِكَ لَهُمُ الْأَمْنُ وَهُمْ مُهْتَدُونَ

“যারা ঈমান এনেছে এবং তাদের ঈমানকে যুল্মের সাথে মিশ্রিত করে নাই তাদের জন্য রয়েছে নিরাপত্তা এবং তারাই হিদায়াতপ্রাপ্ত”।^{৮৬}

এ আয়াত নাযিলের পর সাহাবায়ে কিরাম রাদিয়াল্লাহু ‘আনহুম নাফসের উপর যুল্ম করা বুঝেছিলেন, ফলে তাঁরা খুবই চিন্তিত হয়ে পড়েছিলেন। তখন মহানবী ব্যাখ্যা দিয়ে বললেন এখানে যুল্মের অর্থ শিরক। যেমন ছাহীহ আল বুখারীর এক রিওয়ায়াতে বর্ণিত হয়েছে :

لَمَّا نَزَلَتْ {الَّذِينَ آمَنُوا وَلَمْ يَلْبِسُوا إِيمَانَهُمْ بِظُلْمٍ} قُلْنَا يَا رَسُولَ اللَّهِ أَيُّنَا لَيَظْلِمُ نَفْسَهُ قَالَ لَيْسَ كَمَا تَقُولُونَ لَمْ يَلْبِسُوا إِيمَانَهُمْ بِظُلْمٍ بِشْرِكٍ أَوْ لَمْ تَسْمَعُوا إِلَى قَوْلِ لُقْمَانَ لِابْنِهِ يَا بُنَيَّ لَأَتُشْرِكُ بِاللَّهِ إِنَّ الشِّرْكَ لَظُلْمٌ عَظِيمٌ

“যখন আয়াত নাযিল হ’ল তখন আমরা বললাম হে আল্লাহর রাসূল, আমাদের মধ্যে এমন কে আছে যে নিজের নাফসের উপর যুল্ম করেনা? রাসূলুল্লাহ (সাল্লাল্লাহু ‘আলাইহি ওয়া সাল্লাম) বললেন, এ আয়াতের অর্থ তোমরা যেমন বলছ তেমন নয়। এখানে যুল্ম অর্থ শিরক। লোকমান তাঁর ছেলেকে বলেছিলেন, হে প্রিয় বৎস! আল্লাহর সাথে কাউকে শরীক করোনা। নিশ্চয় শিরক হলো বড় যুল্ম। তোমরা কি এ কথা শোননি?”^{৮৭}

সুন্নাহ শরী‘আতের দলীল হওয়া সম্পর্কে সাহাবায়ে কিরাম ও মনীষীগণের অবস্থান :

সাহাবায়ে কিরামের যুগ থেকে শুরু করে বর্তমান যুগের সকল মুসলিম এ ব্যাপারে

৮৬. সূরা আল আন‘আম : ৮২

৮৭. আল বুখারী, খণ্ড ১১, পৃষ্ঠা-১৪৭

ঐকমত্য পোষণ করেন যে, সুন্নাহ সহীহ বলে প্রমানিত হওয়ার পর তার উপরে 'আমল করা ওয়াজিব। এ জন্যই তাঁরা আল-কুরআনকে যেমন গুরুত্ব সহকারে গ্রহণ করেছেন সুন্নাহকেও ঠিক তেমন গুরুত্ব সহকারে গ্রহণ করেছেন। ইসলামের সূচনা লগ্ন থেকেই যে কোন বিষয়ের সমস্যা সমাধানের জন্য কুরআনের পরেই সুন্নাহর দিকে প্রত্যাবর্তন করা হতো। খুলাফায়ে রাশিদীন থেকে শুরু করে বর্তমান সময় পর্যন্ত মনীষীগণের দিকে লক্ষ্য করলে দেখা যায় যে, সাহাবায়ে কিরাম, তাবে'ঈন, তাবে তাবে'ঈন এবং আইম্মায়ে মুজতাহিদীন গণের কেউই শরী'আতের দলীল হিসেবে সুন্নাহকে অস্বীকার করেননি। বরং তাঁরা সবাই সুন্নাহকে দলীল হিসেবে গ্রহণ করেছেন এবং যারা সুন্নাহকে দলীল হিসেবে গ্রহণ করতে অস্বীকার করেছে তাদের বিরোধিতা করেছেন। তাদের থেকে সাবধান থাকার জন্য সকল মুসলিমকে সতর্ক করেছেন। সুন্নাহর অনুসারীগণকে অত্যধিক মর্যাদা দিয়েছেন এবং সুন্নাহকে সংরক্ষণ করার জন্য তাঁরা নিরলস প্রচেষ্টা চালিয়েছেন। রাসূলুল্লাহ (সাল্লাল্লাহু 'আলাইহি ওয়া সাল্লাম)-এর জীবদ্দশায় সাহাবায়ে কিরাম (রা) হাদীছ শ্রবন, তা মুখস্থকরণ এবং তা বর্ণনা করার ক্ষেত্রে প্রতিযোগিতামূলক মনোভাব পোষণ করতেন। তাঁরা সবাই চাইতেন যেন মহানবী (সাল্লাল্লাহু 'আলাইহি ওয়া সাল্লাম)-এর কোন কথাই তাঁদের থেকে ছুটে না যায় এবং যথাসাধ্য সুন্নাহর উপর 'আমল করতেন। তাঁদের এ অবস্থা প্রমাণ করে তাঁরা সুন্নাহকে কত গুরুত্ব সহকারে গ্রহণ করেছেন এবং সুন্নাহর জন্য তাঁরা কত নিবেদিত প্রাণ ছিলেন। মহানবী (সাল্লাল্লাহু 'আলাইহি ওয়া সাল্লাম)-এর ওফাতের পর তাঁরা সুন্নাহর উপর 'আমল করা এবং জালিয়াতের হাত থেকে সুন্নাহকে হিফাযাত করার জন্য অধিকতর প্রচেষ্টা চালিয়েছেন। কেননা মুসলিমদের 'আকীদা-বিশ্বাস, 'ইবাদাত-বন্দেগী, সামাজিক ও পারিবারিক আইন-কানুন তথা তাদের জীবনের সকল কর্মকাণ্ডের সাথেই সুন্নাহর গভীর সম্পর্ক রয়েছে। সুন্নাহ মুতাবিক কোনকিছু সংগঠিত হলে তা গ্রহণযোগ্য পক্ষান্তরে সুন্নাহ মুতাবিক না হলে তা প্রত্যাখ্যাত বলে বিবেচিত হয়। এ থেকে বিষয়টি অধিকতর স্পষ্ট হলো যে, সাহাবায়ে কিরাম (রা) ও পরবর্তী মনীষীগণ সুন্নাহকে শরী'আতের দলীল হিসেবে গ্রহণ করেছেন।

সাহাবায়ে কিরামের (রা) অবস্থান :

সাহাবায়ে কিরাম (রা) সুন্নাহকে দলীল হিসেবে গ্রহণ করার ক্ষেত্রে অত্যধিক গুরুত্ব দিয়েছেন। এজন্য তাঁরা সুন্নাহর সংরক্ষণ ও সংকলনের জন্য

প্রয়োজনবোধে অনেক দূর-দুরান্তের রাস্তা অতিক্রম করেছেন। কোন বিষয়ে সুন্নাহ পাওয়া গেলে তাঁরা তাঁদের নিজস্ব মত ও ইজতিহাদ পরিত্যাগ করে সুন্নাহর উপর 'আমল করতেন। উদাহরণ স্বরূপ নিম্নে কয়েকটি দৃষ্টান্ত পেশ করছি:-

আবু বাকর (রা) এর অবস্থান :

আবু বাকর (রা) এর খিলাফাতকালে জনৈকা মহিলা এসে তাঁর নিকট দাদী হিসেবে তার মীরাছ দাবী করলেন। তখন তিনি ঐ মহিলাকে বললেন আল্লাহর কিতাবে তোমার জন্য কোন অংশ নির্ধারণ করে দেয়া হয়নি। মহানবীর (সাল্লাল্লাহু 'আলাইহি ওয়া সাল্লাম) সুন্নাহয় এ বিষয়ে কিছু আছে কিনা তা আমার জানা নেই। তুমি এখন চলে যাও, আমি এ বিষয়ে অন্যান্যদের কাছে জিজ্ঞাসা করে নিই। তখন তিনি এ সম্পর্কে উপস্থিত লোকজনকে জিজ্ঞাসা করলেন। মুগীরা ইবন্ শু'বাহ (রা) বললেন : আমি মহানবী (সাল্লাল্লাহু 'আলাইহি ওয়া সাল্লাম)-এর কাছে উপস্থিত ছিলাম এমতাবস্থায় এ ধরনের মহিলাকে তিনি এক ষষ্ঠাংশ প্রদান করেছেন। তখন আবু বাকর (রা) বললেন : এ বিষয়ে তুমি ছাড়া আরো কেউ জানেনি? তখন মুহাম্মাদ ইবনে মাসলামাহ আল-আনছারী দাঁড়িয়ে মুগীরা ইবন্ শু'বাহর (রা) অনুরূপ বললেন। তখন আবু বাকর ছিন্দীক (রা) উক্ত মহিলাকে এক ষষ্ঠাংশ প্রদানের নির্দেশ দিলেন।^{৮৮} আবু বাকর (রা) যখন মুগীরা ইবন্ শু'বাহর (রা) কাছ থেকে জানতে পারলেন যে, মহানবী (সাল্লাল্লাহু 'আলাইহি ওয়া সাল্লাম) এ ধরনের মহিলাকে এক ষষ্ঠাংশ প্রদান করেছেন, এবং মুহাম্মাদ ইবনে মাসলামাহ আল-আনছারীর (রা) সাক্ষ্যের দ্বারা বিষয়টি সম্পর্কে নিশ্চিত হলেন তখন তিনি রাসূলুল্লাহ (সাল্লাল্লাহু 'আলাইহি ওয়া সাল্লাম)-এর অনুসরণ করে সুন্নাহর উপর 'আমল করলেন।

আবু বাকর (রা) যখন খালিফা হলেন তখন মদীনায় এক নাজুক পরিস্থিতি বিরাজ করছিল। সে নাজুক পরিস্থিতিতে মদীনাতে সেনাবাহিনীর উপস্থিতি বেশি প্রয়োজন ছিল। অথচ তিনি রাসূলুল্লাহ (সাল্লাল্লাহু 'আলাইহি ওয়া সাল্লাম) কর্তৃক উসামা ইবন যায়েদ এর নেতৃত্বে সেনা অভিযানের সিদ্ধান্ত বহাল রাখলেন এবং বললেন: রাসূলুল্লাহ (সাল্লাল্লাহু 'আলাইহি ওয়া সাল্লাম) যে পতাকা বেঁধে দিয়েছেন আমি তা খুলতে পারবনা।

তিনি আরো বলেন:

৮৮ . ড. মুহাম্মাদ মুত্তাফা আল আ'যামী, দিরাসাতুন ফিল হাদীছিন নাবাবী ওয়া তারিখু তাদবীনিহ, বৈরুত : আল-মাকতাবুল ইসলামী, ১৯৮৫ইং, ১ম খণ্ড, পৃষ্ঠা ১৫

لَسْتُ تَارِكًا شَيْئًا كَانَ رَسُولَ اللَّهِ صَلَّى اللَّهُ عَلَيْهِ وَسَلَّمَ يَفْعَلُ بِهِ إِلَّا عَمِلْتُ بِهِ ،
إِنِّي أَخْشَى أَنْ تَرَكْتُ شَيْئًا مِنْ أَمْرِهِ أَنْ أَزِيغَ (مسند أحمد)

“রাসূলুল্লাহ (সাল্লাল্লাহু ‘আলাইহি ওয়া সাল্লাম) যা কিছু করেছেন আমি তার সবই পালন করব, কোন কিছুই বাদ দেবনা। কারণ যদি আমি কোন কিছু বাদ দেই তাহলে আমার পথভ্রষ্ট হওয়ার আশংকা রয়েছে”।^{৮৯}

এ সকল ঘটনা থেকেই বুঝা যায় সুন্নাহকে দলীল হিসেবে গ্রহণ করা ও সুন্নাহ মুতাবিক আমল করার ক্ষেত্রে আবু বাকর হিন্দীক (রা) কত মজবুত অবস্থানে ছিলেন !!

‘উমার (রা) এর অবস্থান :

‘উমার (রা) অত্যন্ত বিচক্ষণ ও দূরদর্শী সাহাবী ছিলেন। তাঁর চাহিদা অনুযায়ী কুরআনুল কারীমের অনেক আয়াত নাযিল হয়েছে। তিনি কোন বিষয় যাচাই বাছাই করা ছাড়া গ্রহণ করতেন না। তিনি মহানবী (সাল্লাল্লাহু ‘আলাইহি ওয়া সাল্লাম)-এর সুন্নাহর সামনে নিজের মতামত ও ইজতিহাদকে কোন গুরুত্বপূর্ণ বিষয়ই মনে করতেন না। তিনি সকল কাজেই সুন্নাহকে দলীল হিসেবে গ্রহণ করতেন। যেমন- তিনি হাজারে আসওয়াদের সামনে দাঁড়িয়ে পাথরকে সম্বোধন করে বলেন :

قَالَ إِنَّكَ حَجَرٌ لَا تَنْفَعُ وَلَا تَضُرُّ وَلَوْلَا أَنِّي رَأَيْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ قَبْلَكَ مَا قَبَّلْتُكَ ثُمَّ قَالَ عُمَرُ رَأَيْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ فَعَلَّ مِثْلَ ذَلِكَ

“হে পাথর, আমি জানি তুমি অবশ্যই একটি পাথর। তুমি কোন উপকারও করতে পারনা আবার কোন ক্ষতিও করতে পারনা। আমি যদি রাসূলুল্লাহকে (সাল্লাল্লাহু ‘আলাইহি ওয়া সাল্লাম) তোমাকে চুম্বন করতে না দেখতাম তাহলে আমি কখনও তোমাকে চুম্বন করতামনা। তারপর ‘উমার (রা) বললেন আমি রাসূলুল্লাহকে (সাল্লাল্লাহু ‘আলাইহি ওয়া সাল্লাম) এভাবেই করতে দেখেছি”।^{৯০}

৮৯ . মুসনাদে আহমাদ , ১মখণ্ড, পৃষ্ঠা -৬, হাদীছ নং-২৫

৯০ . সুনানুন নাসাঈ, কিতাবু মানাসিকিল হাজ্জ, হাদীছ নং- ২৮৮৯

‘উমার (রা) কুফার বিচারক কাজী শুরাইহের কাছে চিঠি লিখলেন :

عَنْ شَرِيحِ أَنَّهُ كَتَبَ إِلَى عُمَرَ يَسْأَلُهُ فَكَتَبَ إِلَيْهِ أَنْ أَقْضِ بِمَا فِي كِتَابِ اللَّهِ فَإِنْ لَمْ يَكُنْ فِي كِتَابِ اللَّهِ فَبِسُنَّةِ رَسُولِ اللَّهِ صَلَّى اللَّهُ عَلَيْهِ وَسَلَّمَ فَإِنْ لَمْ يَكُنْ فِي كِتَابِ اللَّهِ وَلَا فِي سُنَّةِ رَسُولِ اللَّهِ صَلَّى اللَّهُ عَلَيْهِ وَسَلَّمَ فَأَقْضِ بِمَا قَضَى بِهِ الصَّالِحُونَ فَإِنْ لَمْ يَكُنْ فِي كِتَابِ اللَّهِ وَلَا فِي سُنَّةِ رَسُولِ اللَّهِ صَلَّى اللَّهُ عَلَيْهِ وَسَلَّمَ وَلَمْ يَقْضِ بِهِ الصَّالِحُونَ فَإِنْ شِئْتَ فَتَقَدَّمْ وَإِنْ شِئْتَ فَتَأَخَّرْ وَلَا أَرَى التَّأَخُّرَ إِلَّا خَيْرًا لَكَ وَالسَّلَامُ عَلَيْكُمْ

‘শুরাইহ বর্ণনা করেন তিনি ‘উমার (রা) এর নিকট কিছু জানতে চেয়ে পত্র লিখলেন। জবাবে ‘উমার (রা) তাঁর কাছে লিখলেন: তুমি আল্লাহর কিতাবে বর্ণিত বিধান অনুযায়ী বিচার ফায়সালা করবে। আর যদি আল্লাহর কিতাবে তা না থাকে তাহলে রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর সূন্নাহ দ্বারা ফায়সালা করবে। আর যদি আল্লাহর কিতাব ও রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর সূন্নাহতে তা না থাকে তাহলে ছালেহীনগণের রীতি অনুযায়ী ফায়সালা করবে। আর যদি আল্লাহর কিতাব ও রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর সূন্নাহতে তা না থাকে এবং ছালেহীনগণও এ বিষয়ে কোন ফয়সালা না দিয়ে থাকেন, তাহলে ইচ্ছা করলে তুমি অগ্রসর হতেও পার আবার ইচ্ছা করলে পিছিয়েও আসতে পার। তবে পিছিয়ে আসাই আমি তোমার জন্য কল্যাণকর মনে করি। আস্‌সালামু ‘আলাইকুম”।^{৯১}

এভাবেই আমরা দেখতে পাই যে, ‘উমার (রা) বিভিন্ন ক্ষেত্রে রাসূলুল্লাহর (সাল্লাল্লাহু ‘আলাইহি ওয়া সাল্লাম) সূন্নাত পাওয়ার পর তিনি তাঁর নিজস্ব মত পরিবর্তন করে সূন্নাতকে দলীল হিসেবে গ্রহণ করে তার উপর আমল করেছেন এবং অন্যান্যদেরকেও সূন্নাহকে দলীল হিসেবে গ্রহণ করে সে অনুযায়ী বিচার ফায়সালা করার নির্দেশ দিয়েছেন। এ সকল ঘটনাবলী সূন্নাহকে দলীল হিসেবে গ্রহণ করার ব্যাপারে তাঁর শক্ত অবস্থানের প্রমাণ।

৯১. সুনানুন নাশাঈ, বাবু আলহুকুমু বি ইত্তিফাকি আহলিল ইলম, হাদীছ নং- ৫৩০৪; আল-ফিকহ ওয়াশশারী‘আহ

‘উসমান (রা) এর অবস্থান:

সাইদ ইবনুল মুসাইয়েব বলেন : আমি এক জায়গায় ‘উছমানকে (রা) বসা দেখলাম । তিনি আঙনে রান্না করা কিছু খাবার আনতে বললেন এবং তিনি তা খেলেন । তারপর তিনি সালাত আদায়ের জন্য উঠে গিয়ে সালাত আদায় করলেন । অতঃপর তিনি বললেন :

قعدت مقعد رسول الله صلى الله عليه وسلم وأكلت طعام رسول الله صلى
الله عليه وسلم وصليت صلاة رسول الله صلى الله عليه وسلم.

“আমি রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর ন্যায় বসলাম, র’সূলুল্লাহ (সাল্লাল্লাহু ‘আলাইহি ওয়া সাল্লাম)-এর ন্যায় খাদ্য খেলাম এবং রাসূলুল্লাহ (সাল্লাল্লাহু ‘আলাইহি ওয়া সাল্লাম) এর ন্যায় সালাত আদায় করলাম”।^{৯২}

‘আলীর (রা) অবস্থান :

‘আলী (রা) থেকে বর্ণিত তিনি বলেন- আমি কোন নবী নই । আমার কাছে ওহী আসেনা । কিন্তু আমি আমার সাধ্যমত আল্লাহর কিতাব ও তাঁর নবী (সাল্লাল্লাহু ‘আলাইহি ওয়া সাল্লাম)-এর সুন্নাহ মুতাবিক ‘আমল করি ।^{৯৩}

তিনি আরো বলেন :

لو كان الدين بالرأى لكان باطن الحفنين أحق بالمسح من ظاهرهما ولكني رأيت
رسول الله صلى الله عليه وسلم يمسخ على ظاهرهما .

দীনের বিধানসমূহ যদি শুধুমাত্র যুক্তি নির্ভর হত তাহলে মোজার উপরের অংশের চেয়ে নিচের অংশ মাসাহ করাই ছিল অধিকতর যুক্তিযুক্ত । কিন্তু আমি রাসূলুল্লাহ (সাল্লাল্লাহু ‘আলাইহি ওয়া সাল্লাম)কে দেখেছি তিনি উভয় মোজার উপরের অংশেই মাসাহ করেছেন” । (আল বাইহাকী)

‘আলী (রা) নিজের যুক্তি বুদ্ধিকে বাদ দিয়ে রাসূলের (সাল্লাল্লাহু ‘আলাইহি ওয়া সাল্লাম) সুন্নাহর উপরে আমল করার ব্যাপারে শক্ত অবস্থানে ছিলেন ।

৯২. আস্‌সুন্নাহ ওয়া ‘আলাকাভুহা বিল কুর-আনিল কারীম, পৃষ্ঠা- ৮৬

৯৩. হজ্জিয়াতুস সুন্নাহ, পৃষ্ঠা- ৩৪৮

‘আবদুল্লাহ ইবন মাস’উদ (রা) এর অবস্থান :

‘আবদুল্লাহ ইবন মাস’উদ (রা) বলেন : কেউ যদি মুসলিম হিসেবে আখিরাতে আল্লাহর সাথে মিলিত হতে চায় তাহলে সে যেন পাঁচ ওয়াক্ত সালাত সময়মত আদায় করে । আল্লাহ তা’আলা তাঁর নবীর (সাল্লাল্লাহু ‘আলাইহি ওয়া সাল্লাম) জন্য বিধান দিয়েছেন । আর পাঁচ ওয়াক্ত সালাত আল্লাহর একটি বিধান । আর আমি মনে করি তোমাদের প্রত্যেকেরই মাসজিদ রয়েছে যেখানে সে সালাত আদায় করে এবং বাড়িতেও সালাত আদায় করে । তোমরা যদি কেউ মাসজিদ ছেড়ে বাড়িতে সালাত আদায় কর তাহলে তোমরা তোমাদের নবীর (সাল্লাল্লাহু ‘আলাইহি ওয়া সাল্লাম) সুন্নাহ পরিত্যাগ করলে । আর তোমরা যদি তোমাদের নবীর (সাল্লাল্লাহু ‘আলাইহি ওয়া সাল্লাম) সুন্নাহ ত্যাগ কর তাহলে অবশ্যই পথভ্রষ্ট হবে ।^{৯৪}

ইমাম আদ দারেমী বর্ণনা করেন ‘আবদুল্লাহ ইবন মাস’উদ (রা) বলেন, তোমরা কিতাবুল্লাহর কোন বিষয় সম্পর্কে আমাদেরকে যা জিজ্ঞাসা করলে তার জবাব দেব । আল্লাহর নবীর (সাল্লাল্লাহু ‘আলাইহি ওয়া সাল্লাম) সুন্নাহ বিষয়ক কোন কিছু জিজ্ঞাসা করলে তারও জবাব দিব । তবে তোমাদের নব সৃষ্ট বিষয় সম্পর্কে জবাব দেয়ার শক্তি আমাদের নেই ।^{৯৫}

‘আবদুল্লাহ ইবন মাস’উদ (রা) আরো বলেন : সুন্নাহর উপর আমল করার ইচ্ছা করা বিদ’আতের উপর আমল করার চেয়ে উত্তম । তিনি আরো বলেন : সর্বোত্তম কথা হ’ল আল্লাহর কিতাব এবং সর্বোত্তম হিদায়াত হল মুহাম্মাদ (সাল্লাল্লাহু ‘আলাইহি ওয়া সাল্লাম) এর হিদায়াত । আর নিকৃষ্ট কাজ হল দীনের ভেতরে নব আবিষ্কৃত বিষয়সমূহ । আর তোমাদের জন্য যার ওয়াদা করা হয়েছে তা অবশ্যই আসবে । তোমরা কেউ বাধা দিতে পারবেনা ।^{৯৬}

এভাবেই আমরা দেখতে পাই ‘আবদুল্লাহ ইবন মাস’উদ (রা) সুন্নাহকে গ্রহণ করার ব্যাপারে অত্যন্ত কঠোর অবস্থানে ছিলেন । এ জন্যই তিনি বলেছেন : **لو تركم سنة نبيكم لظلمتم** “যদি তোমরা তোমাদের নবীর সুন্নাহ ত্যাগ কর তাহলে অবশ্যই পথভ্রষ্ট হবে ।”

৯৪. মুসনাদে আহমাদ, ৬ষ্ঠ খণ্ড, পৃঃ- ১৬৬

৯৫. হুজ্জিয়াতুস্ সুন্নাহ, পৃঃ- ৩৫০

৯৬. হুজ্জিয়াতুস্ সুন্নাহ, পৃঃ- ৩৫৬

‘আবদুল্লাহ ইবন ‘আব্বাস (রা) এর অবস্থান:

বাইহাকী ও হাকিম হিশাম ইবনে জুবায়ের থেকে বর্ণনা করেন তিনি বলেন । :
ত্বাউস আছরের পর দু’রাকাত সালাত আদায় করতেন । ইবনে ‘আব্বাস (রা)
তাঁকে বললেন : তুমি এ অভ্যাস ছেড়ে দাও । তিনি বললেন : আমি ছাড়ব না ।
ইবন ‘আব্বাস (রা) আবার বললেন : এ সালাত ছেড়ে দাও । তিনি জবাব দিলেন
: আমি ছাড়ব না । তখন ইবনে ‘আব্বাস (রা) বললেন : তুমি ঐ সালাত
আদায়ের অভ্যাস ত্যাগ কর । কেননা মহানবী (সাল্লাল্লাহু ‘আলাইহি ওয়া সাল্লাম)
আছরের পর সালাত আদায় করতে নিষেধ করেছেন । আমি জানি না এ সালাত
আদায়ের কারণে তোমাকে শাস্তি দেয়া হবে না তোমাকে প্রতিদান দেয়া হবে ।
কেননা আল্লাহ তা’আলা বলেছেন :

وَمَا كَانَ لِمُؤْمِنٍ وَلَا لِمُؤْمِنَةٍ إِذَا قَضَى اللَّهُ وَرَسُولُهُ أَمْرًا أَنْ يَكُونَ لَهُمُ الْخِيَرَةُ
مِنْ أَمْرِهِمْ وَمَنْ يَعْصِ اللَّهَ وَرَسُولَهُ فَقَدْ ضَلَّ ضَلَالًا مُّبِينًا [الأحزاب : ٣٦]

‘আল্লাহ এবং তাঁর রাসূল যখন কোন বিষয়ে সিদ্ধান্ত দেবেন তা গ্রহণ বা বর্জন
করার কোন ইখতিয়ার কোন মুমিন পুরুষ বা নারীর নেই। আর যে আল্লাহ ও
তাঁর রাসূলের অবাধ্য হয় সে স্পষ্টতই পথভ্রষ্ট হয়” । (আল-আহযাব : ৩৬)

ইমাম শাফি‘ঈ বলেন : ইবন ‘আব্বাস (রা) মনে করেন, তিনি ত্বাউসের উপরে
দলীল কায়ম করেছেন । মহানবী (সাল্লাল্লাহু ‘আলাইহি ওয়া সাল্লাম) সুন্নাহ দ্বারা
এবং কিতাবুল্লাহ তিলাওয়াত করে এ বিষয়ে প্রমাণ উপস্থাপন করেছেন যে,
আল্লাহ ও তাঁর রাসূল (সাল্লাল্লাহু ‘আলাইহি ওয়া সাল্লাম) যখন কোন সিদ্ধান্ত দেন
সে ব্যাপারে কারো কোন ইখতিয়ার নেই।^{৯৭}

ইবন ‘উমারের (রা) অবস্থান :

খালিদ বিন উসাইদ ‘আবদুল্লাহ ইবন ‘উমারকে (রা) বললেন : আমরা আল
কুরআনে সালাতুল হাদার ও সালাতুল খাওফের^{৯৮} বিধান পাই। কিন্তু মুসাফির
অবস্থার সালাতের কোন বিধান তো কুরআনে পাইনা । তখন ইবন ‘উমার (রা)
বললেন : ভাতিজা ! আল্লাহ তা’আলা আমাদের কাছে মুহাম্মাদকে (সাল্লাল্লাহু
‘আলাইহি ওয়া সাল্লাম) রাসূল হিসেবে পাঠিয়েছেন । আমরা কিছুই জানতাম না ।

৯৭. মিসফতুল জান্নাহ, পৃঃ ৩১-৩২

৯৮. সালাতুল হাদার হলো মুকীম অবস্থার সালাত এবং সালাতুল খাওফ হলো যুদ্ধের ময়দানের সালাত

আমরা মুহাম্মাদ (সাল্লাল্লাহু ‘আলাইহি ওয়া সাল্লাম)কে যেভাবে করতে দেখেছি, সেভাবেই করব।”^{৯৯} ইবনে ‘উমার (রা) মহানবী (সাল্লাল্লাহু ‘আলাইহি ওয়া সাল্লাম)-এর সুন্নাহকে ছব্ব মেনে নেয়ার ব্যাপারে শক্ত অবস্থানে ছিলেন। তাঁর উল্লেখিত বক্তব্য এর বড় প্রমাণ।

ইবন ‘উমার (রা) আরো বলেন : আমরা গোপনভাবে খবর সংগ্রহ করতাম এবং এটা কোন দৃষণীয় বিষয় মনে করতামনা। অবশেষে এক ব্যক্তি বললেন যে, রাসূলুল্লাহ (সাল্লাল্লাহু ‘আলাইহি ওয়া সাল্লাম) গোপনভাবে খবর সংগ্রহ করতে নিষেধ রেছেন। এ কারণেই আমরা তা ছেতে দিলাম। ইমাম শাফিঈ (রহ) বলেন: ইবন ‘উমার (রা) গোপনভাবে খবর সংগ্রহ করে উপকৃত হতেন এবং এটাকে হালাল মনে করতেন। যখনই তাকে একজন বিশ্বস্ত ব্যক্তি রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর বরাত দিয়ে বর্ণনা দিলেন যে, তিনি এটা নিষেধ করেছেন। এটা জানার পর তাঁর পক্ষে আর গোপনভাবে খবর সংগ্রহ করা সম্ভব হয়নি।^{১০০}

এ ঘটনা থেকে এ বিষয়টি আরো স্পষ্ট হয় যে, ‘আবদুল্লাহ ইবন ‘উমার (রা) সুন্নাহ পাওয়ার সংগে সংগেই তা গ্রহণ করতেন এবং সে মুতাবিক আমল করতেন। একবার ইবন ‘উমার (রা) বললেন : রাসূলুল্লাহ (সাল্লাল্লাহু ‘আলাইহি ওয়া সাল্লাম) বলেছেন - তোমরা রাতে মহিলাদের মাসজিদে যাওয়ার অনুমতি দেবে। একথা শুনে তাঁর ওয়াকিদ নামের এক ছেলে বললেন : তাহলে তারা তো এটা বিপর্যয় সৃষ্টির সুযোগ হিসেবে গ্রহণ করবে। ছেলের মুখে এমন কথা শুনে ইবন ‘উমার (রা) তার বৃকে আঘাত করে বললেন: আমি রাসূলুল্লাহর (সাল্লাল্লাহু ‘আলাইহি ওয়া সাল্লাম) কথা বলছি - আর তুমি “না” করছ ?

ইমরান ইবন হুসাইন (রা) এর অবস্থান:

একবার ইমরান ইবন হুসাইন (রা) শাফা‘আত বিষয়ে আলোচনা করলেন। এক ব্যক্তি বললো : ওহে আবু নাজিদ! আপনারা এমন সব হাদীছ আমাদের নিকট বর্ণনা করেন যার কোন ভিত্তি আমরা কুরআনে খুঁজে পাইনা। ইমরান (রা) খুব রেগে গেলেন এবং লোকটিকে বললেন : তুমি কি কুরআন পড়েছ? লোকটি বললো : হাঁ পড়েছি। তিনি বললেন : তাতে কি ‘ইশার নামায চার রাক‘আত ,

৯৯. আল মুয়াত্তা মালিক, ১ম খণ্ড , পৃঃ ১৪৫; সুনান ইবনে মাজাহ, ১ম খণ্ড, পৃঃ ৩৩৯ ; ইবনে কাছীর, আলবিদায়াহ ওয়ান নিহায়াহ, ৫ম খণ্ড, পৃঃ ১৫৩; সুনানুন নাসাঈ, ৩য় খণ্ড, পৃঃ ৯৬

১০০. মিশতাহল জান্নাহ, পৃঃ ৩২

মাগরিব তিন রাক'আত , ফজর দু রাক'আত ও আসর চার রাক'আত পড়ার কথা পেয়েছ? সে বললো: না। 'ইমরান প্রশ্ন করলেন : তাহলে এগুলো কোথায় পেলো? তোমরা কি এসব কিছু আমাদের নিকট থেকে এবং আমরা রাসূলুল্লাহর (সাল্লাল্লাহু 'আলাইহি ওয়া সাল্লাম) নিকট থেকে গ্রহণ করিনি ? তোমরা কি কুরআনের কোথাও পেয়েছ যে, চল্লিশটি ছাগলে একটি ছাগল, এতগুলো উটে এতটি উট এবং এত পরিমাণ দিরহামে এত দিরহাম যাকাত দিতে হবে ? সে বলল : না। তাহলে এ বিষয়গুলো কার নিকট থেকে পেয়েছো? তোমরা কি আমাদের নিকট থেকে এবং আমরা রাসূলুল্লাহ (সাল্লাল্লাহু 'আলাইহি ওয়া সাল্লাম)-এর নিকট থেকে পাইনি ? তোমরা আল্লাহকে তাঁর কিতাবে এ কথা বলতে শোননি :

وَمَا آتَاكُمُ الرَّسُولُ فَخُذُوهُ وَمَا نَهَاكُمْ عَنْهُ فَانْتَهُوا [الحشر : ٧]

“রাসূল তোমাদেরকে যা দান করেছেন তা গ্রহণ কর এবং যা করতে নিষেধ করেছেন তা থেকে বিরত থাক”। (সূরা আলহাশর : ৭) ? অবশেষে 'ইমরান বললেন : আমরা রাসূলুল্লাহর (সাল্লাল্লাহু 'আলাইহি ওয়া সাল্লাম) নিকট থেকে বহু কিছু গ্রহণ করেছি, যার জ্ঞান তোমাদের নেই।^{১০১}

'ইমরান ইবন হুসাইন (রা) উক্ত প্রশ্নকারী লোকটিকে বলেন: তুমি একটি নির্বোধ। যোহরের সালাত চার রাক'আত এবং উক্ত সালাতে কি'রাআত আস্তে আস্তে পড়তে হবে তুমি তা আল কুরআনের কোথায় পেয়েছ ? তারপর তিনি যাকাত, হাজ্জ ও অন্যান্য 'ইবাদাতের কথা উল্লেখ করে বললেন এগুলোর বিস্তারিত বিবরণ কি আল্লাহর কিতাবে পাওয়া যাবে? তারপর তিনি মন্তব্য করেন: **إِنْ أَلْبَّاسُ فَالْمِثْقَالِ ذَرَّةٍ وَالْأَنْبِيَاءُ عَلَيْهِمُ السَّلَامُ** আল্লাহর কিতাব এসব বিষয় অস্পষ্ট রেখেছে আর সূনাহ এগুলোর বিস্তারিত ব্যাখ্যা দিয়েছে।^{১০২}

'ইমরান ইবন হুসাইন (রা) সূনাহকে আল-কিতাবের বিস্তারিত ব্যাখ্যা হিসেবে উল্লেখ করেছেন। তাতে বুঝা যায় সূনাহ ছাড়া আল কুরআনের উপর আমল করা অসম্ভব। কাজেই সূনাহকে অস্বীকারকারী তাঁর দৃষ্টিতে নির্বোধ।

১০১. সূনাহু রাসূলুল্লাহ (বিআইসি, ঢাকা), পৃ ৪- ৫৭

১০২. আল মাকদাসী, কিতাবুল ইলম, দামেশক, দারুল কুতুব আজ্জাহিরিয়াহ, পৃ ৪ : ৫১; ইবন আবদিল বার, জাফি বয়সিল ইলম ওয়া ফাদলিহি, মিসর, ইদারাতুল মাকতাবাতুল মুনিরিয়াহ, পৃ : ১৯১

জাবির (রা)-এর অবস্থান :

জাবির (রা) সূন্বাহকে রাসূলুল্লাহ (সাল্লাল্লাহু ‘আলাইহি ওয়া সাল্লাম) এর অনুসরণের মাপকাঠি মনে করতেন । রাসূলুল্লাহ (সাল্লাল্লাহু ‘আলাইহি ওয়া সাল্লাম) এর সূন্বাহর বাইরে আল কুরআনের কোন ব্যাখ্যা অথবা কোন ‘আমল তিনি করতেন না । হাজ্জের বিবরণ দিতে গিয়ে তিনি বলেছেন :

ورسول الله صلى الله عليه وسلم بين أظهرنا وعليه ينزل القرآن وهو يعرف تأويله وما عمل به من شئ عملنا به

‘রাসূলুল্লাহ (সাল্লাল্লাহু ‘আলাইহি ওয়া সাল্লাম) আমাদের মধ্যে ছিলেন । তাঁর উপর আল কুরআন নাযিল হচ্ছিল, তিনি তার ব্যাখ্যাও জানতেন । তিনি যেটা যেভাবে ‘আমল করতেন আমরাও সেভাবে আমল করতাম ।’^{১০০}

জাবির (রা)-এর বক্তব্য থেকে এ বিষয়টি আরো পরিষ্কার হলো যে, সাহাবায়ে কিরাম আল কুরআনের উপর ‘আমল করার ক্ষেত্রেও মহানবী (সাল্লাল্লাহু ‘আলাইহি ওয়া সাল্লাম)-এর সূন্বাহর আশ্রয় গ্রহণ করতেন । তার কারণ আল-কুরআনের কোন আয়াতের উপর কিভাবে ‘আমল করতে হবে তা মহানবী (সাল্লাল্লাহু ‘আলাইহি ওয়া সাল্লাম) বাস্তবে আমল করে দেখিয়ে দিয়েছেন । সাহাবায়ে কিরাম কখনো মহানবীর (সাল্লাল্লাহু ‘আলাইহি ওয়া সাল্লাম)-প্রদর্শিত সূন্বাহ বাদ দিয়ে নিজেদের মনমত আমল করতেন না ।

সূন্বাহকে দলীল হিসেবে গ্রহণের ক্ষেত্রে মনীষীগণের অবস্থান:

আইন্মায়ে ফুকাহা, তাবি‘ঈন ও তাবে‘ তাবে‘ঈনসহ বিভিন্ন যুগের মনীষীগণের মতামত পর্যালোচনা করলে দেখা যায় যে, তাঁরা সকলেই সূন্বাহ ইসলামী শরী‘আতের দলীল হওয়ার ব্যাপারে ঐকমত্য পোষণ করেছেন । সূন্বাহ অনুযায়ী আমল করা ওয়াজিব হওয়ার বিষয়ে তাঁরা কেউই দ্বিমত পোষণ করেন নি । উদাহরণস্বরূপ আমি তাঁদের কিছু বক্তব্য তুলে ধরতে চাই যেগুলো সুস্পষ্ট প্রমাণ করে যে, সূন্বাহকে গ্রহণ করা এবং তদনুযায়ী আমল করার বিষয়ে তাঁরা খুবই শক্ত অবস্থানে ছিলেন ।

আইউব আস-সিখতিয়ানী থেকে বর্ণিত । এক ব্যক্তি প্রখ্যাত তাবে‘ঈ মুতারবিফ ইবনে ‘আবদিল্লাহ ইবনে আস-শিখখীরকে বললো : আপনারা আমাদের নিকট

আল কুরআন ছাড়া আর কিছু বর্ণনা করবেন না। মুতাররিফ তাকে বললেন : আল্লাহর কসম, আমরা আল কুরআনের বিকল্প কিছু চাইনা। তবে আমরা আমাদের চেয়ে আল কুরআন বিষয়ে যিনি বেশি জ্ঞানী তাঁকে চাই। অর্থাৎ তাঁর কথাই তোমাদের নিকট উপস্থাপন করতে চাই।^{১০৪}

আল্লামা আস্ সূয়ুতী (রহ) বলেন:

إن من أنكر كون حديث النبي صلى الله عليه وسلم قولاً كان أو فعلاً بشرطه المعروف في الأصول - حجة كفر ، وخرج عن دائرة الإسلام وحشر مع اليهود والنصارى أو مع من شاء الله من فرق الكفرة.

“যে ব্যক্তি মহানবী (সাল্লাল্লাহু ‘আলাইহি ওয়া সাল্লাম)-এর বক্তব্যমূলক অথবা কর্মমূলক হাদীছকে (সুন্নাহ) দলীল হওয়া অস্বীকার করে সে কাফির হয়ে যায়। সে ইসলামের গন্ডি থেকে বেরিয়ে যায়। আল্লাহ তা‘আলা তাকে ইহুদী, নাসারা অথবা কাফিরদের যে কোন দলের সাথে হাশরে উঠাবেন। তবে শর্ত হলো, উছুলের ক্ষেত্রে সে হাদীস প্রসিদ্ধ হতে হবে।^{১০৫}

এ প্রসঙ্গে আল-আজিরী বলেন:

جميع فرائض الله التي فرضها في كتابه لا يعلم الحكم فيها إلا بسنن رسول الله صلى الله عليه وسلم. هذا قول علماء المسلمين ، من قال غير هذا خرج عن ملة الإسلام ودخل في ملة الملحدين .

“আল্লাহর সকল ফারয যা তাঁর কিতাবে ফারয করেছেন, রাসূলুল্লাহ (সাল্লাল্লাহু ‘আলাইহি ওয়া সাল্লাম) সুন্নাহ ব্যতীত তার যথাযথ বিধান জানা যাবেনা। এ হলো মুসলিম ‘আলিমদের কথা। যারা এ ছাড়া অন্য কিছু বলে তারা ইসলামী মিল্লাত থেকে বের হয়ে গেছে এবং অবিশ্বাসীদের দলে ঢুকে গেছে।”^{১০৬}

ইবন হাযম বলেন:

১০৪. সুন্নাতু রাসূলিল্লাহ (বিআইসি, ঢাকা), পৃঃ ৫৭

১০৫. সুন্নাতু রাসূলিল্লাহ, (বিআইসি, ঢাকা) পৃঃ ৫৯

১০৬. উছমান বিন মু‘আল্লিম, শুবহাতুল কুরআনিয়ীগীন, পৃঃ ২০

وقال ابن حزم : لو أن امرأ قال : لا نأخذ إلا ما وجدنا في القرآن لكان كافراً بإجماع الأمة ، وكان لا يلزمه إلا ركعة ما بين دلوك الشمس إلى غسق الليل ، وأخرى عند الفجر ؛ لأن ذلك هو أقل ما يقع عليه اسم صلاة ولا حد للأكثر في ذلك ، وقائل هذا كافر مشرك حلال الدم والمال ، وإنما ذهب إلى هذا بعض غالبية الرافضة ممن قد اجتمعت الأمة على كفرهم .

ইবনে হাযম বলেন : “ যদি কোন ব্যক্তি বলে, আমরা আল কুরআনে যা কিছু পেয়েছি তাছাড়া অতিরিক্ত কোন কিছু গ্রহণ করবনা, তাহলে মুসলিম উম্মাহর ইজমা' মতে সে কাফির হয়ে যাবে । তার উপর সূর্য ঢলে পড়ার পর থেকে রাতের অন্ধকার পর্যন্ত শুধু মাত্র এক রাক'আত এবং ফজরের সময় আরেক রাক'আত সালাত ফরয হবে । কারণ সালাত শব্দ দ্বারা ন্যূনতম এটাই বুঝায় । এ ক্ষেত্রে বেশির কোন সীমা নেই । আর এমন কথা যে বলে সে কাফির ও মুশরিক । তাকে হত্যা করা ও তার সম্পদ বাজেয়াপ্ত করা বৈধ । আর এমন চিন্তা ও মতের অনুসারী হয়েছে চরমপন্থী রাফিযীরা, যাদের কাফির হওয়ার ব্যাপারে মুসলিম উম্মাহর ইজমা' হয়েছে।^{১০৭}

শাইখ বিন বায (রহ:) বলেন:

إن ما تفوه به رشاد خليفة من إنكار السنة والقول بعدم الحاجة إليها كفر وردة عن الإسلام؛ لأن من أنكر السنة فقد أنكر الكتاب، ومن أنكرهما أو أحدهما فهو كافر بالإجماع، ولا يجوز التعامل معه وأمثاله، بل يجب هجره والتحذير من فتنه وبيان كفره وضلاله في كل مناسبة حتى يتوب إلى الله من ذلك توبة معلنة في الصحف السيارة، لقول الله عز وجل: { إِنَّ الَّذِينَ يَكْتُمُونَ مَا أَنزَلْنَا مِنَ الْبَيِّنَاتِ وَالْهُدَىٰ مِنْ بَعْدِ مَا بَيَّنَّاهُ لِلنَّاسِ فِي الْكِتَابِ أُولَٰئِكَ يَلْعَنُهُمُ اللَّهُ وَيَلْعَنُهُمُ اللَّاعِنُونَ إِلَّا الَّذِينَ تَابُوا وَأَصْلَحُوا وَبَيَّنُّوا فَأُولَٰئِكَ أَتُوبُ عَلَيْهِمْ وَأَنَا التَّوَّابُ الرَّحِيمُ }

“রাশাদ খালীফা সুন্নাহর কোন প্রয়োজন নেই বলে যে মস্তব্য করেছেন তা কুফরী এবং ইসলাম পরিত্যাগমূলক কথা । কারণ যে সুন্নাহ অস্বীকার করে সে কিতাব অস্বীকার করে । আর যে এ দু’টি জিনিস অথবা এর যে কোন একটি অস্বীকার করে সে ইজমার ভিত্তিতে কাফির । তার সংগে এবং তার মত অন্যান্যদের সাথে পারস্পরিক কোন রকম কাজ কর্ম বৈধ নয় । প্রতিটি উপলক্ষে তাকে পরিহার করা, তার এই ফিতনা সম্পর্কে মানুষকে সতর্ক করা, তার কুফরী ও পথভ্রষ্টতার কথা প্রচার করা ওয়াজিব । এ কাজ ততক্ষণ পর্যন্ত চালিয়ে যেতে হবে যতক্ষণ পর্যন্ত না সে তাওবা করে এবং পত্র পত্রিকায় তাওবার ঘোষণা দেয় । কারণ মহান আল্লাহ বলেন : “নিশ্চয় আমি মানুষের জন্য যেসব স্পষ্ট নিদর্শন ও পথ নির্দেশ নাযিল করেছি, কিতাবে তা স্পষ্টভাবে ব্যক্ত করার পরও যারা তা গোপন রাখে আল্লাহ তাদেরকে লানাত দেন এবং অভিশাপকারীগণও তাদেরকে অভিশাপ দেয় । কিন্তু যারা তাওবা করে এবং নিজেদেরকে সংশোধন করে, আর সত্যকে সুস্পষ্টভাবে ব্যক্ত করে এরা তারাই যাদের তাওবা আমি কবুল করেছি । আমি অতিশয় তাওবা কবুলকারী, পরম দয়ালু” (আল বাকারাহ : ১৫৯-১৬০)।^{১০৮}

তিনি আরো বলেন:

وقال أيضاً: من المعلوم عند جميع أهل العلم أن السنة هي الأصل الثاني من أصول الإسلام وأن مكانتها في الإسلام الصدارة بعد كتاب الله عز وجل، فهي الأصل المعتمد بعد كتاب الله عز وجل بإجماع أهل العلم قاطبة، وهي حجة قائمة مستقلة على جميع الأمة، من جردها أو أنكرها أو زعم أنه يجوز الإعراض عنها والاكتفاء بالقرآن فقد ضلّ ضلالاً بعيداً، وكفر كفرأ أكبر وارتدّ عن الإسلام بهذا المقال، فإنه بهذا المقال وهذا الاعتقاد يكون قد كذب الله ورسوله، وأنكر ما أمر الله به ورسوله، وجحد أصلاً عظيماً فرض الله الرجوع إليه والاعتماد عليه والأخذ به، وأنكر إجماع أهل العلم عليه وكذب به، وجرده.....

১০৮. শুববাহাতুল কুরআনিয়্যীন, পৃ : ২২

এ কথা সর্বজন বিদিত যে, ইসলামের মৌলিক ভিত্তিসমূহের দ্বিতীয় মূল ভিত্তি হলো সুন্নাহ। ইসলামে কিতাবুল্লাহর পরে দ্বিতীয় স্থান সুন্নাহ। সকল জ্ঞানী ব্যক্তির ইজমা হয়েছে যে, কিতাবুল্লাহর পরে সুন্নাহই হলো নির্ভরযোগ্য ভিত্তি এবং সমগ্র উম্মাতের উপর স্বতন্ত্র হুজ্জাত বা দলীল। কেউ যদি সুন্নাহকে অস্বীকার বা প্রত্যাখ্যান করে অথবা উপেক্ষা করা সমীচীন মনে করে, এবং কেবল আল কুরআনকেই যথেষ্ট মনে করে তাহলে সে মারাত্মকভাবে পথভ্রষ্ট হবে এবং এটা তার বড় ধরনের কুফরী কাজ হবে। সে তার এ কথার জন্য ইসলাম পরিত্যাগকারীদের মধ্যে গণ্য হবে। কারণ, তার এ কথা ও বিশ্বাসের দ্বারা আল্লাহ ও তাঁর রাসলূকেই (সাল্লাল্লাহু ‘আলাইহি ওয়া সাল্লাম) মিথ্যাবাদী প্রতিপন্ন করা এবং তাঁদের নির্দেশ অস্বীকার করার শামিল। অথচ সে এমন একটি মহান ভিত্তিকে অস্বীকার করলো যার উপর নির্ভর করা ও তার দিকে প্রত্যাবর্তন করা এবং তা আঁকড়ে ধরা আল্লাহ ফারয করেছেন। সে মুসলিম উম্মাহর ‘আলিমদের ইজমাকেও অস্বীকার করে।^{১০৯}

কাজী শুরাইহ বলেন :

إن السنة سبقت قياسكم ، فاتبعوا ولا تبدعوا فإنكم لن تضلوا ما تمسكتم بالأثر
 “নিশ্চয়ই সুন্নাহ তোমাদের কiyাসের তুলনায় অগ্রগণ্য। সুতরাং তোমরা সুন্নাহর অনুসরণ কর। মনগড়া আমল করোনা। কেননা তোমরা যতক্ষণ সুন্নাহকে আঁকড়ে ধরে থাকবে ততক্ষণ পথভ্রষ্ট হবে না।^{১১০}

আবুল ‘আলিয়াহ বলেন :

و عليكم بسنة نبيكم صلى الله عليه وسلم والذي كان عليه أصحابه
 “মহানবী (সাল্লাল্লাহু ‘আলাইহি ওয়া সাল্লাম) এর সুন্নাহ ও সাহাবায়ে কিরামের পথ অনুসরণ করা তোমাদের উপর ওয়াজিব।^{১১১}”

ইমাম আবু হানীফা (রহ) এবং ইমাম শাফি‘ঈ (রহ) ও অন্যান্য ইমামগণ থেকে বর্ণিত: إذا صح الحديث فهو مذهبي “যখনই ছাহীহ হাদীছ (সুন্নাহ) পাওয়া যাবে ঐ হাদীছ অনুযায়ী ‘আমল করাই আমার মায়হাব।^{১১২}”

ইমাম শাফি‘ঈ আরো বলেন :

১০৯. প্রাণ্ড

১১০. হুজ্জিয়াতুস সুন্নাহ, পৃ : ৩৫৯

১১১. দিরাসাত ফিল হাদীছ আননাবাতী, ১মখণ্ড, পৃঃ-১৯

১১২. আস্ সুন্নাহ ওয়া ‘আলাকাতুহা বিল কুরআনীল কারীম, পৃঃ- ৯০

أجمع المسلمون على أن من استبانت له سنة رسول الله صلى الله عليه وسلم لم يكن له أن يدعها لقول أحد من الناس

“মুসলিমগণ এ ব্যাপারে একমত হয়েছে যে, কেউ যদি স্পষ্টভাবে জানতে পারে যে, এটা রাসূলুল্লাহ (সাল্লাল্লাহু আলাইহি ওয়া সাল্লাম)-এর সূনাহ, তাহলে কোন মানুষের কথার ভিত্তিতে তা ত্যাগ করার অধিকার তার নেই।”^{১১৩}

ইমাম ইবনুল কাইয়েম বলেন :

إذا صح عن رسول الله صلى الله عليه وسلم دون معارضة أو نسخ ، أن الفرض علينا وعلى الأمة جميعا الأخذ بالحديث وترك ما يخالفه.

যখন কোন হাদীছ সন্দেহাতীতভাবে প্রমাণিত হবে যে, এটি রাসূলুল্লাহ (সাল্লাল্লাহু আলাইহি ওয়া সাল্লাম) থেকে বর্ণিত হাদীছ তখন আমাদের ও সমস্ত উম্মাতের উপর ওয়াজিব হলো ঐ সূনাহ গ্রহণ করা এবং এর বিপরীত সকল কিছু পরিত্যাগ করা।^{১১৪}

মোটকথা সাহাবায়ে কিরাম, তাবি‘ঈন, তাবে‘তাবি‘ঈন এবং আইম্মায়ে ফুকাহাগণের বক্তব্যের দিকে লক্ষ্য করলে দেখা যায় তাঁরা সবাই সূনাহ ইসলামী শরী‘আতের দলীল হওয়ার ব্যাপারে ঐকমত্য পোষণ করেছেন। সূনাহকে দলীল হিসেবে গ্রহণ করে তার উপর ‘আমল করা ওয়াজিব বলেছেন। পূর্ববর্তী যুগের উলামায়ে কিরাম এবং পরবর্তী যুগের উলামায়ে কিরামের কেউই এ ব্যাপারে দ্বিমত করেন নি।

সূনাহ দলীল হওয়ার ব্যাপারে সংশয় ও তার নিরসন

শরী‘আতের উৎস হিসেবে সূনাহর অপরিহার্যতা ও এ ব্যাপারে মুসলিম উম্মাহর ঐকমত্যের বিষয়ে আলোচনার পর এ ব্যাপারে কিছু সংশয়বাদীদের প্রসঙ্গে আলোচনা করতে চাই।

মুসলিম উম্মাহকে দীন থেকে ফিরিয়ে রাখার জন্য কতিপয় নামধারী পণ্ডিত ইসলামের মূল উৎস হিসেবে সূনাহকে অস্বীকার করে। তারা সাধারণ মানুষকে সংশয়ে ফেলার জন্য কিছু যুক্তির অবতারণা করে। তাদের সে সকল যুক্তি ও তার জবাব নিম্নে প্রদত্ত হলো:

১১৩. সূনাহু রাসূলিল্লাহ (বিআইসি, ঢাকা), পৃষ্ঠা-৬১

১১৪. আসসূনাহ ওয়া ‘আলাকাডুহা বিল কুরআনীল কারীম, পঃ- ৯৪

এক. আল্লাহ তা'আলা বলেন : “ مَا فَرَطْنَا فِي الْكِتَابِ مِنْ شَيْءٍ ” আমি আল-কিতাবে (আল কুরআনে) কোন কিছুই বাদ দেইনি”।^{১১৫}

আল্লাহ তা'আলা আরো বলেন:

وَنَزَّلْنَا عَلَيْكَ الْكِتَابَ تَيَانًا لِكُلِّ شَيْءٍ وَهَدَىٰ وَرَحْمَةً وَشُرَىٰ لِلْمُسْلِمِينَ

আমি মুসলিমদের জন্য সকল বিষয়ের স্পষ্ট ব্যাখ্যাস্বরূপ, পথ নির্দেশ, রহমত ও সুসংবাদস্বরূপ তোমার প্রতি কিতাব নাযিল করেছি”।^{১১৬}

উপরোক্ত আয়াতদ্বয় দ্বারা প্রমাণিত হয় যে আল-কুরআন দীনের সকল বিষয়, সকল হুকুম-আহকাম ধারণ করেছে এবং এমনভাবে ব্যাখ্যা-বিশ্লেষণ করেছে যে তা বুঝার জন্য সুন্নাহর মত কোন কিছুই প্রয়োজন নেই। অন্যথায় আল-কিতাব অসম্পূর্ণ থেকে যাবে এবং সব কিছুই বর্ণনাও সেখানে পাওয়া যাবেনা। আর তা হবে আল্লাহ রাক্বুল 'আলামীনের ঘোষণার পরিপন্থী। যা কোনভাবেই সম্ভব নয়। অতএব, আল-কুরআন ছাড়া সুন্নাতে রাসূলের কোন কিছুই তালাশ করা বা তার উপর 'আমল করার কোন প্রয়োজন নেই।^{১১৭}

জবাব : আল-কুরআনের এক আয়াতের ব্যাখ্যা আরেক আয়াতের দ্বারা করতে হয়। আল্লাহ তা'আলা অপর এক আয়াতে বলেছেন : وَأَنْزَلْنَا إِلَيْكَ الذِّكْرَ لِتُبَيِّنَ لِلنَّاسِ مَا نُزِّلَ إِلَيْهِمْ “এবং (হে নবী)! আমি এ যিকর তোমার উপর এ জন্য নাযিল করেছি, যেন তুমি লোকদের সামনে তাদের উদ্দেশ্যে যা নাযিল করা হয়েছে তা ব্যাখ্যা বিশ্লেষণ করতে পার”।^{১১৮}

উপরোক্ত আয়াত থেকে পরিষ্কার জানা যায় যে, মহানবী (সাল্লাল্লাহু 'আলাইহি ওয়া সাল্লাম)-এর উপরে এ দায়িত্ব অর্পন করা হয়েছিল যে, তিনি আল-কুরআনে বর্ণিত হুকুম আহকাম ও পথ নির্দেশনার বিস্তারিত ব্যাখ্যা দান করবেন। কোন কিতাবের ব্যাখ্যা-বিশ্লেষণ শুধু ঐ কিতাব পাঠ করলেই হয়ে যায়না। বরং মূল পাঠের অতিরিক্ত এমন কিছু বর্ণনা করতে হয় যেন শ্রোতা সহজেই তা বুঝতে পারে। আর কিতাবের কোন বক্তব্য ব্যবহারিক কোন বিষয়ের সাথে সম্পর্কিত হ'লে ভাষ্যকার তা বাস্তবে 'আমল করে বুঝিয়ে দেবেন যে,

১১৫. সূরা আল আন'আম : ৩৮

১১৬. সূরা আন-নাহল : ৮৯

১১৭. দিফাউন 'আনীস সুন্নাহ, পৃঃ ৩৯৭

১১৮. আন-নাহল-৪৪

গ্রন্থকারের মূল উদ্দেশ্য এভাবে কাজ করা । আর মহানবী (সাল্লাল্লাহু ‘আলাইহি ওয়া সাল্লাম) সূন্নাহর মাধ্যমে সে কাজটিই করেছেন । সুতরাং একথা বলার কোন সুযোগ নেই যে, শুধু আল কুরআনেই সব কিছুই ব্যাখ্যা বিশ্লেষণ সহকারে বিস্তারিত বর্ণনা রয়েছে । উপরোক্ত সংশয় উপস্থাপনকারীদের কথা মেনে নিলে কিতাবের সাথে কিতাব বাস্তবায়নকারী রাসূল (সাল্লাল্লাহু ‘আলাইহি ওয়া সাল্লাম) পাঠানোর বিষয়টিও একটি অপ্রয়োজনীয় বিষয় বলতে হবে । যা কোন সুস্থ বিবেক সম্পন্ন মানুষ চিন্তাও করতে পারেনা ।

অপর দিকে ইমাম কুরতুবী (রহ) এ আয়াতের ব্যাখ্যা এভাবে করেছেন :

ما تركنا شيئا من أمر الدين إلا وقد دللنا عليه في القرآن، إما دلالة مبينة مشروحة، وإما مجملة يتلقى بيانها من الرسول عليه الصلاة والسلام، أو من الإجماع، أو من القياس الذي ثبت بنص الكتاب.

“আমি দীনের কোন কিছুই বাদ দেইনি সব কিছুই নির্দেশনা আল-কুরআনে দিয়েছি । সেই নির্দেশনা হয় ব্যাখ্যা-বিশ্লেষণসহ স্পষ্টভাবে অথবা সংক্ষিপ্তভাবে, যার ব্যাখ্যা ও বর্ণনা পাওয়া যাবে রাসূলুল্লাহ (সাল্লাল্লাহু ‘আলাইহি ওয়া সাল্লাম) থেকে অথবা ইজমা’ বা কিয়াস থেকে যা কিতাব দ্বারা প্রমাণিত”।^{১১৯}

অর্থাৎ আল-কুরআনুল কারীম দীনের মৌলনীতি ও সাধারণ বিধি-বিধানের ভিত্তিসমূহ ধারণ করেছে । তার কিছু স্পষ্টভাবে বলে দিয়েছে আর কিছু ব্যাখ্যা আল্লাহর রাসূলের (সাল্লাল্লাহু ‘আলাইহি ওয়া সাল্লাম) জন্য ছেড়ে দিয়েছে । যেহেতু আল্লাহ তা‘আলা তাঁর রাসূলকে (সাল্লাল্লাহু ‘আলাইহি ওয়া সাল্লাম) পাঠিয়েছেন মানুষের নিকট দীনের হুকুম-আহকাম বর্ণনা করার জন্য এবং তাদের উপর রাসূলের (সাল্লাল্লাহু ‘আলাইহি ওয়া সাল্লাম) আনুগত্য ওয়াজিব করা হয়েছে, তাই তাঁর হুকুম-আহকামের বর্ণনা ও ব্যাখ্যা বিশ্লেষণ মূলতঃ আল কুরআনেরই ব্যাখ্যা । তাই ইসলামী শরী‘আতের যাবতীয় বিধি-বিধান যা কুরআন সূন্নাহ এমনকি ইজমা-কিয়াস থেকে উদ্ভূত সবই আসলে কুরআন থেকে উৎসারিত । হয় প্রত্যক্ষ না হয় পরোক্ষভাবে । সুতরাং কুরআন **كُلُّ شَيْءٍ لِّكُلِّ شَيْءٍ** (সব কিছুই স্পষ্ট ব্যাখ্যা) হওয়া এবং সূন্নাহর হুজ্জাত বা দলীল হওয়ার মধ্যে কোন বিরোধ নেই।^{১২০}

১১৯. কুরতুবী, আল জামি’ লি আহকামিল কুরআন, ভূট খণ্ড, পৃঃ ৪২০

১২০. সূন্নাতু রাসূলিল্লাহ, (বিআইসি, ঢাকা), পৃঃ ৫৪

অনেকে মনে করেন : مَا فَرَطْنَا فِي الْكِتَابِ مِنْ شَيْءٍ : এ আয়াতে উল্লেখিত الْكِتَابِ এর অর্থ আল-কুরআন নয়। বরং এর অর্থ হলো লাওহে মাহফুয। কারণ লাওহে মাহফুযই সৃষ্টিকুলের ছোট-বড়, অতীত, বর্তমান ও ভবিষ্যৎ সবিস্তারে সব কিছুই ধারণ করে আছে। যেমন-রাসূলুল্লাহ (সাল্লাল্লাহু আলাইহি ওয়া সাল্লাম) বলেছেন : جف القلم بما هو كائن إلى يوم القيامة “কিয়ামাত পর্যন্ত কি ঘটবে না ঘটবে তার বিস্তারিত বর্ণনা কলম লিপিবদ্ধ করে ফেলেছে”।^{১২১}

তাদের যুক্তি খন্ডনার্থে আমাদের আরেকটি জবাব হলো যে, সূরা আল-আন'আম মাক্কী সূরা। এ সূরাটি যখন নাযিল হয় তখন কুরআনের সামান্য অংশই নাযিল হয়েছিল। অনেক সূরা, অনেক আয়াত এবং দীনের অনেক মূলনীতি মদীনায় নাযিল হয়েছে। তার পরে পূর্ণ হয়েছে। তাহলে মক্কায় নাযিল হওয়া এ আয়াতে উল্লেখিত الْكِتَابِ এর অর্থ আল-কুরআন হয় কি করে? কারণ তখনো তো আল-কুরআনে অনেক কিছুই ছিলনা। বিশেষ করে ব্যক্তি, পরিবার ও সামাজিক জীবনের বিধানসমূহ যথা-মীরাছ, ওছিয়াত, বিবাহ-তলাক ইত্যাদি মদীনায় নাযিলকৃত আয়াত দ্বারা সাব্যস্ত হয়েছে। আর রাসূলুল্লাহ (সাল্লাল্লাহু আলাইহি ওয়া সাল্লাম) সূন্নাহর মাধ্যমে তার বিস্তারিত বর্ণনা দিয়েছেন।^{১২২} সুতরাং উল্লেখিত আল-কিতাব অর্থ কুরআন নয়, লাওহে মাহফুয।

দ্বিতীয় আয়াত تَبَيَّنَا لِكُلِّ شَيْءٍ সম্পর্কে এ কথা বলা যায় যে, সূরা আন নাহল মাক্কী সূরা এ আয়াতটিও মাক্কী। তখনও শরী'আতের বিধি-বিধানের অনেক কিছুই নাযিল হয়নি। তাহলে আয়াতে উল্লেখিত আল-কিতাব এর অর্থ আল-কুরআন বলা সঙ্গত হয় কি করে?

তাছাড়া تَبَيَّنَا لِكُلِّ شَيْءٍ দ্বারা শরী'আতের যাবতীয় শাখা-প্রশাখা জাতীয় আহকামের বিস্তারিত বিবরণ বুঝায় না বরং এ দ্বারা বিশেষ অর্থও বুঝায়। যেমন আল্লাহ বলেন : تُدْمِرُ كُلَّ شَيْءٍ بِأَمْرِ رَبِّهَا : “আল্লাহর নির্দেশে সব কিছু ধ্বংস করে দেবে”।^{১২৩} এ আয়াতে আল্লাহ তা'আলা 'আদ জাতি ও তাদের বাসস্থান সমূহ ধ্বংসের কথা বলেছেন। অথচ আয়াতে এসেছে كُلُّ شَيْءٍ সব কিছু। এখানে যেমন নির্দিষ্ট ও বিশেষ অর্থে كُلُّ شَيْءٍ বলা হয়েছে তেমনি আলোচিত

১২১. দিফা'উনআনিস সূন্নাহ, পৃঃ ৩৯

১২২. 'আবদুর রাজ্জাক 'আফীফী, শুবহাত হাওলাস্‌সূন্নাহ, সৌদি 'আরব: ওযারাতুল আওকাফ, ১ম সংস্করণ, ১৪২৫ হিঃ, পৃঃ-১৫।

১২৩. সূরা আল আহকাফ : ২৫

আয়াত দু'টিতেও كُلُّ شَيْءٍ বিশেষ অর্থে ব্যবহৃত হয়েছে।^{১২৪}

সাহাবায়ে কিরামের (রা) ভাষায় আল কুরআন নাযিল হয়েছে। তাঁরা ছিলেন ফসীহ তথা বিশুদ্ধ আরবী ভাষী। যেখানে পরবর্তীকালে 'আলিমগণের আল কুরআন ব্যাখ্যার জন্য আরোও বহু সহায়ক জ্ঞানের প্রয়োজন হয় সেখানে তাঁদের কোন কিছুই প্রয়োজন ছিলনা। তা সত্ত্বেও তাঁরা বহু আয়াতের ব্যাখ্যার জন্য মহানবী (সাল্লাল্লাহু 'আলাইহি ওয়া সাল্লাম) এর মুখাপেক্ষী ছিলেন। যেমন- وَلَمْ يَلْبِسُوا إِعْمَانَهُمْ بِظُلْمٍ "আর তাদের ঈমানকে যুলুমের সাথে মিশ্রিত করেনি" (আল আন'আম:৮২)। এ আয়াতে যুল্ম অর্থ শিরক; حَتَّىٰ يَتَبَيَّنَ لَكُمُ الْغَيْطُ الْأَبْيَضُ "যতক্ষণ না কালো সূতা থেকে সাদা সূতা পৃথক হয়" (আল-বাকার:১৮৭)। এ আয়াতে সাদা সূতা ও কালো সূতা অর্থ দিনের ঔজ্জল্য ও রাতের অন্ধকার; وَقَدْ رَأَاهُ نَزْلَةً أُخْرَىٰ عِنْدَ سِدْرَةِ الْمُنْتَهَىٰ "সিদরাতুল মুনতাহার নিকটে তাকে দ্বিতীয়বার দেখলেন" (আন-নাজম:১৩-১৪)। এ আয়াতে উল্লেখিত সিদরাতুল মুনতাহার নিকটবর্তীস্থানে দ্বিতীয়বার রাসূলুল্লাহ (সাল্লাল্লাহু 'আলাইহি ওয়া সাল্লাম) যাকে দেখেন তিনি ছিলেন জিবরীল (আ)। أَوْ يَأْتِي بَعْضُ آيَاتِ رَبِّكَ "অথবা তোমার রবের কোন নিদর্শন আসবে" (আল-আন'আম:১৫৮)। সে নিদর্শন হলো পশ্চিম দিক থেকে সূর্য উদিত হওয়া; صَرَبَ اللَّهُ مَثَلًا كَلِمَةً طَيِّبَةً كَشَجَرَةٍ طَيِّبَةٍ "আল্লাহ দৃষ্টান্ত পেশ করছেন পবিত্র কালিমা পবিত্র গাছের ন্যায়" (ইবরাহীম:২৪)। এ আয়াতে গাছ অর্থ খেজুর গাছ; يُنْبِتُ اللَّهُ الَّذِينَ آمَنُوا بِالْقَوْلِ الثَّابِتِ فِي الْحَيَاةِ الدُّنْيَا وَفِي الْآخِرَةِ "আল্লাহ অবিচল রাখেন ঈমানদারদেরকে সুদৃঢ় কথা দ্বারা দুনিয়ার জীবনে এবং আখিরাতে" (ইবরাহীম:২৭)। এ আয়াতে আখিরাতে অর্থ কবরে যখন প্রশ্ন করা হবে- তোমার রব কে এবং তোমার দীন কি ? ... ইত্যাদি।

اتَّخَذُوا أَحْيَارَهُمْ وَرَهَابَهُمْ رَبًّا مِنْ دُونِ اللَّهِ "আহলে কিতাবগণ তাদের আহিবার ও রুহ্বানকে তাদের রব হিসেবে গ্রহণ করেছে" (আত তাওবা:৩১)। এর অর্থ তাদের জন্য যা হালাল করা হয়েছিল তা তারা হারাম এবং যা তাদের জন্য

১২৪. গুবহাত হাওলাস সুন্নাহ, পৃঃ ১৪-১৫; সুন্নাতু রাসূলিল্লাহ (বিআইসি, ঢাকা), পৃঃ ৫৫

হারাম করা হয়েছিল তা তারা হালাল ঘোষণা করে আর এই আহলে কিতাবগণ তাই অনুসরণ করে; **لِلَّذِينَ أَحْسَنُوا الْحُسْنَىٰ وَزِيَادَةٌ** “যারা ভালো কাজ করে তাদের জন্য রয়েছে শুভ পরিণাম এবং আরও অতিরিক্ত”(ইউনুস:২৬)। এ আয়াতে উল্লেখিত অতিরিক্ত অর্থ আন্বাহ রাক্বুল ‘আলামীনের মুখমণ্ডলের প্রতি দৃষ্টিপাত করা। ইত্যাদি।

এ ধরনের বহু আয়াত আছে যা কেবল আরবী ভাষায় দক্ষতা থাকলেই জানা যাবে না। রাসূলুল্লাহ (সাল্লাল্লাহু ‘আলাইহি ওয়া সাল্লাম) যদি তা বলে না যেতেন তাহলে আমরা অন্ধকারেই থেকে যেতাম।

সুতরাং সূন্নাহ হলো আল কুরআনের সংক্ষিপ্ত কথার ব্যাখ্যা। আল কুরআনে আরো বলা হয়েছে: **وَأَقِيمُوا الصَّلَاةَ وَآتُوا الزَّكَاةَ** “ছালাত কয়েম কর, যাকাত আদায় কর”(আল বাকারা : ৪৩); **يَا أَيُّهَا الَّذِينَ آمَنُوا كُتِبَ عَلَيْكُمُ الصِّيَامُ** “হে ঈমানদারগণ, তোমাদের উপর রোযা ফারয করা হয়েছে”(আল বাকারা : ১৮৩);

وَلِلَّهِ عَلَى النَّاسِ حِجُّ الْبَيْتِ مَنِ اسْتَطَاعَ إِلَيْهِ سَبِيلًا “সামর্থবান লোকদের উপর আন্বাহর উদ্দেশ্যে বাইতুল্লাহর হাজ্জ করা-ফারয”(আলে ‘ইমরান:৯৭) ইত্যাদি। মহানবী (সাল্লাল্লাহু ‘আলাইহি ওয়া সাল্লাম) কথা ও কাজের দ্বারা ব্যাখ্যা করেছেন যে, রাতদিনে পাঁচ ওয়াক্ত ছালাত ফারয, তিনি ছালাতের রাক‘আত সংখ্যা, শর্ত ও রুকনসমূহ বর্ণনা করেছেন। তিনি বলেছেন: **صَلُّوا كَمَا رَأَيْتُمُونِي** “তোমরা আমাকে যেভাবে ছালাত আদায় করতে দেখ সেভাবে ছালাত আদায় কর”। তিনি আরো বলেছেন ঋতুবর্তী অবস্থায় আদা কাথা কোনভাবেই ছালাত প্রযোজ্য নয়। এভাবে তিনি যাকাতের প্রকৃতি, কার ওপর ওয়াজিব, তার নিসাব এবং বস্তুভেদে তার পরিমাণ কত ইত্যাদি বর্ণনা করেছেন। এভাবে ছাওম ও হাজ্জের নিয়ম পদ্ধতি ও কার্যাবলী বাস্তবে করে দেখিয়েছেন।

وَالسَّارِقُ وَالسَّارِقَةُ فَاقْطَعُوا أَيْدِيَهُمَا “পুরুষ চোর ও নারী চোর উভয়ের হাত কেটে দাও”(আল-মায়িদা : ৩৮)। সূন্নাহর মাধ্যমেই আমরা জানতে পারি যে, সিকি দীনারের কম চুরি করলে হাত কাটা যাবে না এবং হাত কোথা থেকে কাটা হবে তাও আমরা সূন্নাহর মাধ্যমে জানতে পারি। সুতরাং সূন্নাহ ত্যাগ করলে আমাদের জ্ঞান-বুদ্ধি দ্বারা আমরা এ সকল বিধান জানতে পারতাম না। তাই

কুরআন বুঝার জন্য সুন্নাহকে উপেক্ষা করার কোন সুযোগ নেই।^{১২৫}

দুই. তাদের দ্বিতীয় যুক্তি হ'লো আল্লাহ রাব্বুল 'আলামীনের বাণী : **إِنَّا نَحْنُ
إِزْلَامَ الذِّكْرِ وَإِنَّا لَهُ لَحَافِظُونَ**

“আমি যিকর নাখিল করেছি এবং অবশ্যই আমিই তার সংরক্ষক।”^{১২৬} এ আয়াতে যিকর অর্থ আল কুরআন। এ আয়াত দ্বারা প্রমাণিত হয় যে, আল্লাহ তা'আলা আল কুরআন সংরক্ষণের দায়িত্ব নিয়েছেন সুন্নাহর নয়। সুন্নাহও যদি আল কুরআনের মত হুজ্জাত ও দলীল হ'তো তাহলে আল্লাহ তা'আলা সুন্নাহর সংরক্ষণের দায়িত্বও গ্রহণ করতেন।

জবাব : আল্লাহ তা'আলা ইসলামী শরী'আতের সকল কিছুই সংরক্ষণের দায়িত্ব নিয়েছেন-কিতাব ও সুন্নাহ উভয়েরই। এর প্রমাণ আল্লাহর বাণী :

**يُرِيدُونَ أَنْ يُطْفِئُوا نُورَ اللَّهِ بِأَفْوَاهِهِمْ وَيَأْبَى اللَّهُ إِلَّا أَنْ يُنِمْ نُورَهُ وَلَوْ كَرِهَ
الْكَافِرُونَ**

“তারা তাদের মুখের ফুৎকার দিয়ে আল্লাহর নূরকে নিভিয়ে দিতে চায়, আর আল্লাহ তা'আলা তার নূরকে পূর্ণতা দান করবেনই। যদিও কাফিররা তা অপছন্দ করে”।^{১২৭} এখানে আল্লাহর নূর অর্থ আল্লাহর দীন ও শরী'আত। যা তার বান্দার জন্য আল্লাহ তা'আলা মনোনীত করেছেন। এবং তাদের উপযোগী বিধি-বিধান দিয়েছেন। তাঁর রাসূলের (সাল্লাল্লাহু 'আলাইহি ওয়া সাল্লাম) কাছে ওহীর মাধ্যমে পাঠিয়েছেন তা আল কুরআন হোক বা আস্ সুন্নাহ। যা পালনের মধ্যে ইহকালীন ও পরকালীন কল্যাণ নিহিত রয়েছে। আর আয়াতে উল্লেখিত **هُ** এর অর্থের ব্যাপারে 'উল্লেখ্যে কিরামের দু'ধরনের বক্তব্য পাওয়া যায়- (ক) মুহাম্মাদ (সাল্লাল্লাহু 'আলাইহি ওয়া সাল্লাম)। তাহলে এ আয়াত দ্বারা আস্ সুন্নাহ অস্বীকার করার কোন সুযোগ থাকে না। (খ) এর অর্থ “যিকর” যিকর অর্থ যদি শরী'আত বুঝানো হয়ে থাকে তাহলেও এ আয়াত দ্বারা তাদের মতের স্বপক্ষে দলীল গ্রহণের সুযোগ নেই। আর যদি যিকর এর অর্থ আল-কুরআন বুঝানো হয় তাহলেও এর অর্থ এটা বুঝায় না যে, আল্লাহ শুধুমাত্র আল কুরআন হিফায়তের দায়িত্ব নিয়েছেন। কারণ আল কুরআন ছাড়াও আল্লাহ তা'আলা অনেক কিছুই হিফায়ত করেন। যেমন- আল্লাহ তা'আলা মহানবী (সাল্লাল্লাহু 'আলাইহি ওয়া

১২৫. সুন্নাহু রাসূলিলাহ, ড. মুহাম্মদ আবদুল মাবুদ (বিআইসি, ঢাকা), ৫৬

১২৬. সূরা আল হিজর : ৯

১২৭. সূরা আততাজবাহ : ৩২

সাল্লাম) কে কাফিরদের ষড়যন্ত্র থেকে হিফাযত করেছেন, কিয়ামাত পর্যন্ত সময়ের জন্য 'আরশ, আসমান ও জমিনকে ধ্বংস হওয়া থেকে হিফাযত করবেন। ঠিক তেমনিভাবে আল্লাহ তা'আলা আল কুরআনের সাথে সাথে আল কুরআনের ব্যাখ্যা-বিশ্লেষণকারী সুন্নাহকেও হিফাযত করেছেন।^{১২৮}

অপর দিকে আল্লাহ তা'আলার বাণী : فَاسْأَلُوا أَهْلَ الذِّكْرِ إِنْ كُنْتُمْ لَا تَعْلَمُونَ : "তোমরা যদি না জানো তাহলে শরী'আতের বিষয়ে জ্ঞানী ব্যক্তিকে জিজ্ঞেস কর"। (আন-নাহল : ৪৩) এ আয়াতে أَهْلَ الذِّكْرِ এর অর্থ আল্লাহর দীন ও শরী'আত বিষয়ে জ্ঞানী ব্যক্তি। আর এ ব্যাপারে কোন সন্দেহ নেই যে, আল্লাহ তা'আলা যেভাবে কুরআন সংরক্ষণ করেছেন সেভাবেই সংরক্ষণ করেছেন তাঁর রাসূলের সুন্নাহকেও। তিনি এমন অসংখ্য নিবেদিত প্রাণ মানুষ তৈরি করেছেন যারা তাঁদের বক্ষে ও স্মৃতিতে তাঁদের নবীর (সাল্লাল্লাহু 'আলাইহি ওয়া সাল্লাম) সুন্নাহ অত্যন্ত সততার সাথে সংরক্ষণ করেন, পরবর্তী প্রজন্মের নিকট পৌঁছে দেন, নিজেদের মধ্যে পঠন-পাঠন জারী রাখেন। তার মধ্যে অনুপ্রবেশকারী ভেজাল থেকে তার বিশুদ্ধতা রক্ষা করেন। এ কাজে তারা তাদের জীবন বিলিয়ে দেন। তাঁরা তাঁদের নবীর সুন্নাহ সংরক্ষণ ও বিশুদ্ধতা রক্ষার জন্য যে শ্রম ও সাধনা নিয়োজিত করেন তার কোন দৃষ্টান্ত পৃথিবীর অন্য কোন জাতি-গোষ্ঠী উপস্থাপন করতে পারেনি। অতঃপর এভাবেই সকল সুন্নাহ গ্রন্থাবদ্ধ হয়। হাদিস বিশেষজ্ঞগণ বিশেষতঃ ইমাম শাফি'ঈ (রহ) বলেন: সকল 'আলিমই মনে করেন সুন্নাহ সবই বিদ্যমান আছে। কোন কিছুই হারিয়ে যায়নি। হতে পারে তা ব্যক্তি বিশেষের কাছে বেশি বা কম আছে। তবে তাদের সবগুলো একত্র করলে সবই সংরক্ষিত দেখা যায়। প্রত্যেকের সংরক্ষিত সুন্নাহ পৃথক করলে সকলের নিকটই তার ঘাটতি দেখা যাবে। সেক্ষেত্রে একজনের নিকট যা নেই তা অন্যের নিকট পাওয়া যাবে।

সুতরাং আমরা নিঃসন্দেহে এ সিদ্ধান্তে পৌঁছতে পারি যে- ছালাত, যাকাত, হাজ্জ, ছাওম, পারস্পরিক আদান-প্রদান আচরণ ও আবশ্যিকীয় কর্মকান্ডসমূহে রাসূলুল্লাহর (সাল্লাল্লাহু 'আলাইহি ওয়া সাল্লাম) সুন্নাহর কোন কিছুই হারিয়ে যায়নি। তাঁর জীবনযাপন প্রণালী ও তাঁর বাণীর সবকিছুই লিখিত আকারে সংরক্ষিত আছে।^{১২৯}

১২৮. দিফা'উন 'আনিস সুন্নাহ, পৃঃ- ৪০৩-৪০৪

১২৯. সুন্নাহু রাসূলিল্লাহ, ড. মুহাম্মদ আবদুল মাবুদ (বিআইসি, ঢাকা), পৃঃ- ৬৫

সুন্নাহ বিরোধীদের মন্তব্য- আয়াতে উল্লেখিত যিকর অর্থ কেবলমাত্র আল-কুরআন, ইমাম ইবন হাযম তাদের একথা খণ্ডন করে বলেন :

هذه دعوى كاذبة مجردة عن البرهان و تخصيص للذكر بلا دليل .

“যিকর এর অর্থ আল-কুরআন বলে নির্দিষ্ট করা কোম প্রকার দলীল প্রমাণ ছাড়া কেবলই একটি মিথ্যা দাবী”। কেননা الذکر এমন একটি বিশেষ্য যা দ্বারা আল্লাহ তা‘আলা তাঁর নবীর (সাল্লাল্লাহু ‘আলাইহি ওয়া সাল্লাম) উপর যা কিছু নাযিল করেছেন সবই বুঝায়। তার মধ্যে আল কুরআন ও আস্ সুন্নাহ উভয়টিই বিদ্যমান। কারণ, আস্ সুন্নাহর মাধ্যমে তিনি আল কুরআনের ব্যাখ্যা করেছেন। আর সেটিও ওহী। তাছাড়া আল্লাহ তা‘আলা তো বলেছেন: وَأَنْزَلْنَا إِلَيْكَ الذِّكْرَ وَأَنْزَلْنَا لَهُ مَا تُرِيدُ يَا أَيُّهَا الْمُرْسَلُ এ আয়াত দ্বারা বুঝা যায়, মহানবী (সাল্লাল্লাহু ‘আলাইহি ওয়া সাল্লাম) আল কুরআন ব্যাখ্যার জন্য আদিষ্ট হয়েছেন। আর আল কুরআনে বহু সংক্ষিপ্ত বিধান এসেছে যেমন : ছালাত, যাকাত, হাজ্জ ইত্যাদি বিষয়। এ আদেশগুলোর বাস্তবায়ন প্রক্রিয়া কী তা আমরা রাসূলুল্লাহর (সাল্লাল্লাহু ‘আলাইহি ওয়া সাল্লাম)-এর ব্যাখ্যা ছাড়া জানতে পারিনা। আর আল কুরআনের এ সকল সংক্ষিপ্ত বিধানের রাসূল (সাল্লাল্লাহু ‘আলাইহি ওয়া সাল্লাম) কর্তৃক ব্যাখ্যা যদি সংরক্ষিত ও নিরাপদ না থাকে তাহলে আল কুরআন দ্বারা মানব জাতির কল্যাণ লাভের উদ্দেশ্য অসম্ভব হবে। এভাবে শরী‘আতের অধিকাংশ বিধান অসারতায় পর্যবসিত হবে। সুতরাং যিকর দ্বারা কেবল আল কুরআন অর্থ নেয়া শুদ্ধ ও সঠিক হবেনা।^{১০০}

তিন. তাদের তৃতীয় যুক্তি হলো সুন্নাহ যদি সত্যই হুজ্জাত হতো তাহলে মহানবী (সাল্লাল্লাহু ‘আলাইহি ওয়া সাল্লাম) অবশ্যই তা লিখে রাখার নির্দেশ দিতেন। তাঁর পরে সাহাবা ও তাবিঈঈন কিরাম তা সংগ্রহ ও লিপিবদ্ধকরণে উদ্যোগী হতেন। তাতে তা ভুলে যাওয়া, ভুল করা ইত্যাদি সন্দেহ থেকে মুক্ত থাকতো এবং সন্দেহাতীত অবস্থায় সঠিকভাবে তা মানুষের নিকট পৌছতো। কারণ সন্দেহযুক্ত জিনিষ দ্বারা দলীল পেশ করা যায় না। আল্লাহ তা‘আলা বলেন: وَلَا تَقْفُ مَا لَيْسَ لَكَ بِهِ عِلْمٌ “যে বিষয়ে তোমার জ্ঞান নেই তার অনুসরণ করোনা”^{১০১} আল্লাহ তা‘আলা আরোও বলেন: إِنَّ يَتَّبِعُونَ إِلَّا الظَّنَّ “তারা তো শুধু কল্পনারই

১০০. শাওক পৃঃ- ৬৬

১০১. সূরা আল ইসরা : ৩৬

অনুসরণ করে”^{১৩২} আর লেখা ছাড়া সুন্নাহর অকাট্যতা প্রমাণিত হয়না। যেমন আল-কুরআনের ক্ষেত্রে হয়েছে।

পক্ষান্তরে একথাও প্রমাণিত যে, রাসূলুল্লাহ (সাল্লাল্লাহু ‘আলাইহি ওয়া সাল্লাম) তা লিখতে নিষেধ করেছেন। এমনকি যারা কিছু লিখেছিলেন তা মুছে ফেলতে নির্দেশ দেন। সাহাবী ও তাবিঈঈন কিরামও এমন করেছেন। মহানবী (সাল্লাল্লাহু ‘আলাইহি ওয়া সাল্লাম) এর এরূপ নির্দেশ প্রদান, সাহাবায়ে কিরাম ও তাবিঈঈনগণের এরূপ কার্যকলাপ প্রমাণ করে যে সুন্নাহ অকাট্যভাবে সংগৃহীত ও লিপিবদ্ধ থাকুক তা মহানবী (সাল্লাল্লাহু ‘আলাইহি ওয়া সাল্লাম) নিজেই চাননি আর তাঁর এরূপ ইচ্ছাই প্রমাণ করে যে, সুন্নাহ শরী‘আতের দলীল নয়।^{১৩৩}

জবাব : যে সকল হাদীছ দ্বারা বুঝা যায় সুন্নাহ বা হাদীছ লেখার ব্যাপারে রাসূলুল্লাহ (সাল্লাল্লাহু ‘আলাইহি ওয়া সাল্লাম) কোন নির্দেশ দেননি অথবা নিষেধ করেছেন, তাতে কিন্তু সুন্নাহ হুজ্জাত বা দলীল না হওয়া প্রমাণিত হয়না; বরং এর কারণ হলো তখন মুঠিমেয় কিছু লোক লিখতে জানতেন তাঁরা যেন কেবলমাত্র আল কুরআন লেখার কাজে নিয়োজিত থাকেন, তাদের সে লেখাতে যেন অন্য কিছুর সংমিশ্রণ না ঘটে এবং মুসলিমগণ যেন আল কুরআন হিফায়ত ও সংরক্ষণে একনিষ্ঠভাবে নিয়োজিত থাকে। তাছাড়া হাদীছ শাস্ত্রের ইতিহাস অধ্যয়নে জানা যায়, রাসূলুল্লাহ (সাল্লাল্লাহু ‘আলাইহি ওয়া সাল্লাম) কুরআন লেখার যে নির্দেশ দিয়েছিলেন তা ছিল সরকারী ফরমান। হাদীছের ব্যাপারে তেমন সরকারী নির্দেশ ছিলনা। তবে হাদীছ লিপিবদ্ধ না করার এ অবস্থা দীর্ঘস্থায়ী হয়নি। মদীনায় হিজরাতের অল্প কিছুদিন পরেই সাহাবীদের এবং তাঁদের ছেলেমেয়েদের লেখাপড়ার ব্যবস্থা তিনি নিজেই করেন। যখন উল্লেখযোগ্য সাহাবী লেখাপড়া শিখে ফেললেন তখন তিনি সুন্নাহ লিপিবদ্ধ করার অনুমতি দিলেন। বেসরকারীভাবে রাসূলুল্লাহ (সাল্লাল্লাহু ‘আলাইহি ওয়া সাল্লাম) এর সময় ও পরবর্তীকালে অনেকে হাদীছ লিপিবদ্ধ করেছেন। অবশেষে ‘উমার ইবন ‘আবদিল ‘আযীয (রহ) হাদীছ লেখার জন্য সরকারী ফরমান জারি করেন।

হাদীছ লিপিবদ্ধকরণ সম্পর্কে একটি মারাত্মক ভুল ধারণা মূর্খ-পন্ডিত নির্বিশেষে অনেকের মধ্যেই বদ্ধমূল হয়ে আছে। ইসলামের দূশমনরা একে সুন্নাহর শরী‘আতের দলীল না হওয়ার ব্যাপারে যুক্তি হিসেবে পেশ করতে চায়। তাদের

১৩২. সূরা আল আন‘আম : ১১৬

১৩৩. দিফা‘উন ‘আনিস সুন্নাহ, পৃঃ-৪০৬

যুক্তি হলো, রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর জীবদ্দশায় হাদীছ লিপিবদ্ধ হয়নি, হয়েছে তাঁর মৃত্যুর অনেক পরে। অর্থাৎ সাহাবা, তাবিঈন ও তাবি’-তাবিঈনের যুগ পর্যন্ত সুন্নাহ শুধু মৌখিক বর্ণনার মধ্যেই সীমাবদ্ধ ছিল এবং প্রায় এক শতাব্দিকাল পর্যন্ত সুন্নাহ লিপিবদ্ধ হয়নি। বর্তমানে মুসলিম উম্মাহর নিকট হাদীছের যে গ্রন্থাবলী বিদ্যমান তা হিজরী তৃতীয় শতকে সংকলিত হয়েছে। তাদের এ ধারণা সঠিক নয়। কারণ ইতিহাসে অন্তত ৫২ জন সাহাবীর নাম পাওয়া যায় যারা সুন্নাহ লিপিবদ্ধ করেছেন।

দলীল প্রমাণ হওয়া কেবলমাত্র লেখার মধ্যে সীমাবদ্ধ নয়। সুতরাং এ যুক্তি সঠিক নয় যে, সুন্নাহ যদি দলীল হতো তাহলে রাসূলুল্লাহ (সাল্লাল্লাহু ‘আলাইহি ওয়া সাল্লাম) তা লেখার নির্দেশ দিতেন। দলীল হয় অনেক কিছুই ভিত্তিতে। যেমন: মুতাওয়্যাতির হওয়া, ন্যায়পরায়ণ বিশ্বস্ত বর্ণনাকারীদের মাধ্যমে বর্ণিত হওয়া, লিপিবদ্ধ হওয়া ইত্যাদি। এমনকি আল কুরআনের ক্ষেত্রেও তা কেবল লেখার উপর নির্ভর করা হয়নি বরং সাহাবায়ে কিরাম প্রত্যেকটি আয়াত স্মৃতিতে ধারণ করেছেন এবং অন্যদের নিকট তা পৌঁছে দিয়েছেন। আর লেখার চেয়ে মুখস্থ কোন অংশে কম নয়। বিশেষত: আরব জাতি যারা তাদের প্রখর স্মৃতিশক্তির জন্য কিংবদন্তীতুল্য। যাদের স্মৃতিশক্তির ব্যাপারে বহু বিস্ময়কর কাহিনী ইতিহাসের পাতায় ছড়িয়ে আছে। তাঁদের স্মৃতিতে সংরক্ষিত বিষয়ের যথার্থতা নিয়ে তো কোন রকম প্রশ্নই উঠতে পারেনা।^{১০৪} অপরদিকে বহু সাহাবী না লিখলেও সুন্নাহর এক এক বিশাল ভান্ডার তাঁদের স্মৃতিতে ধারণ করেন। তাঁদের মধ্যে সর্বাধিক প্রসিদ্ধ হলেন : ‘আবদুল্লাহ ইবন ‘উমার, ‘আবদুল্লাহ ইবনুল ‘আব্বাস, আনাস ইবন মালিক, জাবির ইবন ‘আবদিল্লাহ, আবু হুরাইরাহ, উম্মুল মু‘মিনীন ‘আয়িশা (রা)। তবে আবু হুরাইরাহ (রা) সবচেয়ে বেশি হাদীছ ধারণ ও বর্ণনা করেন, যার সংখ্যা পাঁচ হাজারের উপরে। উম্মুল মু‘মিনীন ‘আয়িশাই (রা) দু’হাজার দু’শোর কিছু বেশি হাদীছ ধারণ ও বর্ণনা করেন।^{১০৫}

চার. তাদের চতুর্থ যুক্তি হলো রাসূলুল্লাহ (সাল্লাল্লাহু ‘আলাইহি ওয়া সাল্লাম) থেকে এমন কিছু বাণী বর্ণিত হয়েছে যা দ্বারা বুঝা যায় যে, সুন্নাহ হুজ্জাত ও দলীল নয়। যেমন তিনি বলেন:

১০৪. সুন্নাতু রাসূলিল্লাহ, পৃঃ-৭৭

১০৫. প্রাণ্ডক, পৃঃ-১৬৩

إن الحديث سيفشو عني فما أتاكم عني يوافق القرآن فهو عني وما أتاكم عني
بخالف القرآن فليس عني

“অদূর ভবিষ্যতে আমার নামে হাদিস ছড়িয়ে পড়বে আল কুরআনের সামঞ্জস্যশীল যা তোমাদের কাছে পৌঁছবে তা হবে আমার আর, যা আল কুরআন বিরোধী হবে তা আমার নয়।”

সুতরাং বর্ণিত যে সুন্নাহ দ্বারা নতুন কোন শর’ঈ বিধান প্রমাণিত হবে। তা অবশ্যই আল কুরআনের মুওয়্যফিক হবে না। আর যদি নতুন কোন বিধান না দেয় তাহলে তা হবে কেবলই তাকিদ তখন আল কুরআনই হবে মূল দলীল ও হুজ্জাত^{১৩৬}।

এ প্রসঙ্গে আরো বর্ণিত আছে:

“إِذَا حَدَّثْتُمْ عَنِّي حَدِيثًا تَعْرِفُونَهُ وَلَا تُنْكِرُونَهُ، فَصَدَّقُوا بِهِ، قُلْتُهُ، أَوْ لَمْ أَقُلْهُ
فِيَّيْ أَقُولُ مَا يُعْرَفُ، وَلَا يُنْكِرُ، وَإِذَا حَدَّثْتُمْ عَنِّي حَدِيثًا تُنْكِرُونَهُ وَلَا تَعْرِفُونَهُ،
فَكَذَّبُونَهُ، فَيَاي لَأَقُولُ مَا يُنْكِرُ”

“যখন আমার থেকে কোন হাদিছ তোমাদের নিকট বর্ণনা কর হয় যা তোমরা জানো এবং তোমরা অস্বীকার কর না। সে হাদীছ আমি বলি বা না বলি তোমরা তা বিশ্বাস করবে। কারণ, আমি পরিচিত এবং অস্বীকার করা হয়না এমন কথাই বলি। আর যখন আমার নামে তোমাদের কাছে এমন কোন হাদীছ বর্ণনা করা হয় যা তোমরা জানো না, সে হাদীছ আমি বলে থাকি বা না বলি, তোমরা তা বিশ্বাস করবে না। কারণ, যা অপরিচিত ও অস্বীকার করা হয় এমন কথা আমি বলিনা।^{১৩৭}”

এ হাদীছ দ্বারা বুঝা যায় রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর নামে যা কিছু বর্ণনা করা হবে তা মুসলিমদের নিকট পরিচিত আল্লাহর হুকুমের সাথে মিলানো ওয়াজিব। সুতরাং সুন্নাহ শরী‘আতের কোন হুজ্জাত নয়। মূল উৎস আল কুরআন। এ প্রসঙ্গে রাসূলুল্লাহ (সাল্লাল্লাহু ‘আলাইহি ওয়া সাল্লাম)-এর আরেকটি বাণী:

১৩৬. দিফা ‘উন ‘আনিসুন্নাহ, পৃঃ- ৪৮৯

১৩৭. আসুন্নাহ ওয়া মাকানাহুহা, পৃঃ ১৫৪; দিফা ‘উন ‘আনিস সুন্নাহ, পৃঃ ৪৮৯

إِنِّي لَا أَحِلُّ إِلَّا مَا أَحَلَّ اللَّهُ فِي كِتَابِهِ وَلَا أُحَرِّمُ إِلَّا مَا حَرَّمَ اللَّهُ فِي كِتَابِهِ

“আল্লাহ তা‘আলা তাঁর কিতাবে যা কিছু হালাল করেছেন তা ছাড়া আমি আর কিছু হালাল করি না এবং আল্লাহ তাঁর কিতাবে যা কিছু হারাম করেছেন তাছাড়া আর কিছু আমি হারাম করিনা। অতএব আল কুরআনই হলো শরী‘আতের মূল উৎস, সুন্নাহ নয়।

জবাব : বর্ণিত হাদীছের জবাব নিম্নরূপ :

إِنَّ الْحَدِيثَ سَيْفُشُو عَنِي فَمَا أَتَاكُمْ عَنِي يُوَافِقُ الْقُرْآنَ فَهُوَ عَنِي وَمَا أَتَاكُمْ عَنِي يَخَالِفُ الْقُرْآنَ فَلَيْسَ عَنِي

এ হাদীছ সম্পর্কে ইবনে হায়ম আল ইহকাম গ্রন্থে এবং আসসুয়ূতী (রহ:) মিসফতাহুল জান্নাহ গ্রন্থে ইমাম আল বাইহাকীর সূত্রে বর্ণনা করে বলেন : এ হাদীছটি মুনকাতা’। কারণ এর একজন বর্ণনাকারী খালিদ অজ্ঞাত ব্যক্তি এবং আবু জা‘ফর সাহাবী নন।^{১৩৮}

ইমাম শাফি‘ঈ (রহ:) বলেন : এটি একজন অজ্ঞাত ব্যক্তির সূত্রে বর্ণনা। কোন ক্ষেত্রেই আমরা এ ধরনের বর্ণনা গ্রহণ করিনা।^{১৩৯}

ইবনু ‘আদিল বার তাঁর জামি‘ গ্রন্থে বর্ণনা করেছেন : ‘আবদুর রহমান ইবন মাহদী বলেন যিনদীক ও খারিজীগণ এ হাদীছ বানিয়েছে।^{১৪০}

ইমাম আল বাইহাকী (রহ:) বলেন : আল কুরআনের বিপরীতে হাদীছ উপস্থাপনের ব্যাপারে যে হাদীছ বর্ণিত হয়েছে তা ভিত্তিহীন। তা নিজেই বাতিল বলে প্রমাণিত। অতএব আল কুরআনের বিপরীতে হাদীছ দাঁড় করানো আল কুরআন দ্বারা প্রমাণিত নয়।^{১৪১}

মোটকথা হলো ‘আলিমগণ এব্যাপারে একমত যে, সহীহ সুন্নাহ কখনো কিতাবুল্লাহর পরিপন্থী হবে না। কোন বর্ণনায় যদি এমনটি দেখা যায় তাহলে তা পরিত্যাজ্য।

১৩৮. দিফা‘উন ‘আনিস সুন্নাহ, পৃ: ৪৯১

১৩৯. আসসুন্নাহ ওয়া মাকানাভুহা, পৃ: ১৬১

১৪০. দিফা‘উন ‘আনিস সুন্নাহ, পৃ: ৪৯১

১৪১. আসসুন্নাহ ওয়া মাকানাভুহা, পৃ: ১৬১

দ্বিতীয় হাদীছ :

"إِذَا حَدَّثْتُمْ عَنِّي حَدِيثًا تَعْرِفُونَهُ وَلَا تُنْكِرُونَهُ، فَصَدَّقُوا بِهِ، قُلْتُهُ، أَوْ لَمْ أَقُلْهُ، فَإِنِّي أَقُولُ مَا يُعْرِفُ، وَلَا يُنْكِرُ، وَإِذَا حَدَّثْتُمْ عَنِّي حَدِيثًا تُنْكِرُونَهُ وَلَا تَعْرِفُونَهُ، فَكَذَّبُونَهُ، فَإِنِّي لَا أَقُولُ مَا يُنْكِرُ "

হাদীছটির সনদ দুর্বল। ইবনে হাযম বলেছেন, এটি একটি মুরসাল হাদীছ এবং বর্ণনাকারী আলআসবাগ একজন অজ্ঞাত ব্যক্তি। হাদীছটি যে মিথ্যা ও বানোয়াট তা তা **أَوْ لَمْ أَقُلْهُ، قُلْتُهُ، فَصَدَّقُوا بِهِ** কথা দ্বারা বুঝায়। কারণ রাসূলুল্লাহ (সাল্লাল্লাহু আলাইহি ওয়া সাল্লাম) কখনো নিজের সম্পর্কে মিথ্যা বর্ণনার অনুমতি দিতে পারেন না। মুতাওয়াতির হাদীছে এসেছে-

مَنْ كَذَبَ عَلَيَّ مُتَعَمِّدًا فَلْيَتَّوِّأْ مَقْعَدَهُ مِنَ النَّارِ

“যে ইচ্ছাকৃতভাবে আমার উপর মিথ্যা আরোপ করবে সে যেন জাহান্নামে তার স্থান বানিয়ে নেয়।”

রাসূলুল্লাহ (সাল্লাল্লাহু আলাইহি ওয়া সাল্লাম) যে কথা বলেননি তা তাঁর প্রতি আরোপ করে যিনদীক ও কাফির ছাড়া কোন মুসলিম বর্ণনা করতে পারেনা।

তৃতীয় হাদীছ :

إِنِّي لَا أَحِلُّ إِلَّا مَا أَحَلَّ اللَّهُ فِي كِتَابِهِ وَلَا أُحَرِّمُ إِلَّا مَا حَرَّمَ اللَّهُ فِي كِتَابِهِ

এ হাদীছ প্রসঙ্গে ইমাম শাফি'ঈ (রহ) বলেছেন এ একটি মুনকাতা' হাদীছ, রাসূলুল্লাহ (সাল্লাল্লাহু আলাইহি ওয়া সাল্লাম) এমনি করেছেন। আল্লাহ যা আদেশ করেছেন তিনি তা বাস্তবায়ন করেছেন। ইমাম আল বাইহাকী বলেন : হাদীছটির মূল বক্তব্যে **إِنِّي لَا أَحِلُّ إِلَّا مَا أَحَلَّ اللَّهُ فِي كِتَابِهِ** কথাটি যদি সঠিক হয় তাহলে তার অর্থ হবে আল্লাহ তাঁর প্রতি যা কিছু ওহী করেছেন। আর ওহী দু'প্রকার ১. ওহী মাতলু ২. ওহী গায়রে মাতলু। সুতরাং এক্ষেত্রে হাদীছ/সুন্নাহকে অস্বীকার কারীদের দলীল হবে না। কারণ, কিতাব অর্থ কেবল আল কুরআন নয় আস্ সুন্নাহও এর অন্তর্ভুক্ত। এভাবে সুন্নাহ অস্বীকারকারীদের উপস্থাপিত হাদীছগুলো যদি একটি একটি করে পর্যালোচনা করা যায় তাহলে দেখা যাবে একটি হাদীছও তাদের মত ও যুক্তির পক্ষে দলীল হতে পারেনা।

উপসংহার : পরিশেষে বলতে চাই, সূন্বাহর দলীল হওয়াকে অস্বীকার করা ও এ দাবি করা যে ইসলাম শুধু আল কুরআন দ্বারাই সাব্যস্ত এমন কথা কোন মুসলিম বলতে পারেনা। এটা বাস্তবতা পরিপন্থী একটি কথা। কেননা দীন ও শরী'আত সম্পর্কে যার নূন্যতম জ্ঞান আছে তিনিও জানেন শরী'আতের অধিকাংশ হুকুম সূন্বাহ দ্বারা প্রতিষ্ঠিত। আল কুরআন যে বিধান সংক্ষিপ্তাকারে পেশ করেছে আস্ সূন্বাহ তার বিস্তারিত বর্ণনা দিয়েছে। সুতরাং সূন্বাহকে অস্বীকার করার অর্থই হলো আল-কুরআনকে অস্বীকার করা। আর আল-কুরআনকে অস্বীকারকারী মুসলিম থাকতে পারেনা। আল্লাহ আমাদেরকে ও গোটা মুসলিম সমাজকে এ ধরনের ফিতনা থেকে হিফাযাত করুন। আমীন ॥

وَصَلَّى اللهُ عَلَى نَبِيِّنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ

--o--



বাংলাদেশ ইসলামিক সেন্টার
ঢাকা

